


開化府志

卷八
六册

—(350.20)
136
26



賦下

龍河水車賦

萬重寶



鶯梭燕剪趁晴暉龍河初暖魚乍肥綠染千村煙羃
樹連城一帶柳花飛麥秋已過農更忙輕篋圓笠徧
水鄉到來枷板村響徹十萬人家喜蓋藏方其始也
秧剡剡而針若農欵欵而競作水何事而揚清車何
爲而連孽似璇璣之環運綴筒戶兮周絡羗一吞而
一吐遂更起而更落旣音聲之互酬復緩急以相錯
爾乃紛紛呶呶濤波振激似危石兮乍墜如飛漿兮
簇插濟灑兮澎湃搓擲兮朝軋藻苻牽兮紛紜湫灩

開化府志

卷之十

賦

一

揉兮噤喋白珠翻不定練霧捲復摺游鱗驚漁筍竄
龜亂入袂至其寒霍噴花急雨灑樹縷洩雲漢之冰
傾注碧沙之渡似商飈之激發若飛蓬之驚顧鮫綃
縷縷玉屑敷繪雲片片珠塵度千條瀑布甘雨來燕
齒橋頭失舊路旣而隱隱淒淒緩嘆長嘻若怨若慕
欲卽欲離羈臣太息孽子含悲寡婦晝歎貧女宵啼
耕父哭於清冷旱魃哀夫潢漪木魅與山鬼休戰毒
虺共短蜮同吮若夫狂呼急歐奮發而抽猛火礫礫
怒颯颯颯鯨音兮萬里夔嘯兮千頭熊羆喘虎豹愁
蛟鼉爭獠張憂征駒嚼鐵以嘶風狡狴飛焱而嚇蚪

墳狐吼雪饑鷹呼秋川妃憤涕龍伯乍咻鸞轂兮雙
驅雷轟分齊投鉦方揚而半止笳已平而忽道又似
棲鶻倏驚於峻嶺騰狄頓幕乎危樓百丈山頭下文
曛桑柘無影樹停雪樵夫漁子都歸去牧笛悠揚隔
岸聞我亦尋田路飄然過江關遙望燈光處勝間綠
樹盤歌曰江森森兮風景涼水車吟兮日舒長年來
新穀盈倉箱願上無疆 萬壽觴

龍河紀遊賦

萬重簣

且息柝分日方新攜公子兮龍河濱柳陰涼分跳錦
鱗竹踈爽兮鳥窺人花粘屐兮雨微痕倏晴霽兮香

開化府志

卷之十

賦

二

風溫穿魚市兮過龍壇佃叱犢兮鷗越灘梵聲起兮
風聲牽及紅寺兮僧知君入松堂兮坐禪茵歛鳴舩
兮鷺上門我思魚兮僧不葷食松子兮餌杏仁蘋苳
湘兮米酒陳與君醉兮夢乘雲醉鄉來兮饒芳醇饒
芳醇兮忘怒喚見羲皇兮上古春遊鸞鳳兮舞麒麟
龍鼉騎兮珠璣翻永不死兮余谷神豈無人兮誇笏
紳炙手熱兮勢絕倫富貴淫兮匪我存惟古賢兮諸
子親江湫湫兮山谿谿長此古調兮誰與彈庶幾公
子兮超塵轉恐余兮迷故津

秋夜思賢人賦

萬重簣

感時遷而物變兮動幽客之悽心
忽秋聲之夜發兮兀獨坐而靜聽
似寒潮之初來兮轉飄泊于樹林
思佳人之別離兮忖藁葭而孤吟
彼美隔此良宵兮乃開門而望月
月皎皎其照吾兮吾有心而誰徹
既來往以詩書兮豈顏色之是惜
邂逅締其爲朋兮百年矢而一節
憶婆娑於山阿兮咀紅蘭之芳華
偶結情于芙蓉兮睇白水以興嗟
愛之子之清貴兮寧與是而有差
事已過而不留兮人已去而天涯
昨送君而獨處兮今遲遲其行邁
究難釋彼佳人兮夜對月而強快
快莫遂乎余心兮轉相思而爲怪
勉將怪而爲

愛兮託芍藥以輕掛清矣冷矣聞鴈聲之嗷嗷兮度
高空而月渾笳吹溜於遠隴兮桂香來而溫存關山
澌其迢遞兮露滴衣而靡言思行裝以從彼兮吾將
夢子于前村

獅子山賦

吳允奇

峩岬突起律翠長封緬鳳嶺之支派得獅山之形容
壯平疇之觀瞻誤疑踞虎爲邊域之屏障漫擬蟠龍
斜冲半壁秀出千峰似猙獰之負嵎旣蠹而莫就如
狡獪之走壙雖削而何庸爾乃境橫平地勝冠重巒
腰中路古頂上雲攢朝暎初懸霞鎖半天之翠夕陽

返照火流數點之丹較華山而同麗依帶水以爲安
原夫春見峭舊之容冬見慘淡之骨秋則含情夏則
氣勃似眠似笑如雕琢之偏工如俯如昂宛精靈之
不沒遂使披圖者驚異態之難同因而登眺者訝奇
形之如突則有烟火散人湖山逸士迹混樵漁自遺
朝市對景長吟顧盼自喜覽高岡而興懷見烟雲之
四起嘆虎岫之難誇惟鰲山其堪比於有高人坐雨
懶起花關捲湘簾而眺遠登畫閣以看山背峙葛山
若搖尾而實幻面臨竜海似點頭而非頑宜乎遠者
思探奇而著履近者時扶筇以躋攀至其晴色夕霽

開化府志

卷之十

賦

四

據地如生陰雨朝迷出檻易制巨靈劈就馱國未收
夸娥移來古木何繫信神力之孤撐非矯揉而凌厲
牧羊者繪嘶吼之聲採樵者傳崢嶸之勢由是雨揮
如汗風嘯欲鳴膝纏蘿帶口吐金精吸露餐霞幾若
不脛而走瞻雲向日何殊無翼而行差擬靈鷲豈混
泥鯨洵天地之造設非人工所經營豈必蓬萊瀛洲
方稱巨麗何須華嶽泰岱乃見崢嶸

阿猛海賦

吳允奇

伊北鄉之名海起東注之波文納百川而若谷圍衆
麓而無琅爲千流之淵戴綺五村之林墳擬若嶺而

不二較鯤壑以同羣信張融之能賦如陸機所已云
爾乃光連碧落影瀉青峰面則浮鴨底可藏龍派出
綠塘知淵源之有自濬來碧澗識瀲灩之能容信一
勺而不測雖斗量亦何庸原夫曲湍爲瀾怪石作島
滉瀆芙蓉參差荇藻漁舟下處唱歌欵乃之歌樵載
歸來舴立負戴之老古岸垂楊平沙植稻受盈科之
瀑泉納就下之行潦朝浴輕鷗暮集沙鶉起長夏之
白鸞發陽春之碧草撐冽冬之半篙載秋成之萬寶
瞻梯航而若接廻狂瀾於旣倒况復霖半夜之寒烟
泛信宿之漁影蜃樓巍巍鮫室井井錯岸之古木干

株沿邊之沃田數頃征帆風來石磯釣永欲窮此水
之觀須登最高之嶺盪彼汪洋聚茲岨岨經雨而漲
滿渟泓當晴而色增藍蔚方揚塵於澤國是以似之
擬幻境於桑田未知同不至其朝動日華宵沉月魄
晨昏萬狀旣失其常潮汐兩參焉有所擇網無禁師
賦有定額供千家之罾綸培一里之地脉則有問津
漁郎乘桴避世憶揚波之聖人嗤啣石之精衛集浦
之漁火重燃一葉之扁舟遠繫霞餘則散綺紛紛風
蹙則縠紋細細於是理桂棹泛蘭舟駕採鷁下金釣
載酒而高歌起扣舷而大白浮弭牙檣於蓼渚並容

與於波流鵬繫千里人在十洲映綠樹於鏡面得赤
鯉於灘頭信私渠之可比豈滂池所能侔

非賦

萬重簣

名稱豐本字號懶人晚冬旣度嫩綠初勻錯鹿胎於
芳畹結鴻蒼於沃畛曾動垣羸之附豈惟鼠婦之因
高士遠來郭苑之雨烟深鎖醢人敬饋鎬廷之醢豆
堪陳爾其神皇經辨元聖定評咏藿載於爾雅寄陸
水之呂情諸葛一畦沛恩膏於夷夏孝文幾葉傳墨
翰於帝京蕤蕤柔藍瀉微波兮驚雉離離濃黛罩密
雷兮啼鮒徐孺之題詩有以庾杲之寓志誰并當夫

開化府志

卷之十

賦

六

寒露凝凝秋霞黓黓秀發若雲英敷似沸抽葵蕊以
依稀攢葱葩而鬢髯銀沙亂點烟生種玉之田夜月
纔籠夢對落花之墜染素藻而尤工弄霜毫而增貴
雪狸乍撲以疑無白鴿生慚而轉未况是東帝司晨
萼華未有清陰匝地疑添半畝之苔綠霧盈園誰染
四圍之黝或連楊柳之灘或帶芸臺之樓漏聲冷落
堂上來賓金水蕭騷壺中有酒揮金刀則往復徘徊
照碧袖則流連澱瀾宜供劉母之烹應入萇宏之口
風流之游泳旣多聲譽之留傳已久彼夫吳縣蓴羹
思秋風於張翰陽阿薤露播新調於郢鄉鴻儒則方

梁芋種詞客則碧澗芹香是皆一時之呈秀亦占大雅之奇觀若教擷芳於蔬圃終難比美於陶塲故石菖得堯韭而愈重亦瓦薄賴天韭而倍彰又何遜翠芥之操春秋不變青菘之性冬夏如常會及友朋風味比烹葵剥棗速諸父舅景物勝朋酒羔羊蕩氛醖於遐陬香奪五辛之薦扇仁風於芳甸光添四豆之將

詩

五古

大西門樓

貢生 劉 焯 建水

西城峙高樓突矗聳天根乘輿一登臨翠然想高騫

開化府志

卷之十

詩

七

俛首看斯世默默無所言茫茫郊垌外閒雲趁風翻轉睇龍河柳依依兩岸紛風景殊不俗玲瓏據層軒天風清我懷靜笑去憂煩萬里歛暝色隱隱見高原

咏西華山

增生 楊自超 郡人

靈秀鍾西華極高出雲霧三十六蓮花層疊閒雜布峻嶺蒼松圍遙岑古寺路潺湲石泉聲隱現林鳥度為思古今來勝境引人慕詎擬終南山仕宦捷徑處

農語

萬重箕

雨歇見雲飛水聲尚未住呼耕趁牛閒炊烟出村樹

課蠶

張 昂

青雀喚蠶姑萬井桑已綠秋來無衣裳寒者將不育

嶺上吟

張鶴鳴

路入白雲顛不敢視下界寒日風色緊獵獵吹欲墜

鍾林瑞梅

開化北城外龍河隈有鍾林寺古刹也乾隆嘉慶間臺砌左倏發綠萼梅一本枝葉皆茂花時香氣襲人特不實若科年結實一枚則中式一人二枚三枚亦如之否則

是科無中式者人以爲梅中之瑞相與築欄石護之云

賴鄉老子祠縹杏揚仙姿將軍荔枝樹陳惠公所遺

鬱鬱鍾林梅瑞氣頡頏之槎枒青銅幹娑娑正當時

綠萼飛香英科名兆於斯一實一鄉舉三實數不虧

歷歷皆徵驗毋乃龜與著玉薇亦有花蕊榜應芳蕤

開化府志

卷之十

五古

八

阿窰此不遠今也杳莫追

阿迷冰泉山舊有玉薇花一本似紫薇而色純白不知何人所植相傳當年無華華則必有登科甲者如

戊辰楊應登壬戌李柱明甲戌萬民表咸應驗後玉

薇爲野火所焚何如鍾林梅年年照丹墀

鍾林銀杏

在北橋外火神廟後不知何代所植

李衢

進士

鍾林雙銀杏亭亭列臺階鴨脚無算葉蕭森拂雲堆

花開仲春候宵中罕見來歲蕤百千子絕勝金婆梅

曾聞聖僧樹花亦丙夜開神物誰快覩與斯品隲儕

馥馥大興桂况此亦妙哉擬將銀杏篇金粟對徘徊

秋晚自鳳凰嶺渡龍江口占

舉人 李延福 郡人

鳳山清於洗龍江靜日深清以滌我愁靜以澄我心

況此晚秋風送我至煙濤登舟望鳳嶺山山落夕陰
舟子亦欣然江上發好音

五言律

開陽八景

右滇稱西南粵區開鎮翼其南厥地遼濶綿亘千餘
里山深水遠騷人逸士之所盤桓其載在志乘者詳
矣而郡城八景尤稱名勝前人每多題咏甲子夏嚴
父奉

簡命來滇鎮於茲阿勒吉善隨侍官舍明年延本郡
楊雲峯先生爲師課業之餘得讀前都督高公八景

開化府志

卷之十

五律

九

詩遺韻如新想當年羊叔子雅度翩翩也師命次其
韻自慙禱昧勉而成之爰附於後謹序

龍河素練

蒙古舉人 阿勒吉善

淼淼龍河水斜拖匹練長深秋搖碧澗素影下銀塘
中有鮫人隱如聞織女藏濯纓誠可咏誰復問滄浪
天塹飛虹

天生橋自古巧不倩人工嵐氣三山合寒泉一徑通
如虹飛斷澗帶霧隱空濛銀漢疑相接槎乘到月中
西華列戟

極目西山勝層層衛遠城如戈斜以整似戟豎仍橫

卽此消邊釁居然弭闕爭恩威揚萬里朗映日華明
南橋夜月

散步南橋月身閑似冷官江深林影燦夜永鏡光寒
泛水流雙壁凭欄試一看虛明常不掩皎皎射欄杆
大興晚鐘

古寺懸鐘篆旋蟲制獸蹲雞鳴隨玉漏鯨動報黃昏
撞破禪關路驚醒旅客魂幾回鈴閣外氣欲奪龍孫
二臺返照

薄暮東華麗餘霞尙在坡樹深入影度鳥語夕陽多
對射丹崖碧相迎紫嶂醜半規將欲盡隱隱掛籐蘿

開化府志

卷之十

五律

十

虎溝烟雨

烟雨虎溝斑溟濛暗石關霏霏雲氣濕漠漠水聲潺
古木全遮岸斜陽半隱山人家如畫裡十畝得身閒

八憂晴嵐

八憂嵐光吐晴蒸景更奇氤氳隨日麗靉靄傍山迷
路轉分猶合峯迴整帶差太和元氣象瑞應

聖王時

開陽卽事

增生

鄒近陽 郡人

水曲澄心靜峯高豁遠眸虹橋千古渡烟雨一天秋
嵐影晴遙布臺光晚尙留鐘聲何處起明月照江樓

太平寺

竹柏圍香刹。清幽別徑蹊。目流天際影。人吃海中磯。
綠繞平田遠。青歸遠岫低。俗氛何處著。隔在數峯西。

西峯老君閣閒眺

舉人曹士桂 郡人

危峯支傑閣。高勢與雲齊。一水不知遠。千山盡覺低。
煙消開郡堞。樹密入郊畦。風勁松聲嘯。花疎草徑迷。
似離人境外。宛在斗杓西。幽意忽相逐。隔溪聞午雞。
辛未元旦宴客客有以椒花獻頌故事稱述者因紀

三十韻遣興

同知 莊復旦

雅羨劉臻婦。元正禮意嘉。合歡聽爆竹。相敬頌椒花。

開化府志

卷之十

五律

十一

照罷穿衣鏡。迎回待漏車。遠山描愈媚。新詠與偏餘。

四韻連珠綴。三朝萬福加。欣欣開笑口。細細入搔爬。

守歲煤重剪。留香幕半遮。圍爐凝妙想。擁几賦含葩。

詠絮才華擅。簪花格勢斜。綺思流硯匣。和氣透牕紗。

滴粉搓酥手。雕瓊刻翠家。彩牋紅袖拂。彤管玉尖拏。

眉壽期偕老。心苗吐寸芽。釵頭搖綵燕。筆底握靈蛇。

彬蔚歸清鑠。優游謝侈夸。能抒琴瑟韻。宜和鼓鐘槌。

盈菊祈蕃衍。傳馨辟惡邪。掄揚齊白雪。容貌映丹砂。

蕉院秋題葉。荷池夜績麻。駒光纔轉瞬。餽味又膠牙。

卯酒雙龍尊。辛盤五色瓜。青陽輝鑲字。澄景煥珠珈。

嘉耦恩情重繁禧祝望奢何由通扣扣聊以表些些

攜手交稱賀同心覽歲華展隨金屈戌挂付玉了義

賢闔推驚座劉臻妻 陳氏名公恐作衙晉書載成公綬亦有椒花頌今坊本

不傳因戲用杜審言以屈宋作衙官之意璇璣應比艷香茗並無瑕富貴

家人吉聰明列傳誇良辰述芳範舉案酌流霞

讀漂母祠記 劉 炤

漢家得一傑漂母在千秋厚意豈圖報兼金不足酌

壺飡博廟食俠氣借書留慚愧鬢眉子徒然羨女流

題竹箐王老人壁 增生 萬卜貞 郡人

深山塵不到來訪始經過此處修篁迴之人妙藥多

開化府志 卷之十 五律 十一

雲開猿墜樹月落鳥驚窠一嘯千巖應徜徉出澗阿

田園卽事 萬重質

田園欣初霽花蔬紅間青趁晴蝸角墜經雨鳳車停

蕊嫩憐新種蓄高喜亞局老農垂柳外閒說相牛經

題南橋劉道士居 貢生 張學文 郡人

三閘平板屋掩映綠陰中日脚朝看淡灘聲夜聽雄

斗經安老子花史課兒童話及頤生理逢君百慮空

宿甘塘 選拔 楊 沛 郡人

去城三十里來宿古甘塘魚帶和羹美椿芽漬蜜香

籬疎風入室燈燼月窺床申夜不曾寐啼雞趣曉裝

半邊寺

訓導楊炳郡人

長峽何年寺。當岩恰半邊。豹嘯山欲動。雲走樹疑傾。
世有難全陷。禪留未了緣。試聽谿谷水。不住訖連牽。

萬重篋

東南有巨浸。衆派滙其間。雲勢如移閣。濤聲欲走山。
上舟羸馬蹶。戲浦野鷗閒。去去猶回首。青紫兩岸關。

歲貢王秉義郡人

灣村渡
斷橋不得渡。取路向灣村。驚起田間鴈。衝來林下犍。
埠低紅寺出。川曲碧波翻。犬吠迎漁棹。花香到岸門。

黃兆鳳郡人

開化府志

卷之十

五律

十三

南來風景秀。秋色綴晴暄。紅樹江邊路。斜陽隴上村。
蕭蕭山氣逼。嚶嚶鴈聲繁。漸看天垂晚。青烟出碕門。

村多陶人也

監生楊文炤郡人

指點風塵外。依微有燒痕。疎林平帶水。斷嶺半遮村。
飛鷺橫岩過。鳴榔出港喧。何年此結伴。漁父共清樽。

舉人黃道恩郡人

觀夜醮有感
卵色天如水。珠光夜綴燈。堂邊催法鼓。幡下繞羣僧。
消厄華嚴唱。迎祥佛號稱。禳求殊不厭。悔過亦何曾。

次李達泉見贈原韻

萬重篋

採擷風塵外幽芳不謂無歎葵知漆女作論喜潛夫
菊自秋華淡松憐晚節孤幾回清賞處枝葉想毋虞

開陽紀慶

教授余萃文 昆明

王會兼蠻部巖疆鎮極邊日南遵鳳紀星野界鶉躔
圖展維摩舊風殊阿雅先綠蘿分錯壤白石藝舊田
水抱專城固山環一鏡圓雙橋通廣路八里遍居廛
獼喇行過市窩泥坐數錢籠裙誇繡幅撮髻飾銀鈿
綴景張燈夜逢春賽社天蘆笙鳴嘒嘒土鼓擊淵淵
雍睦敦龐治平康大有年釋戈忻舞羽操縵解安絃
合樂崇罇俎登歌肅豆邊馬躋沾露濕旂後著雲翩

開化府志

卷之十

五律

十四

謹邀趨蹌步同依色笑筵時當

清化洽聲教溢全滇

雜興

庠生李南雋 郡人

晴煙飛院宇新月照樓臺明早雞豚會今宵鼓角催
菊看霜下綻梅向雪前開村後多閒叟時時約伴來

心鏡亭

劉 炤

一泓看止水亭在水中央清意入襟爽濃芳繞檻涼
天空心自照風過鏡浮香絕遠塵囂境難禁飲興長
陰樓招同諸君游西華山老君崖時丙戌清和月之

廿日也

庶吉士黃 琮 昆明

好客逢康樂尋山伴郭文橋經春水沒路向野田分
白日摩孤嶂光峰割亂雲遙知有佳處莫憚往來勤
其三

窄徑千盤上攀蘿未易行陰崖含雨色崩石轉雷聲
樹老全圍寺山迴曲抱城僧樓好登眺歡飲罄銀罍
山車路二首
監生傅秉訥郡人

指點山車路真同蜀道艱層巒連五里積石阻三關
橋自天生名硯就江從馬額名村環我因前過此回憶尙
愁顏

開化府志

卷之十

五律

十五

往向崎嶇道飛梁架絕巒行人穿樹杪野鳥集雲端
地似雙輪轉坡如九折盤停驂猶太息此路果知難

七言古

讀前明鎮國將軍功烈傳賦長篇呈公裔古厓傳為
臨安原任參政王公奎撰凡三千四百餘字同謫
成原任布政韓公宜可撰明興勲烈四字篆額二
公皆浙江人後皆召
還事實俱詳建水志
舉人朱一點安寧

時維洪武十五年王師大舉平南滇重開生面山河
麗彩雲披拂金碧際蠢爾臨安羣蠻子狼攢豺集不
畏死馬黑奴據龍河懷觀音奴據秀山壘阿也引出
目則邨連絡吉臺爪水起長蛇封豕禠犬羊黑氣溟
濛橫千里飛將軍從天上來旌旗耀日烽烟開南征

北討搗其穴降者不殺梗者摧金鼓振石屏馬黑奴
自刎金戈逼通海觀音奴自刎寧州酋首揭梟竿蒙
陽殲及阿也引建城立衛民居奠克國屯田遍鄉縣
有詔留公鎮南州都揮襲蔭孫曾眷八代勲勞勒旃
常矧乃後賢甲科絢猗歟回憶瀘江波淨澄空碧煥
山赤霞宛襲積太平得拜將軍賜農歸田野商歸肆
兵不擾民民卽兵宵旰頻煩側席志朝循壁壘夜讀
書春風習習飄輕裾嘗言好謀非好勇何曾兵隙荒
三餘功成自應圖凌烟第一勲標國乘篇浩氣常留
滇之滇上在天兮下在淵山高水清思杳然神威坐

鎮資豐年我今燃藜讀青編凜凜如對將軍前

天生橋洞龍江之所由出也

距府城西北三十里赴省大路

萬重簣

君不見青峯插天幾層層白璫如雲匝地傾天生一

洞咽赤水地勝豁舒穿砵碎雷轟鯨吼鬼坎嶺石楠

花絆仙人蹇仙人古佛分檣扁玉柱瑤筍錯相對纓

絡開處颺金沙放出霞光繼豪駒獅狔虎狼勢欲起

大士止之手爲義朝飛鴉蝠出石穴暮走嵐烟護水

關腥風雪沫波翻輪候魚時有鷓與瀨洞上崎嶇石

道開欄馬石邊看濤推濤聲澎湃貫人耳萬壑松潮

與起止此道逶迤達開陽此水卽是開陽江盤旋城郭十餘折如龍蜿蜒壯一方潢趨溝注紛鬚瓜千里萬里向越裳上流於此束長峽吞虹吐霓幾折疊橋關壁障列參差相開相送去何提我今過此一攬之爲想天地開闢時九州山川不勝數塞者必通有何奇人具百骸肖天地血脉隔閼卽垂戾要提玲瓏妙竅心清氣順理絕滯滯性靈疏瀹衆憂散洞達開明光煥爛

榴園

萬重簣

黛山綠溪縈古寺萬株榴花紅乍試中雜千樹水晶

開化府志

卷之十

七古

七

罌火燒白雪恰相似金風昨夜吹滿林枝頭佳果堆如柿漸漸秋霜點黑斑瘤房坼裂露千子文槐之砧青萍劔剖出蜂窠美人齒天漿清潤玉池酥化洽三彭壽不死

楮櫟林感事

座生
常凌雲

楮樹連邨十餘里芋花當春亦纏纏年來瘦地少人耕楮芋之實稻梁抵官家徵炭到窰房催促詈罵誰敢當肩擔車運來城市那恤丁男饑凍死

七言律

送李明府樂夫歸省

學院
孫人龍
烏程

天涯秋草綠無垠匹馬駸駸行色新竹閣貯為赤縣
長蘭陔先謁白頭親梁鴻案下堪承志薛鳳班中會
致身惟有朋歡添別恨都門詩酒十餘春

開化于役書事四律留題平壩廟壁東道王厚慶歷城

南來鳥道假烏蒙都在句町舊國東地險關通今馬

白天生橋渡古彝紅開化即古紅夷國松毛似扇鋪鍼細木

瓦從繩覆屋工山對九真環八曼一河賭咒界華戎

地入唐堯古版圖郡南百里即明都平蠻山亦思諸

葛祖獲夷須擾孟烏臘免毋雞形錯襍虎溝蜂碕路

盤紆投鞭細譯侏僂語兩字翁茶詰象胥

開化府志 卷之十 七律 六

信徵木刻結繩如爨字維將識題書夷種仍分三十

七寨名增到一千餘 聖朝拓土尊民數疆吏宣威

仗野廬刻骨風光山水惡前途烟瘴未全除

一勺泉分石罅甘滙為六十六龍潭夢魚兆記豐年

屢捕鼠謀欣下國諳邊外徭人滋事越南國已剿捕藏事寺隱蟬光驚

桂老郡有雙桂老幹為人間所希有因感予折枝歷下歷名場已二十五年矣俗崇雞卜

與耆參東西歷徧滇之北又矚交岡傳日南

化乙山二首 萬重負

威重崇隆勢獨尊吐吞元氣接天門自來靈嶽諸公

視誰識炎荒化乙蹲碧削三峯支鳥火雄橫千堙錯

兒孫山精物怪藏游處雲雨飛飛旦與昏

天池浴日唱金雞閃爍晶光看未迷白霧露開神嶽

面青芙蓉墮仙人梯時聽溪聲行陣馬每逢琪草護

山螭箇中寶藏知多少魄氣交橫影照西

綴錦園和王鎮臺原韻

劉 炤

一經點綴一番新好景平分花有神嫩綠輕紅稱並

艷釀風蘊雨結芳隣晴看碧沼魚尋侶時倚雕欄鳥

覩人戲問習家池上客誰同山簡和陽春

龍水筒車

周朝俊

幾處筒車倚渡頭轆轤推轉不曾休清音靜聽管弦

開化府志

卷之十

七律

九

細碎片輕飄梅蕊浮暗柳飛烟生翠雨渴虹含水噴

沙洲翻來覆去龍江上疑是銀河天際流

府署老梅

同知張德基山

紺石青銅屈曲盤槎枒磊落上簷端孤山無信誰招

鶴公府多情任宿鸞擬向松門尋竹徑何緣翠箔傍

朱欄娉娉漫道枝頭老隨意開花正好看

南橋餞春

吳尹瓌 如暉

良辰結伴出南關四野晴開見遠山春色漸隨流水

去薰風初趁白雲閒芳卮幸倚松千尺彩筆慙窺豹

一斑囑付東皇莫淹久來年依舊早知還

前題

都司 鄧松 全州

板橋古樹影蒼蒼，是處鶯啼欲斷腸。修禊有人情共
永留春無計恨，偏長詞壇選勝君。為主射圃分籌我
可當，乘興流觴敲好句，煙濃餘韻度回塘。

二橋烟柳

恩貢 向鼎元 郡人

龍河盤折護城闌，南北橋看柳色新。萬縷垂絲烟
曩曩，幾人折贈意頻頻。彩虹夾處憐清曉，黃鳥啼時亂
弱塵。題柱歸來旋馬看，白雲綠樹滿江春。

前題

布衣 鄒開第 郡人

龍河烟景白蕭森，南北橋分柳岸陰。引到木犀香縷

開化府志

卷之十

七律

三

縷南橋大

牽來銀杏綠岑岑

北橋鍾林

千條帶雨雙

虹潤兩道迴波萬，樹深遙憶渭城臨。贈處離情應共

此呻吟

四郭晴雲

向鼎元

山環水繞峙雄城，傑郭崢嶸四望明。競惹香雲浮雉
堞，遙分紫氣拂霓旌。東西彩徹風頻試，南北光連雨
正晴。晨夕相觀無限景，斷紅飛處語流鶯。

前題

鄒開元

傑閣崢嶸四望同，游雲藹藹布晴空。爽通西郭連千
朶，風轉南樓見幾叢。似錦似葩香到北，非鱗非羽秀

盈東屢關遠近爭先覩都在江城五彩中

虎溝烟雨

廩生 萬垣拱 郡人

伏櫪潛消虎避蹤時時烟靄暗杉松林岩風雨半天
隔氣候陰晴一日逢日極青冥盤鳥外望中碧巘有
雲封山城漸遠江村漱涼意翛然盪俗胸

南橋觀月

舉人 李延福 郡人

輕風淡掃片雲收共看清輝映碧流玉鏡光搖空翠
杳銀蟾皎射浪花浮煙籠遠寺侵瓌柱岍夾星杳宿
斗牛漫誦坡公赤壁賦南橋明月滿仙舟

大興晚鐘

廩生 林天錫 郡人

開化府志

卷之十

七律

三

雞園徐遞數聲鐘撞破煩氛百十重靜裏不驚僧定
後閒中已退客情濃遠隨明月催關吏近繞江風醒
老龍多少雄心憑幾叩一齊擬逐上西峯

大興雙桂

向鼎元

雞園奇種自天來金粟氤氳對面開無事鄧林叢八
樹祇今福地喜雙培色分西土如來座香到南城錦
繡堆應是月中傳桂譜兩株駢出永難摧

前題

訓導 束本培 新興

誰把天香作盖扛芳聯十丈覆禪窻靈根得地隨他
長老氣橫秋肯自降除却月中稱第一遍求天下恐

無雙平心說到聲華處終讓儒林播遠邦

二臺返照

舉人 陳昌運 郡人

送天斜日射高峰丹嶂流輝霽色溶半嶺晴霞浮錦
繡二臺金景麗芙蓉蒼茫樹外朱千點紫凝山中翠
幾重莫道邊城無好韻詩情畫意晚尤濃

老塢海

開陽勝景題云海島漁家廩生 邢 漣 郡人

十里漁家住海澗灣環島嶼氣蕭森炊煙出葦風潭
靜破網當門夕照臨每喜鳴榔回港口頻飛白鳥集
沙心好將村酒沽來看兒女團團笑語斟

路梯塘

教授 余萃文 昆明

開化府志

卷之十

七律

三

路梯塘上路如梯石角參差望眼迷巖巖乍看峰突
起崢嶸返射日平西泉流壞道岐人足木斷危橋陷
馬蹄無那客愁誰為遣畫眉啼罷僱工啼

上巳日西山紀遊書懷二首

郡伯 習振翎 江西

見說今朝上巳辰投荒萬里是前因但借僚友娛佳
日賴有雲山作主人堤柳烟含青欲染田疇水漲綠
鋪茵宦遊同是天涯客修禊年年笑此身
冬去春來節序更重遊到此又清明水田漠漠看飛
鷺楊柳依依聽嘒鶯無補空慙毛義志告歸莫慰老
萊情憑欄望斷家山遠誤被浮名絆我生

樂童

貢士 王秉憲 郡人

大地山環古泚塘龍窈烟樹曉蒼蒼雨肥正好耕
野日睨還從集晚場燈火人家書課徹衣冠門第秀
才香自來盡說佳風水桃李花間坐詠觴

綠蘿寺

萬垣拱

鬱鬱長松幾百株綠蘿古寺隱山隅風翻花嶮香分
與雲雜禪林影亂鋪采藥客叅恒秀老僧始開山者傳解經
人指大乘圖晚鐘歇後雞園坐溪水琅璫聽不孤

謁老寨關聖宮

萬重篔

連雲山起勢崇窿殿閣摩宏有漢宮何地無人叅古

開化府志

卷之十

七律

三三

義山高手肖真容龍威宛鎮荆襄日虎氣橫騰
野一拜階前頻仰止雄深雅健果如公

紅甸道中

舉人 傅作檀 郡人

鹿鹿征鞍道路間陰晴天氣此行艱前溪雨足人爭
稼後閣雲深馬度關林外鐘聲知有寺橋邊虹影半
橫山夕陽歇處村屯近無數牛羊下碧灣

馬白汎

庠生 唐 仁 郡人

古店差兩界中驛亭冷冷住邊戎烽墩排嶺青堆
白客路縈坡綠間紅老狃朝呼關口雨寒臬夜吼箐
頭風閑板藤葛高岑望瘴海煙波咫尺通

枯木通山

廩生 李友杜 郡人

應是巨靈仙掌闢隔山
恰露硯中天月圓古鏡峯頭
掛夜半銀橋嶺上懸
有孔常瞻雲似岫
開窗却借雨如簾
故留缺陷何須補
好與春風燕子穿

鳳嶺口占

庠生 徐崇勳 郡人

競吐奇峰排嶺西
宛然鳳翼布高低
思歸學海還停翅
為隔龍江巧結隄
滿擬朝陽鳴遠徼
應銜丹詔沛羣黎
九苞屢指峻嶒處
却笑蠻人誤碧雞

茶菴讌集

莊復旦

浣花相賞莫蹉跎
十里茶菴結伴過
新詠又看操不

開化府志

卷之十

七律

三

律深杯頻勸飲無何
且隨勝友開顏笑
願共斯民鼓腹歌
斜日在山歸騎散
餘酣思戰魯陽戈

賞農

莊復旦

布穀聲中笠影圓
溝塍時雨足今年
攜筐餉食田家樂
攬轡催耕太守賢
修竹禪林無暑氣
垂楊村落帶晴烟
追隨五馬行春去
綠野幽風屬眼前

虎溝作

一一一 舉人 楊澍 河西

短策征車笑泛鷗
故人雞黍款相留
山啣缺月窺簾靜
風引香杭入夜稠
厚醕斟殘千里夢
潤情話盡大江秋
酣來正欲彈長鈇
烟雨瀟瀟籠虎溝

壽佛寺秋夜聞楚歌

生員 陳映遯

夜半燈殘古刹涼忽聞楚客弄清商
聲聲響徹關山月字字吟侵蘆荻霜
宋玉悲來思正苦湘靈彈罷韻初揚
那堪旅客愁中聽一段離情憶故鄉

清軍府花廳舊額題盤桓二字感而作七言律二首

莊復貞

小盤桓處足盤桓清簾疎簾抱膝安
博進愛人鳴鑄響破閒慣自取書看
偶因兼味招佳客且養天機守冷官
任爾催租人鵠立不教詩興敗柔翰

莎廳靜坐晝冥冥竹影花陰滿戶庭
細柳近依營畔

開化府志

卷之十

七律

三五

綠好山高出屋頭青鄰塘水足喧蛙鼓
小院風和放鴿鈴閒步階除消晚飯夕陽
留影照西亭

贈萬古厓

進士 劉大紳 寧州

碧雞坊外草堂閒白石高風正可攀
書讀唐虞三代上賦成漢魏六朝間
幾人一出兼伊呂吾道長年樂孔顏
只是客邊時有夢秋風吹到舊鄉關

和劉寄菴先生見贈原韻

萬重箕

誰似康成一樣閒先生清望少追攀
誦絃那取蓬三徑衣被如開厦萬間
書帶草縈青翡翠松滋雲拂紫孱顏
知今教法蘓湖比玉立森森笑八關

閱昔賢詩得柳州柳刺史種柳柳江邊二句卽用爲
題作七律一首奉上郡伯劉藜亭先生

舉人 王天爵 建水

品異區區百里才學優入仕仕優哉一方煩劇無難
事終日清閒有遠裁明德流風思旦奭華宗門第想
王裴沿江種柳成陰遍人比甘棠蔭後來

和王江樓孝廉見贈原韻 郡伯 劉青照 江蘇

政拙催科慙乏才訟庭花落亦悠哉看山笑我成奇
僻覓句推君有別裁移竹園中添伴侶種桃牆外幾
裏裴休誇插柳方彭澤愧讀陶詞歸去來

開化府志

卷之十

七律

二十六

萬松坪成進士特贈

郡伯 卞雲龍 遵義

獅嶺龍江瑞靄盈天教麟鳳重邊城開科文字清而
麗與世周旋厚且明桃李無言隨處發芝蘭有臭對
時榮他年經濟符輿望何獨班生快此行

敬和卞郡伯見贈原韻

進士 萬起魁 郡人

字句藏胸掬不盈年來日枉坐書城自從徒見驚成
喜不嘆虛生曠漸明衣鉢相傳叨誨切霓裳載咏借
光榮賜歸待選宜親訓仰止高山正景行

題烈女李七妹

邑候 伍澤槩 祁陽

誰云閨閣守貞難弱質蓬門節獨完輕薄羞聞秉蘭

誰激身忍惜抱花殘清風一掬邱山重皎日千秋霜
雪寒墓碣先題行表里為關名教發長嘆

前題和韻

進士 謝奉章 建水

大節光昭世所難窮檐有女獨堅完持身只解清名
貴行路寧教穢語殘袖裏冰霜常耐冷山閉松柏不
知寒題來姓字輝彤管淚灑遺碑付永嘆

前題和韻

進士 李廷柏 建水

青天碧海恨銷難璞玉渾金志已完體潔何容纖翳
點心堅寧惜一身殘如生淑女顏猶毅未死狂童骨
早寒珍重勁操彤管述清音一唱復三嘆

開化府志

卷之十

七律

二十七

旌表節孝杜母楊孺人入祠

附監 鄭文仲 臨安

從一傳來齒頰香

熙朝揚詔賁幽光泥金封處人千古鶴表歸來淚幾行
維女紀綱稱孟母補天遺闕羨媯皇漫言身後無輕
重綸綽遙頒勝袞裳

前題

舉人 葉春生 郡人

北來

丹詔到南天萬里褒揚詎偶然玉鑑常懸昭毅後冰操不
墜憶生前培成爛熳花三樹流去清漣水一川正氣
凌霄知未散自應俎豆享千年

前題

貢士 葉衷秀 郡人

飲冰茹蘖已多年。堪羨

丹書下日邊。在昔熊丸同玉粒。於今荻字裊祥烟。寒松暈滿朝暉麗。丹桂攀餘湛露鮮。亮節自來傳女史。千秋彤管姓名傳。

旌表節孝萬母張孺人入祠 貢士族兄光陽性倜儻有智畧娶張氏生子起魁甫一齡而兄卒家固温飽而翁姑老邁張仰事俯育奉翁姑塋送悉以禮教子至入庠而後卒時乾隆年 月也乙卯起魁領鄉薦嘉慶乙丑成進士已巳冬得旌表入節孝祠詩以誌之

萬卜貞

教子名成志已申。清祠明祀豆籩陳。遺孤至性寒瓜

開化府志 卷之十

七律

二十六

薦慈母深恩。綵服新可喜。泮遊纔弱冠。咸誇瑤秀異

常珍。寶田貽厥孫。謀善苦由悲。深祖德淳。魁進事祖喪坐事

不有闡宗權。木鐸那詹驥。子躍雲津。鄉評素

擬松筠粹。族論還傾脯。棗醇饗有期。功微惠愛門。無

閒語見嚴更。宜乎羣從家規凜。藹爾嘉言禮教遵。縹

筆士林書梗槩。精禋穀旦敬逡巡。鸞回紫諾升煙繼。

巾幘銘書千萬春。

迎春偶題

莊復旦

交南四序與迎春。予權府篆時迎二次在郡丞任迎二次 自笑頭銜改

換頻故事。文看隨俗演。八里雜扮故事十七座 風光便覺應時

新綠莎堤畔趨花猪金粟園中拜穀神大興寺內有古桂二株

贈伊慰庭都督二首

莊復旦

樞庭頗牧國書道投筆真成萬里侯羽檄早看磨角
鼻花翎果見耀堯鏊干城謀畧封圻重降虜威聲楚
蜀留掃靖欃槍奏笳鼓策勲疊荷 寵綏優

五羊城畔樹牙旗金馬山前節又移華閱舊高長白
嶺銅標遠建古紅夷時和常最趨庭課德盛先培擢
第基說禮敦詩清讌暇籌邊偉論總相宜

辛未元旦偶成十九韻

莊復旦

輕颺和靄日瞳矐已覺春生柳眼中邊郡劇增新氣

開化府志

卷之十

七律

二十九

象民家齊守舊鄉風雙雙絳蠟輝中雷對對天香裊
半空傍戶低粘紅甲馬近簷高掛紫燈籠松毛灑地

如絨蜀竹箔臨街映綺櫳柱換春聯油滑滑盆餘夜

火暖烘烘歡情並貯團圓餅土人稱為餌塊仁德先沾十八

公向例年前各伐松樹數株於門外樹立今歲未伐洵愛物之意獠婦競裝銀鑿落

嬌兒爭耀玉瓏璫東厨纔抹糟花釀曉枕先聽爆竹

筒正朔又頒交趾國早朝仍集梵王宮南城外大興禪寺有古桂

二株向為朝賀之地寒帷擁蓋官儀盛樹幟懸刀卡衛雄帥府

威嚴天半壁黃堂鼓吹日三通東文西華祥暉遍漢

賈夷民樂意同賀客到門偏攬駕介賓入市不乘驄

開俗崇儉紳 一樽柏葉皆稱壽 此戶桃符盡送窮 到
士皆步行

果交嘗龍眼 黑沾唇常帶馬金紅 文山產馬金 龔檳榔 神方好

迓元辰喜晴色 先占一歲豐 預約青郊迎淑氣 裙腰

漸綠郭門東

霧露結道中 安南里

萬卜貞

結山霧露正濛濛 第鬱盤紆狹路通 草茸蕙蕙紅林下

雨花窩泥唱啤頭 風鑽天 有小鑽天 大鑽天 快馬行難穩 撲

地蒼鷹 老鷹山多 出鷹鵠 看頗雄 此去熱塘多瘴癘 梯高

處繫吾裘 家嶺北住此 余不得往

阿猛八景 江那里

舉人田杰 畫水

開化府志 卷之十

山城鞏固

天堑保障是高山 四面雄巖總一巖 蕞爾城堅如楚

壁彈丸塗險比秦關 懸崖欲下洪濤阻 要塞偏多積

石環益信皇圖真 鞏固攻圍縱有五丁艱

澄潭夜月

深潭百尺水盈盈 寥落長空印月輕 宿鷺白萍秋一

色孤舟沙岸夜 雙清浮珠鏡面 驪長睡沉璧波心 鯉

不驚極目前 村漁火暗風微露冷 寫幽情

水仙朝拱

何人移石下山巔 巧置波心作水仙 面對水明烘

揖身居西北協清堅森森卓立寧低首兩兩班聯恰
比肩靈氣由來鍾海濞依稀太乙暫乘蓮
海潮雙桂

鷺嶺飛仙到海潮蕭疎古刹異香飄齊張翠蓋遮苔
徑矗立芳叢當錦標水氣潛滋金粟潤山風輕拂麝
臍饒一枝林表無雙艷羣仰丹紅映碧霄

綠溪晚釣

漁翁偏愛夕陽西穩握長竿對綠溪香餌拖藍青縷
細輕篔漾碧晚烟低風清鯉鯉吞鈎巧月吐蜻蜓立
影迷記取盈車淵百仞詹何絕技待攀躋

開化府志

卷之十

七律

三十一

天馬雲關

海外奔騰起一山居然天馬走雲關藤蘿錯雜三花
碎木石蕭森六印圓雪擁欲嘶鞭逐勢風生巧助怒
盤顏雙瞳夾鏡須明水選勝騷人共仰攀

旅客競渡

瀾漫海水類長江何自鳩工甃石砥遊子息肩來問
渡征夫駐足幸成雙拈花顧盼印須切隔岸懽呼笑
語曉風景還生蘆葦港中流逸客奏新腔

層巒聳翠

萬丈岡巒勢若催層層排闥送青來光迷鸚鵡岩邊

亂色醉蜻蜓雨後倩突兀凌虛粧翠黛慈薩作意點
蒼苔相邀著屐登臨好吟咏芳馨等五臺

道光丙戌十一月廣南郡伯何不園先生郡志告成
郵寄來開併及致政之意爲詩作別因和原韻三

首寄贈

同知周炳順天

一十四年爲宦久木溪花嶺沛恩深嘗修百廢忘
辛苦每愛斯文共討尋太守曩時勤政績郡人此日
望棠陰興歌五袴民安堵忽聽歸來曲自吟

賢聲久已著邊疆抗疏功名漢有匡漫道山亭來共

吉曾立來吉亭於山麓祇緣循吏意俱長宦情若紙烘偏厚任

開化府志

卷之十

七律

三

路收韁計太忙解組身閑無事好高懷得趣水雲鄉
鄰封處處仰仁風華國文章教育功俯仰人天無愧
忤優游歲月益虛沖居官政美追前輩好古情深讓
老翁攜杖歸來真樂處高山流水在其中

丁亥人日於西華山寺觀桃讌集同人原唱一首

邑侯許應元直隸

七日春光次第加關心聊與問桑麻騰驤馬試平原
草蘊藉人攀紫陌花話舊共驚年似水紀遊應惜手
搏沙樽前不盡醪醢酒更訪桃源處士家

步原韻

同知周炳

桃放初春色更加山頭六六聚如麻同人雅集須邀
客遠道難行爲看花樂事不妨將進酒賡歌惟愛浪
淘沙登臨直上雲霄路回顧開陽百萬家

西郊晚步 迴文

劉 炤

邊城錦繡錯郊西晚步踈烟渡柳堤天掛倒霞依日
側嶺分平野帶雲低潺潺舞水流花徑簌簌閉風嘯
燕泥還鳥隨人遊意懶牽情更轉過山溪

詠宵征 迴文

萬重篔

雞鳴冷店月光清早遇行人問遠程西岸橫煙村隱
隱北關催夜鼓砰砰谿間石影疑跼豹樹上風呼趁

開化府志 卷之十

七律 三三

滑甃低轉斗星看路濶畦桑接處霽霞明

恭軍碕

邑侯 黃 斌 山陰

石門曲步頗深幽把炬尋踪未肯休頓闢天窗玉笋
現巧通地穴銀河流鳥從高處任飛舉魚在靜中堪

泳遊若問玲瓏百竅孔化工圖就一瓊樓

江那里

生員 孔毓才 郡人

地接蓮城踞土游維摩曾此舊名州九牛籌雨晴仍
試八曼山嵐午不收在昔趙佗誇粵長於今韋氏祖

韓侯承 恩新簡文山佐竚聽絃歌禮教修

贈王質夫明經 住龍河北岸本臨安藉年七十多髯 孔毓才

北城關外傍河行槐柳陰中庭宇清比德舊推周道
祖明經今見高堂生綠葵赤米炊烟晚遠浦孤舟秋
水盈此際想君饒異趣撚髯唱起讀書聲

張晴川外翰將旋大理屬贈

萬重篔

張鶯今爲老鳳飛戴仁纓義詎相違依然漢翰精錢
選何但松枝代塵揮十九峯頭花入夢三千里外月
當屏願君驚麓遲歸去响甸諸生侍講幃

贈黃汝南

郡武生鐵面虬髯
傷儻善射且工琴

貢生

張鳳鳴

霹靂弓鳴鴈落時少年英邁想虬姿羌無多會髯都
老亦又何心綦衛馳半畝花明松下屋幾回琴寫竹

開化府志

卷之十

七律

三

間詩任渠拉雜妍媸際有酒招邀卽醉之

西華勝境

舉人

鄧學先

蒙自

三十六峯列畫屏綠窻常對玉瓏玲雲添巖色千重
翠鳥破嵐光一道青入座疑披王宰畫登樓遐想謝
公亭武夷九曲稱幽勝到底吾生眼未經

石婆婆

陸學先

霧鬢煙鬟萬古新山花滿戴一頭春莫言頑性難爲
侶但有婆心便是神地植松楸圍古寺堂羅蘭桂待
佳人多情偏在無情石愧爾冰霜閱歷身

虎溝春雨

開陽十六景採入四首

張景說

虎溝山勢各嶙峋遠望清溪景物新薄霧迷濛皆細
雨輕烟澹宕總初春林禽自在聲偏靜喬木長青氣
倍淳何必蓬萊尋妙境應知此處隱仙真

二橋烟柳

張景說

龍川繞郭鎖雙橋綠柳輕烟淡不描樹影依稀南北
岸人家掩映短長條晴虹並跨行方覺好鳥時鳴聽
轉遙宛似湖湘江上過思浮畫艇坐吹簫

海島漁家

張景說

老塢烟波十里奢九峯中起接雲霞漁人事業全憑
海島嶼蓬蒿便是家繫樹丹橫春漲暖當門網曬夕

開化府志

卷之十

七律

廿五

陽斜牆邊掩映桃兼柳園苑瀛洲莫浪誇

飛鳳昂霄

張景說

緣何鳳嶺勢如飛昂首遐荒戀翠微出岫雲蒸生瑞
彩朝陽日麗感春暉雙開錦翼丹青近獨立高岡北
斗依午夜松篁傳律呂來巢

阿閣莫相違

讀許吟舫大興寺雙桂詩奉和二首 周炳

吟詩得句在西堂天挺雙奇萃一方樹影玉堦明有
象花開金粟暗生香清晨帶雨枝凝綠午日迎風蕊
綻黃白露降時秋欲半月中雲外見芬芳

古剎薜蘿林獨擅奇多年雙桂共參差香飄秋月三
界花滿龍江二六時佛國因緣徵鳳嶺人間色相悟
蓮池根非下土來天上半畝濃陰是幾枝

中秋登新建安平樓作

周炳

時際平分任唱酬天香飄渺挹高秋知非爽亮三更
月敢謂元龍百尺樓湛露夜凝金粟界清光早上玉
搔頭凭欄細看連疊處瓦縫參差桂影浮

九月既望陶少府與魏仙曹舉少尹會陳輯五東
梅村兩廣文同遊郡南大興寺賞桂邀予未得去

次晨以聯句見示因次原韻奉和三首周炳

開化府志

卷之十

七律

共

雲外風飄香氣過叢林花放樂如何各心解脫禪先
悟福地流連醉後歌信是世間雙桂少饒他天上一
枝多歸來不待東山月影射夕陽照遠坡

昨朝小飲憑誰起今日微吟觸類由唱和座中歌白
雪凝思天上返陽春詩因我愛偏無句君爲花忙倍
有神迴憶風搖踈影處長空雁字一行人

無事難消寂寞愁大興古寺約同遊梵王花滿三千
界桂子香飄十二樓未得一身閒半日徒勞雙鬢感
深秋日予官况嗟行脚不及龍江水自流

五言絕

宿楊柳河毘盧寺

萬重篔

鐘聲出晚林月色照古寺僧過小橋來問吾何處至

阿猛海上

庠生 鄒暄陽 郡人

水映一天白沉涵山影深忽聞松徑響人在空青林

南牕對月

劉 炤

夜坐無塵事愁懷盡掃開推牕邀素月相與共徘徊

梨花

庠生 張 棊 郡人

清香襲左掖寒色沁瑤臺曉月無人見春風紫燕來

螢火

庠生 任思賢 郡人

隱隱明還滅星星照亦微末光聊自炫敢與月爭輝

開化府志

卷之十

五絕

三七

湖上吟

生員 楊 森 郡人

湖水平如鏡對門千萬山近聞有隱者高臥白雲關

雜詠

萬重篔

阿雅城

城為龍上登築在八寨址尚存

范宅

南北朝梁州刺史范柏年 近廉泉還宜讓水間雅城差可比

競道長官賢

梅子箒

明設洪衣關于此命上司龍宜控禦交南

不見洪衣關塚風蔭雨間長林四十里唯嗟行路難

魯部河

茫茫魯部河流下梨花江

蒙自 竟忘源頭水禮社 迤

禮社江為魯部河
上流舟渡平穩
可乘艘

老君閣

鄧學先

閣自懸岩構人從絕壁登不須學丹訣白日已飛昇

觀音巖

廩生 王再曾 郡人

大士南海來普陀亦幻化萬朵青蓮花盡列跣跌下

七言絕

奉送樂翁還里

解元 閔 鑑 江西

賢侯愛日吟歸去淒切驪歌不可聞望斷片雲天際

遠西昌從此憶神君

凜凜風標鐵作肝清心如冰晚秋寒聯車試向澄江

開化府志

卷之十

七絕

三六

過陽鱗紛紛避釣竿

杜暹清俸亦艱難脫贈偏憐故舊寒此日清風餘兩

袖道途誰令客衣單

適館殷勤更投餐年年口腹累猪肝我來真有如歸

樂不信人間行路難

閱世迂踈苦未工相於真有古人風性情披瀝無塵

腐孰殺人稱密密翁

分毡兩載傍琴臺廣廈都為寒士開記取成蹊桃李

樹枝枝葉葉舊栽培

琴書分束載雞棲欵段蕭蕭馬不肥舉似鬱林較清

絕更無頑石壓裝歸

卧轍驚聞載道呼何緣借寇挽飛鳧且須珍重甘棠
蔭留待文翁再剖符

答教授余公之作

郡伯 劉青照

作意鋪張卷亦虛雙橋烟柳渺愁予輸君徑返西江
棹博得官閒好著書

學到金丹換骨時新詞古意總相宜眼前詩料何嫌
少百幅山屏掃翠眉

界牌關

教授 余萃文

頭塘路遶白溪灣迎客山爭聳翠環夾道兩行襟袖

開化府志

卷之十

七絕

三九

拂紅夷國指界牌關

開化竹枝辭五首

同知 莊復旦

古紅夷地枕南交千里邊疆一郡包行盡四門無五
里市廛多半在西郊

太守衙門氣象尊牙旗鼓角等軍門插天華嶺西隄
列倒影橫排入酒樽

土儂應役長官衙物產頻聞絮語誇雞鼠街期通布
錦馬牛寨裏覓魚蝦

春來爭上接鶯坡夏夜雙橋玩月多交椅凹前閑坐
覽姑孃合對石漣婆

兩株丹桂植祇園匝地參天信大觀贏得閒曹頻結
駟攜壺挈榼共盤桓

上河代櫨黎戶竹枝詞二首

萬重負

七月秋風浪拍堤不收黃稻且收黎十千香水船倉
載划向城闐囑老妻

黃稻收時櫨亦收此回兒子好裝頭歸來誇向老人
說五串青錢賣一舟

東灣卽景

廩生 李健 郡人

晚風林上動棲鴉幾箇漁舟傍水涯寂寞東山月未
起江村明白見梨花

開化府志

卷之十

七絕

甲

楸園感事

廩生 曹正對 郡人

黃楸花時野雉肥弋人張網對山扉那知老圃無機
械朝雉從今別處飛

仲春村社

廩生 向於德 郡人

青青隴麥起微波蠶豆花開紫白蛾村北村南鳴社
鼓插花男女醉狂歌

卽景

迴文

廩生 李友杜

橋通別徑小村幽水繞門邊柳繫舟遙望四山雲藹
藹樵隨漁唱晚江秋

水冲猿飲

楊沛

風捲陰雲漏薄暎羣猿牽手下岩門喜他串飲無蹤
跌叫過南岑幾處村

馬塘口占

鄭文仲

馬塘道上馬嘶風野店桃花亂落紅愛有香糝頻壓

酒十分春色過林東

紅甸街子

歲貢周密 郡人

綠樹紅田坂上墟青青望子揭高糶餉糖賣處簫聲

起山路橫斜人集初

馬白口占

布衣李兆魁 郡人

野徑風涼花隱忍山田雨熟草連翹酒狂看舞鐵如

開化府志

卷之十

七絕

四

意馬白關前夜聽簫

西山寺卽景

布衣蕭寄 昆明

鳥唱巉巖怪石頭瑤林梵宇總清幽一池香月和珠

孕萬壑松風雜磬流

來清亭

在綠蘿山

萬重篔

青到亭前青未了踏青人坐青亭曉遙青白鷺見橫

飛幾點飛來亭下早

華亭寺題鄧售之畫梅

李友李

獨卧巉巖人不知春回竹外已多時君懷素有生花

筆寫出寒山第一枝

瑞胎一葉孝廉春生母一產三胎女胎二不育男胎
人語其實祥徵也

嘉樹六章郡南大興雙桂盤鬱森榮甲天下外有嘉
毛氏門前古柿一蘇村老梅一新街李圃
梧桐皆得靈秀之氣者各有詩見藝文志

宋元豐八年誌刻在西山老君崖下關聖廟座右刻

龍海基所始也元豐為宋神宗年號當仁宗皇祐
四年廣南儂智高起反命狄青征進以海基客紅夷
舊壤久且有才幹令為鄉導以功賜與紅夷舊壤一
帶地方子孫世守其地終宋元之世及明洪武十五
年太祖命傅友德沐英平滇時臨安土酋構煽諸部
梗化檄都指揮萬中領兵四出平定後詔分臨安之
東設教化王弄安南三長官司仍以教化三部屬龍
氏襲迨本朝康熙六年改土設流割三土司地置
府始有開化之名此開化原委大略也計宋元豐至
本朝沿革不一而龍氏於明已歷二十五代實自

開化府志

卷之十

雜記

四二

海基始則西山關廟為開化古刹之最先者其次太
平寺建自龍上登時上登蓋海基二十五代孫也

老寨關夫子像廟在連雲山麓土酋沙氏母子夢中
見之因塑匠未能工往往咎之後蒙

顯應初建神像極其工肖英風颯爽左右侍從亦
極精神實為誠感所至廟貌威靈人極其敬畏昔人

題有兩聯云將相才能王者度英雄氣骨聖人
心又云曠澤高山龍虎氣經天緯地聖賢心

研塘碑即孔公堤俗名堰塘在開陽書院前術家言
新街嶺墾其形肝屬木堰其膽也瞻為雲觀

南子精水土之氣所鍾以水滋木宜水不宜乾乾則
神訓立見顧其說屢驗乾隆中邑侯黃斌立碑題曰

研塘正對書院取諸生
相研究之義示勸也

城西魯班廟在萬松菴間壁木行及眾工人公建
允修蓋者祀之極得平穩靈應異常

火神廟在鍾林寺前龍河北岸聞前輩云未建廟之
先北門一帶連年火災共議建火神祝融氏

於此神像肅穆鄉
入虔祀災遂息

本 綈 去城西北十餘里攀枝花寨曩時多木棉樹
而布有撞黃花片極厚有綿可作布在恩蜀都賦
金剛纂 狀如刺桐最毒十人種作籬人不敢觸滇程
處有 記云碧幹而蝟芒孔谷食之其漿殺人今處
之

馬金囊 生大石崖上石屏蒙自亦有之元江極廣一
枚飲冷水 名馬檳榔類白荳蔻嚼塗惡瘡甚效或食一
卽無傷

瘴 氣 東文山足有硿在開化設府初尚有紅綠烟
人家烟火眾甚風氣漸開此瘴蚤已消

滅開化府八里尚多瘴氣最宜慎之

養 蠱 可畏無如蛇蠱黑蠱蠱客入其家常暗以延
毒必刺血逼吐出出原食之物乃止否卽殞生凡飲
食必先主而後食或戒生冷庶免此患其蠱常昏夜

開化府志

卷之十

雜記

四

出遊狀若流星多至四五少二三點聯絡斜飛
火光隱曜莫知所適或云向枯塚中求骨食之

藥 毒 或用以報讐或遇藥發時人誤中其毒雖已
子亦不暇顧藥性不同難以枚舉有緩急有輕重有

可救有必不救訪實下藥之人乃得解劑其輕者
常以黑藥靈蛇膽及一切吐瀉之物毒以攻毒乃愈

遇此等毒宜用金銀毫猪刺作箸以變黑馬驗試其
潔否如食入口而鐵腥氣甚者卽宜謹視凡飲食不

服俱可下毒惟飯中不能相傳雷神擊之不敢也自
建北至魯魁西至元江南連交吐東抵

廣南皆有但至其處人能謹持差少害
簷止石斛樹間風蘭 逸東諸處人家往往簷瓦上蔣

楊升菴滇南風景詩云滿城幾陣黃梅雨開徧金釵
石斛花指此又林園蔣各種名花盆景外老樹迦柯

間有風蘭掩映不藉上而生風撓之愈茂亦異種也
其花彷彿虎頭俗呼爲虎頭蘭或以龍瓜花爲對亦

相似蓋幽蘭一種也

交岡 在新理甲與蒙自接壤交吐大臣武文淵
嘉靖時交吐亂朝議計之以文淵為鄉導 奉朝順
治十六年當事遣人諭交吐邑令鄭欽簡亦遣其牛
羊土司使從交岡至其國交吐武文淵咨奉主命遣
王川伯朝陽伯二
八報南貢自此始

魚帶 原志稿所採土產數事湯蓉溪志有載有不
特照稿補入一魚帶出城北二十里乾塘生魚腹中
形似粉索味美魚有此其
肉極瘦以其美聚於帶耳

紅土 出自格租白寨旁冲子土硎內色極鮮潤凡
府城塗飾學官及各廟宇各衙署公用俱於
此採

草果 出阿舍瑟迭土等寨宜於陰濕之處或一蓬
層累而出其色金黃高不過七八寸至於結實或一
抓而四十五十不一極鮮潤可愛彼藥材中有砂仁

開化府志

卷之十一

雜記

罌

者科苗枝葉與此無異但彼
結實於梢此則結實於根

沙梨 出自火末格梅雞冲等寨餘寨雖有總不及
二寨之廣茂其結實大者重一勛味潤而甘

訪其種來自雲
南府屬晉寧州

吊竹筍 出迭土等寨安南東安等里更茂餘竹挺立
而上此獨墜落如灣弓然筍則從節而生較

餘筍之
味加美

香筍 出數處午羊馬白及城北石灰確
等寨其質較他筍細而小味香美

義塚 在城西二里許邊地烟瘴往來貿易死亡者
多暴露之慘康熙三十四年知府李錫始營

其地死者
咸得所歸



開

化

府

志


七卷

卅六

七世 350, 207

136

19



本朝

御製

世祖章皇帝卧碑

朝廷設立學校選取生員免其丁糧厚以廩膳設學院
學道學官以教之各衙門官以禮相待全要養成賢才
以供朝廷之用諸生各當上報國恩下立人品所有條
教開列於後

一生員之家父母賢智者子當受教父母愚魯或有
非爲者子既讀書明理當再三懇告使父母不陷於

開化府志

卷之一

藝文

一

危亡

一生員立志當學爲忠臣清官書史所載忠清事蹟
務須互相講究凡利國愛民之事更宜留心

一生員居心忠厚正直讀書方有實用出仕必作良
吏若心術邪刻讀書必無成就爲官必取禍患行害
人之事徃徃自殺其身常宜思省

一生員不可干求官長交結勢要希圖進身若果心
善德全上天知之必加以福

一生員當愛身忍性凡有司官衙門不可輕入如有
切已之事止許家人代告不許干與他人詞訟他人



亦不許牽連生員作證

一生員當尊敬先生若講說皆須誠心聽受如有未明從容再問無妄行辦難爲師者亦當盡心教訓勿致怠惰

一軍民一切利弊不許生員上書陳言如有一言建白以違制論黜革治罪

一生員不許糾黨立盟結社把持官府武斷鄉曲所作文字不許妄行刊刻違者聽提調官治罪

聖祖仁皇帝諭

第一條敦孝弟以重人倫

開化府志

卷之十

藝文

二

第二條篤宗族以昭雍睦

第三條和鄉黨以息爭訟

第四條重農桑以足衣食

第五條尙節儉以惜財用

第六條隆學校以端士習

第七條黜異端以崇正學

第八條講法律以儆愚頑

第九條明禮讓以厚風俗

第十條務本業以定民志

第十一條訓子弟以禁非爲

第十二條息誣告以全良善

第十三條戒窩逃以免株連

第十四條完錢糧以省催科

第十五條聯保甲以弭盜賊

第十六條解讐忿以重身命

至聖先師孔子贊並序

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰邇前
徽堯舜禹湯文武達而在上兼君師之寄行道之聖人

開化府志

卷之十

藝文

三

也孔子不得位窮而在下秉刪述之權明道之聖人也
行道者勲業炳於一朝明道者教思周於百世堯舜禹
湯文武之後不有孔子則學術紛淆仁義壅塞斯道矣
傳也久矣後之人而欲探二帝三王之心法以爲治國
平天下之準其奚所取衷焉然則孔子之爲萬古一人
也審矣朕巡省東國謁祀闕里景企滋深敬搗筆而爲
之贊曰

清濁有氣剛柔有質聖人參之人極已立行著習察念
道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生金聲玉振集厥大

成序書刪詩定禮正樂既窮象繫亦嚴筆削上紹往緒
下示來型道不終晦秩然大經百家紛紜殊途異趨日
月無踰羹牆可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙
夜勗哉令圖邈源洙泗景躅唐虞載歷庭除式觀禮器
摘毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱牆高萬仞夫子之堂孰窺其藩孰窺其
徑道不遠人克念作聖

顏子贊

開化府志

卷之十

藝文

四

聖道早聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
含藏王佐之器

曾子贊

洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承
統緒修明訓辭

子思子贊

於穆天命道之大原靜養動察庸德庸言以育萬物以
贊乾坤九經三重大法是在篤恭慎獨成德之門卷之

藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知
言養氣道備堯舜學屏功利煌煌七篇並垂六藝孔學
攸傳禹功作配

耕織圖序

朕早夜勤懇研求治理念生民之本以衣食爲天嘗讀
豳風無逸諸篇其言稼穡蠶桑織悉且備昔人以此被
之管絃列於典誥有天下國家者洵不可不畱連三復
於其際也西漢詔令最爲近古其言曰農事傷則饑之

開化府志

卷之十

藝文

五

本也女紅害則寒之源也又曰老者以壽終幼孤得遂
長欲臻斯理者舍本務其何以哉朕每巡省風謠樂觀
農事於南北土疆之性黍稷播種之宜節候早晚之殊
蝗蝻捕治之法素愛諮詢知此甚晰聽政時恒與諸臣
工言之於豐澤園之側治田數畦環以溪水阡陌井然
在目桔槔之聲盈耳歲收嘉禾數十鍾隴畔樹桑旁列
蠶舍浴繭練絲恍然如茅簷蔀屋因構知稼軒秋雲亭
以臨觀之古人有言衣帛當知織女之勞食粟當念農
夫之苦朕惓惓於此至深且切也爰繪耕織圖各二十
三幅朕於每幅製詩一章以吟咏其勤苦而書之於圖

自始事迄終事農人胼手胝足之勞蠶女繭絲機杼之
率咸備極其情狀復命鏤板流傳用以示子孫臣庶俾
知粒食維艱授衣匪易書曰惟土物愛厥心臧庶於斯
圖有所感發焉且欲令寰宇之內皆敦崇本業勤以謀
之儉以積之衣食豐饒以共躋於安和富壽之域斯則
朕嘉惠元元之至意也夫

諭開墾

諭直省督撫等朕惟撫養元元之道足用爲先朕自臨
御以來無刻不厯念民依重農務本業已三令五申矣
但我國家休養生息數十年來戶口日繁而田土止有

開化府志

卷之十

藝文

六

此數非率天下農民竭力耕耘兼收倍穫欲家室盈寧
必不可得周官所載巡稼之官不一而足又有保界田
畷日在田閒皆爲課農設也今課農雖無專官然自督
撫以下誰不兼此任也其各督率有司悉心相勸并不
時咨訪疾苦有絲毫妨於農業者必爲除去仍於每鄉
中擇一二老農之勤勞作苦者優其獎賞以示鼓勵如
此則農民知勸而惰者可化爲勤矣在舍旁田畔以及
荒山不可耕種之處度量土宜種植樹木桑柘可以飼
蠶棗栗可以佐食柏桐可以資用卽榛楛雜木亦足以
佐炊爨其令有司督率指畫課令種植仍嚴禁非時之

斧斤牛羊之踐踏奸徒之竊盜亦爲民利不小至孳養
牲畜如北方之羊南方之彘牧養如法乳字以時於生
計不無裨益總之小民至愚經營衣食非不迫切而目
前自然之利反多忽畧所賴親民之官委曲周詳多方
勸導庶使踴躍爭先人力無遺而地利始盡不惟民生
可厚風俗亦可遠淳爾督撫等官各體朕惓惓愛民之
意實心奉行倘視爲具文苟且塗飾或反以擾民則尤
其不可也特諭

諭耕藉

諭直省總督巡撫等自雍正二年以來朕躬耕藉田而

開化府志

卷之十

藝文

七

藉田之中每歲必產嘉穀上年自雙穗至於九穗今歲
則自雙穗至於十三穗在廷諸臣及京都耆庶皆驚訝
以爲奇朕之宣示於衆者並非矜誇誇張以爲祥瑞蓋
實有見於天人感召之理捷於影響而朕敬

天之心至誠至切願與大小臣工共勉之也稼穡爲天地之
寶實生民之命攸關我

聖祖仁皇帝臨御六十餘年無刻不以重農力穡爲先務仰
觀天時俯察地理辨土性而課人工咨雨暘而防旱潦
肝食宵衣偶遇雨澤愆期

聖心憂勞之切侍側臣子皆惶悚不寧所以爲萬民謀粒食

者至矣盡矣朕瞻仰日親者四十餘年今纘承大統竭誠效法念切民依每年度祀

先農躬耕帝藉仰蒙

上天眷佑疊錫嘉禾信而可徵纖毫不爽是以特頒諭旨令各省守土者舉耕藉之禮爲萬方百姓祈禱秋成今見各省督撫奏報前來處處風雨均調春麥秋禾並登豐稔雖邊遠荒僻之地亦慶有年惟直隸湖廣安徽數州縣近水最低之處常年被淹者畧有浸注亦不爲災是今歲可稱大有年矣朕感

上天之垂慈慶下民之受福而推求其故良由今年各省初

開化府志

卷之十

藝文

八

耕藉田各該有司自然小心敬謹齋戒虔誠是以感格上蒼而獲此盈寧之錫倘從此益加敬謹不懈初心則歲歲屢豐可以預必爾督撫等可通曉諭所屬軍民當凜

帝鑒之匪遙勿視耕田爲故事永矢敬恪以迓

天和天下臣民受福斯朕之福也思之慎之勿忽朕言特諭

諭學政

諭國家設學校以儲養人材鄉會廷試拔其尤者而用之卽古選士造士之遺意也但士子作文有一日之長短縱使主司公明按羅豈能無遺況去取惟憑文藝其人品之高下才能之優絀無由得知每有出羣拔萃之

才屢試不售卽或晚得一第而年力衰邁不堪爲國家任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之士大省舉四五人小省舉二人送部引見朕親加考試酌量擢用現在報滿各學政卽遵照薦舉其到任未久者如有所知亦卽舉出夫一省而舉數士不可謂無人學政巡歷各府三年之久日與士子相親考文察行不得謂不知但能虛公衡鑑所舉必得其人且風聲所樹凡讀書士子必皆鼓舞振興力學敦行求爲有用之儒於士習人材大有裨益該學政其各實心奉行

開化府志

卷之十

藝文

九

毋得苟且塞責如有徇私冒濫等弊必嚴加治罪特諭

諭州縣

諭知州知縣朕惟國家首重吏治爾州牧縣令乃親民之官吏治之始基也貢賦訟獄爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元至意以愛民爲先務周察部屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基趾也書云民惟邦本本固邦寧夫所以固邦本者在吏治而

吏治之本在州縣尚州縣之品行不端猶基不立則室不固庸有濟乎

皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓舞今海內羣黎皆

皇考所懷保朕膺

宗社重寄思繼

皇考之治功惟爾州縣具有父母斯民之責其爲朕立之基址以固邦本焉誠能潔已奉公實心盡職一州一縣之中興仁興讓教孝教忠物阜民安刑清訟簡朕將升之

開化府志

卷之十

藝文

十

朝宁用作股肱如或罔念民瘼姿意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或循私逞欲以上虧國帑王章具在豈爾貸與更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之膏脂增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被土

司察核或被科道糾參必從重治罪決不寬貸夫欲清
虧空之源莫如節儉正直節儉則用無不足正直則上
官不可干以私若朘小民之生以飽上官之貪欲冒不
測之罪以快一時之奢侈豈砥礪廉隅爲民父母之道
乎爾州縣等官其恪共乃職毋貽罪戾勿謂地遠官卑
朕不及察也特諭

諭教職

諭士子者百姓之觀瞻士習不端則民風何由得厚是
以考課士子設爲舉優黜劣之典以爲移風易俗之道
所關亦綦重矣而無如教官愚懦無能學臣因循苟且

開化府志

卷之十

藝文

十一

徃徃視爲具文奉行不力每當學臣按試之時教官轍
以無優無劣具文申詳草草塞責如此則善者何由而
勸不善者何由而懲夫善者之湮沒不彰一時尙難覺
察而不善之人僥倖苟免於目前不旋踵而劣蹟敗露
每見蕩閑踰檢犯法亂紀之士子皆從前學臣教官之
未曾開報劣行者其間情罪雖難一一追究然卽此可
知其中之容隱不少矣嗣後若教官沽名邀譽縱容劣
生不行舉報者經學臣察出立卽指參將教官照溺職
例革職若學臣瞻徇情面不行糾參者一經發覺將學
臣照徇庇例降級調用將此永著爲例特諭

諭文武和衷

自古爲治之道在於和衷孟子曰天時不如地利地利不如人和蓋天下之事未有不和而能有成者果能和矣則

天地神明尙且感格迅速自覺呼吸可通而況於人乎然能和之道惟在於公公則不至於不和不公則斷不能和此又一定不易之理朕所以日日訓誨天下臣民而望其洗心滌慮信受奉行以共享昇平之福也文武雖屬兩途然同在一省一方之中同辦國家之事則不但有同舟之誼實如手足臂指之同在一身中也人身一體

開化府志

卷之十

藝文

十三

不適則百骸皆爲之不寧此亦顯而易見者奈何爲私欲蔽錮而任肢體之互相戕賊以貽心服之患乎數年以來朕畱心體察內外同事臣工頗能遵朕諭旨勉矢和衷之義卽文武各官同在一方而各殫其職無爭競嫉惡之念者亦多有之此皆人心風俗之善亦該省文武大臣實心表率化導之功也惟有廣東一省惡習相沿頽風難挽文與武旣分爲兩黨而文與文武與武又各分爲一黨如楊文乾石禮哈常賚阿克敦官達之互相排陷讐怨相尋則皆方願瑛一人從中播弄之所致方願瑛之奸險遺害於粵省吏治人心者其罪不容於

誅也至於文武彼此告訐之言不可殫述文官則言武職諸員或向知府包攬濫稅或向州縣囑托人情視若成規恬不爲怪稍不如意卽出謗言以勤謹辦事者爲過於躁急以不循私者爲擅作威福自恃粗豪傲慢無禮又如兵米一項地方有司給與本色而營弁以不能折價爲憾徃徃蓄怨於心此文員陳訴之大概也武官則言文職諸員貪鄙居心黨援不解特有承審之柄藐視武途以爲操縱之權可以由已且通省事務有主持掌握之人大小有司夤緣交結徃徃信勢欺人人多畏懼武弁若拂其意卽起釁端以爲報復之計常有武職

查拏違禁之事如賭博私宰等類而文員則置若罔聞或做情釋放又有礦山聚衆至數千人係府縣官員之家人勾引奸徒開採希圖重利武弁遣兵驅逐以致結怨益深今雖不用家人而奸商地棍仍領道府資本廣集匪類現在私開不畏國法此武弁陳訴之大概也年來似此等語達於朕聽者不止數處亦不止數人雖出於怨對之口不足盡信然亦未必皆全無影響之談爾文武各員自思之膺國家簡命之榮受管轄兵民之寄乃以營私罔利之故相傾相軋效市井無賴小人之所爲而置人心風俗官方戎政於不問爾等不知自愧朕

實爲爾等愧之也况督撫藩臬而有袒護文官之心則武弁必有被其屈者矣提督總兵而有袒護武弁之心則文員必有受其枉者矣文員而有袒護百姓之心則必有無辜受累之兵丁矣武弁而有袒護兵丁之心則必有無辜受累之百姓矣不和之故由於不公不公之害至使官弁兵民並受其困爲臣工者尚可溺於故習而不猛醒速改乎郝玉麟到任未久於粵東情形尙未深知傅泰才具平常不過謹守繩墨無整理化導之能王紹緒則以身爲武職惟恐取怨於文員而又不能明誠布公訓導所屬之武弁往往作不平之語指令屬員

與文職相爭殊失大臣之體王紹緒傅泰均不宜廣東之任是以有調補之旨巡撫統率全省文員提鎮統率通省武弁至於總督則兼文武而統轄之者果能秉公持正無黨無偏以已身爲庶官之坊表而又時時宣揚朕諭俾其儆戒提撕若遇屬員有爭競告訐之事則以理判其曲直不存文武偏向之見過小者切加戒飭過大者卽入彈章俾強弱不得相凌是非無或倒置如此而屬員有不革面革心嚮風率教者無是理也朕今再頒諭旨通行曉諭著該督撫等遵照刊刻於通省文武大小官弁各給一道俾令朝夕觀覽改前愆而敦善行

倘再有蹈襲故轍罔知悛悔者則是冥頑不靈自違越於德教之外矣國法具在本人自無可逃而文武大臣表率無方訓導不力有忝封疆之任負朕倚任之恩者亦定行嚴加處分不稍寬貸觀風整俗使亦當留心稽察可也特諭

教

丁祭教

總督鄂爾泰 滿洲

竊惟

至聖先師萬世之師表也冠帶集團橋天子有臨雍之典春秋屆仲月上丁修釋菜之儀內則命夫胄子三公

開化府志

卷之十

藝文

十五

外則寄於有司羣牧典綦嚴也誰敢懈焉本部院前
淮南藩職司秉鬯恭逢丁祭親齋沐而宿黌宮先令
儒官較簿書而正祭器乃知牲或已經宰殺既失告
全致潔之心物豈盡屬肥鮮更垂博碩蕃滋之義且
或常供不充夫額數任先後以那移珍品不給於豆
籩致菹鹽之雙疊兼聞各學亦有同風罔知其竭精
誠但解奉行故事甚或尊罍未備疇詳犧象之形琴
瑟雖陳莫辨敵箎之狀觀者如牆如堵任彼咆哮祭
者似醉似癡頽如聾瞽一尊纔薦滿庭之燎火無輝
三獻未終兩廡之燈光已滅於是甄劔與簠簋悉憑

顛倒几筵鹿兔共榛蕪似遇摩空鷓雀分甘奪臙半
由承祭之家人拍地喧天邊問糾儀之齋長駿奔髦
士霎時怒髮衝冠輿隸膳夫一片雄心染指凡此之
類罪豈勝誅皆由約束之不嚴亦以躬行之未善不
思主節則身膺一命幸得窺聖人門牆分獻則職任
半瓊原以思泮宮俎豆平時未知化導已蒙尸位之
譏臨事不克恪恭難免曠官之咎於是飭郡守州牧
縣令等職兼以誠教授學正訓導諸員各矢乃心以
襄大典預期三日牲牲皆供乎餼牽先事一朝品物
盡陳於頌壁齋戒沐浴來觀習樂試歌舞於明倫堂
前料量潔清退服寢衣歛精神於尊經閣畔庶幾必
誠必信斯夙夜之惟寅無怠無愆知神人之感格是
並申之條約用以頒諸學官

一既奉

肇聖五王不惟簋簠豆籩照數增設卽牲牲亦應各增
其四有議共牲者其說不可從考之典禮惟配享有
可以共牲者專主無共牲之禮書云文王騂牛一武
王騂牛一其明徵也自三代至漢唐皆不聞有共牲
之說惟後漢有赤帝青帝共一犢白帝黑帝共一犢
議者非之唐開元時五品以上室異牲六品以下共

牲豈有王爵而可其牲者乎其各照數增一爲五可也

一祭牲祭品皆有定額一豆一籩罔可缺遺况牲取親割以告虔也取其血毛以告全也可旣宰而入學門乎豕曰剛鬣註謂其豕肥則鬣剛羊曰柔毛註謂其羊肥則毛細而柔弱此博碩肥膺之所由稱也可以瘦瘠不堪之羊豕而飲之灌之以充牲牲乎旣宰且不可瘦瘠且不可况可缺其額而肥吏胥之橐囊乎月令曰犧牲毋用牝又曰命宰祝循行犧牲視全具按芻豢瞻肥瘠察物色必比類量小大視長短皆

中度五者備當上帝其饗註曰上帝且歆享之况羣神乎嗣後各官俱須先三口親至學視牲牲如法然後稽其數使人牧之以待先一夕親割吏雖奸其何所施乎

一丁祭先數日集樂舞生演習精熟先一日與祭官親同往觀不得草率從事

一丁祭先一夕凡與祭官齊集學宮齋宿不得有一員私宿本署

一丁祭之日庭燎燈燭務須光明如晝以俟祭畢後已除神前燈燭之外卽官員不得各自張燈

一丁祭之日櫺星門內不得容一閑雜人所有事宜止許學書幹辦及小心謹慎門斗二人或四人照管燈燭其官員僕從人等一概於門外伺候萬無使僕從人持燈夾墊相隨上殿及上兩廡之禮君師一體幸勿自取罪戾以貽失禮之愆也

一丁祭之日既不容一閑雜人自無有搶奪祭燭及祭品之人倘或人有潛匿門內乘空搶奪者以盜賊論卽時擒獲解司以憑盡法重究

一學宮之地聖賢靈爽所依不惟丁祭宜修治肅清卽平時尤宜灑掃潔淨近每見黌宮以內栽瓜種菜

學圃成澆灌之場曝被曬衣諸生絕往來之路甚至丹楹刻桷徒供蝙蝠棲遲鳥草翬飛盡是黽鼯巢穴蛛塵百斛廟貌埋埃垢之中羶糞干箕腥穢聞宮牆之外皆以安之若素久且習爲固然甚至先儒先賢兩廡之神牌倒置鄉賢名宦兩祠之神位傾頽非其子孫有誰咨問加之朽蠹若罔聞之凡爾學官所司何職及諸門斗多亦奚爲嗣後教官不時巡察務令門斗分班輪流值日掃除學宮之內不得容一毫塵垢庶亦無忝厥司也慎哉毋忽

徵滇士入書院教

鄂爾泰

國家最重者惟人才人臣最急者亦惟人才使者奉命總制三省凡三省文武吏賢者能者必以聞於

朝進其秩厚其縉寄以指臂託以心膂人才蓋綦重矣舉子上公車者使者必助其資斧飭其有司以速其駕士子入棘圍者使者必省其號舍給其卷資豐其供具優其禮貌以鼓其氣而一時登賢書者皆知名士赴禮部者中式十人選大令就博士者又數十人皆前此滇省所未有而使者不惜費不憚勞孳孳矻矻不已者凡以爲人才計也書院者儲才之區也使者初來滇滇舊有書院使者分爲三舍課其優拙以高

下其廩餼而士亦皆能自奮丙午賓興得之書院者甚多士亦宜知淬礪矣已酉之役售者寥寥售不售何足以定士然使者竊憂之慮其應上者之鮮實心而操之無具故奇才異能之士未嘗數數覩也夫使者之求才甚急士之應知者甚緩或有爲之解者曰滇僻處遐方周秦漢魏六朝唐宋之書多未見十三經廿一史有至老不識其名目者於此而欲求奇才異能之士是猶語盲者以日月而詢聾者以鼓鐘也勢必不能使者聞而嘆曰是誰之過使者之過也學者力不能致經史及前古歷代之書而爲之上者又

不思代爲致之是更歷數千百年後欲求一奇才異能之士而終不可得也使者先已置廿一史諸書於院中學者尙未及讀至是復取架上十三經及周秦以來之書若干部各用圖書印記註之簡策貯之書院掌之學官傳之永久又將招致四方之善讀書而能好古者以充學舍厚其廩餼而以時親課讀之安知不有奇才異能者之出其中也夫滇之山川秀麗如太華昆池碧雞點蒼之屬甲天下比年以來卿雲見於天醴泉出於地神龍天馬行於海上嘉禾異卉遍於南中而老搗來朝莽緬慕化車里江外符塔倒

歸漢之謠八仙海邊應烏蒙必了之識凡諸嘉祥無遐邇靈蠢莫不効異爭奇若欲表見於

聖世而不甘後時况秀而靈者惟人人之秀而靈者惟士而獨可使滇讓美於天下哉因取全圍落卷遍觀之適羽書旁午刻無寧晷暫以中輟及三邊胥靖每乘夜分餘閒挑燈批覽輒漏下四五共得五十二卷如玉之在石未名一器而礪以錯之小大皆可各得其用既定乃折號書名下郡縣各送至省集於書院使者之心其視滇子弟猶吾子弟也有能讀吾書者吾卽以賢子弟待之衣食必周寒暑必恤家室之薪水

書齋之膏火必繼倘汝曹果以賢子弟自爲方且望其專心致志窮經究史使得爲奇才異能之士爲

聖天子儲才得人計而肯聽其紛馳外務以汨沒其心思乎古之學舍往往數千人至不能容今就風簷試藝殘笥剝篋中得五十二人豈遂足空其羣使者已而語學使者吳公既有孫陽之能自能得駿以會於金馬碧雞之地其郡縣及廣文知有學問優通者或天資高妙能記誦穎悟過人者卽會同保送如吝惜貲費者使者自能償之不得謂此地無人以沉淪佳士也士患不讀書耳倘肯潛心院中如董子下帷足不

窺園日取十三經廿一史次第讀之自可開拓心胷推倒豪傑毋自畫也讀書之法經爲主史副之四書本經孝經此童而習之者外此則先之以五經其次如左傳之淹博公穀之精微儀禮之謹嚴周禮之廣大爾雅之辨晰毫芒大至無外而細入無間此十三經者闕其一卽如手足之不備而不可以成人者也至於史則先史記次前漢書次後漢書此三史者亦闕一不可讀本記可以知一代興亡盛衰之由讀年表世家可以知大臣創業立功之所自讀列傳可以知人臣邪正公私卽以關係國家得失利害之分讀

忠孝節義隱遺儒林文學方伎等傳可以知各成其德各精其業以各造其極而得以或顯當時或傳後世之故讀匈奴大宛南夷西域諸傳可以知安內攘外柔遠綏邊恩威各得之用讀天官曆律五行諸書志可以觀天而並可以知天人相感之原讀河渠地理溝洫郡國諸書志可以察地而并可以知險要之機讀禮樂郊祀儀衛輿服等書志可以知典禮掌故之因革而有所參訂讀藝文經籍等志可以知七畧九種四部六庫著作之源流而有所考稽讀平準食貨諸書志可以知出入取予制節謹度之大要而有

所規鑒讀刑法兵營等志可以知賞罰征伐懲惡勸善討罪立功之大法而有所折衷此讀史之大要也且善讀史者不僅以史視史凡詔誥奏疏檄諭論策之屬文之祖也樂章歌詞之屬樂府詩歌之祖也屈原賈誼司馬相如楊雄等傳所載騷賦之屬詞賦之祖也故熟於三史則文人詩人騷人一齊頰首矣况不止三史乎必待讀經既畢而後讀史則史學大遲惟讀左傳而以史記副之讀公羊穀梁儀禮周官爾雅而以前後兩漢書副之十三經與三史既讀此外如家語國語國策離騷文選老莊荀列管韓以及漢

唐宋元人之文集與三國志晉書以下諸史參讀參看擇其尤精粹者讀之其餘則分日記看天資絕人過目成誦者看卽是讀其不及者原不能盡讀博覽強記有十三經三史爲之根本餘皆一以貫之讀固爲要看亦有功必欲汝曹全讀非人情不可強也經莊重史閒雅莊重者難讀閒雅者易讀讀經以淑性讀史以陶情朝經暮史參錯互讀則有體有用內外兼該相濟而不相妨相資而不相紊然後反求其本而約之於至一之地則本之身措之世無所往而不當出之言爲經術之言行之事爲經濟之事建立功

開化府志

卷之十

藝文

三

業爲經天緯地之功業夫而後乃可藉手以報曰臣爲

國家得人矣此使者之所厚望於天下而不能無望於二三子者也近奉

天子命准入都

陛見事竣將復來其毋以使者之去爲疑今來署篆者爲前任高部院與使者有同心撫軍張都院又能成使者志使者已定其規模屬之兩公仰該府文到卽送至省縱使者已行兩院知使者意其於諸生必有加禮慎無卻顧不前負使者並負兩院適以自負也至

如借書院爲納交聲氣之地觴酒酬酢慶賀往還遊蕩門外招搖市中是尤不肖之甚貽羞書院恥笑士林此使者之所深惡毋過吾門也使者之所望於二三子者非獨爲書院計爲滇計也爲國家得人才計也得人才於天下不難而得之滇且得奇才異能者於滇滇之榮

國之光也使有厚望焉二三子其何以副使者之望行矣其毋忘使者言也他日使者又至矣

大計後飭各屬教

巡撫張允隨奉天人

爲申飭事照得

開化府志

卷之十

藝文

三

國家設官分職期展經猷考績程能用昭激勸旣身登於仕籍寧自薄其功名然或砥礪於前而苟且於後或振作於始而怠惰於終豈皆飾詐以沽名多由量盈而器小故居之無倦實心爲實政之原而謙則有終立事卽立身之效凡茲古訓悉屬官箴我

皇上誥諭臣工必循端而竟委講求吏治務夕惕以朝乾如果念茲在茲斯爲可久可大滇省舉行

計典本部院與督部堂敬體

聖天子澄叙官方之盛心舉劾一秉大公註考兼參輿論其才守兼優而猷爲克著旣爲羣僚之冠各登卓薦

之條其餘守非不足取才非不可觀或以資序尚淺而姑遲歲時或以功績未彰而尚須建樹薦舉有待期望彌殷獨是常情忽逢旌拔便志滿而氣驕豈必殊尤輒矜能而伐善既矜且伐則輕肆日滋復滿而驕則乖張漸露於是業隳於方立功敗於垂成從惡如崩易就下流之勢中道而廢遂辜上進之階縱使幸增爵秩於目前必不能免糾彈於轉盼此本部院不能不爲已卓薦者慮也至於才非卓越希登薦剡而未能政本平庸免罹彈章而自喜謂後此之三年尚遠覺當前之怠氣忽生政事因循精神頽墮始則置民社於度外繼則滋利慾於胸中本樸誠而或易以奸欺本廉謹而或變爲貪墨道無中立依違卽退入重淵仕止一途蹉跌則敗同覆水此本部院又不能不爲未卓薦者防也是則

計典初過防慮更多用是躊躇合行申飭爲此牌仰該府官吏并轉飭所屬遵照已卓薦者當念盛名難副物望難酬勤以服官匪懈倍嚴於夙夜卑以自牧虛懷益著於勞謙庶幾不棄前功兼可頻邀顯擢未舉薦者當反求諸已毋終讓於人因此激厲之心鼓其奮迅之氣保民如保赤念誠求臨事若臨深時時

凜慄恪恭奉職何怵他人我先隄勉奮庸不妨後來
居上若夫爲山九仞終虧一簣將欲誰尤臨淵羨魚
不如結網斯爲可取本部院不持成見悉屏偏私因
人之重輕爲重輕任物之好醜爲好醜苟劣聲稍著
決不因上考而少存袒護之心倘嘉績旣聞亦不因
中考而猶存阻抑之意陟者忽黜沉者轉升祇秉公
平時行甄察尙其努力庶免噬臍

條規

義學條規

布政使 陳宏謀 桂林

竊惟人才之興惟資教育風俗之易端賴詩書蓋師

開化府志

卷之十

藝文

二十六

道立則善人多士習端則民風厚實積漸之使然而
非旦夕之可致也滇居邊末漢夷雜處仰沐

聖化之涵濡無遠弗届固已聲教日隆文明漸啟矣而鄉
村子弟猶苦無力延師夷裸鄉愚或苦不知嚮學教
澤未廣則士習難以變遷化導未周則民風終於喬
野故邊省義學視中土爲尤急而鄉村義學視城市
爲尤急案查滇省義學荷蒙憲仁加意作養設法振
興義學之設所在多有而於改土歸流之處俱奉

題明設立義學或動公件或撥官庄其爲化誨邊民之
計誠足以樹之風聲而各屬之仰體德意者亦各捐

建學舍置買學田祇以地方遼濶或止及於城市而未及於鄉村公費無多或止行於目前而未經於久遠卽其原有公田而或被隱佔或被侵收地方官以度支不敷經理爲難不無因陋就簡之意本司到任以來時承兩憲諄諄提命畱心教養曾經通檄行查將現在開設者爲某處應行增設者爲某處目下脩脯作何出產從前公項有無侵佔如無公項卽將所需之費核定具覆往返駁查不遺餘力經今二載據雲南等府屬及各提學陸續造冊詳報前來本司逐加查核如雲南府屬昆明縣等共四十九屬冊報城

鄉設立義學共二百八十一所或舊有學田或新經添置或於官莊餘穀并叛產公租內撥給均已足敷束脩其雲南府屬之呈貢等十一屬所設義學五十

二所或稱田租不敷或稱現在捐給本司竊念義學之設必使費有常經庶幾事可垂久因逐加酌核按其所缺之數及買田之費於本司養廉內捐銀一千二百五十二兩飭令各該屬買田收租永供脩脯至於設學旣久必須詳立規模始可永行無弊謹擬條例四則恭候憲奪

一館師宜慎也成材之學取法宜上經館之師選擇

宜嚴地方官留心採訪無論本地舉貢生員及外來紳士必須立品端方學有根底者延之爲師至於城鄉蒙館卽於本地附近生員儒士內慎選誠樸自好不與外事者爲之地方官不時稽查勤惰並令教官按期協查如能克端師範實心訓課該州縣優其禮貌時加獎勵果有成效於年底報明本司量行優獎如虛糜脩脯情於督課者查明另延倘有不安本分於設學之村寨唆訟生事愚弄夷民者是不得義學之益反滋漢奸之擾立即另行延請仍將所犯查審詳究以示懲戒每歲開館以正月爲期散館以十二

月爲期開館時地方官將某館延請某人爲師於何日開館之處具報至歲底散館將某館生徒若干成材若干幼童若干註明漢人夷人申報查考不得遲開早放有名無實虛糜館穀

一化誨宜廣也成材之士務在敦勉實學習讀佳文不可仍踵陋習專工浮靡請將憲臺所刊書院條規及斯文精華分發成材各館令其師生人等專心傳習並令館師將存心立品居家治事之道隨時指點切加勸戒至於蒙童則課讀而外必訓以拜跪坐立之禮儀君親節孝之大義每逢朔望館師率領各徒

以次序立拜誥

至聖次拜館師次令各徒交相拜揖館師於該地方敬將聖諭廣訓明白講貫令各學徒環立聽講並許該處耆老民人齊集聽講上年本司詳請印發

聖諭廣訓及本司恭繹

聖諭均宜按館補發又本司前歲重刊朱子治家格言四禮四禮翼原爲興行禮教起見均請按館分發以上分發

聖諭及各書均交館師遞相交代毋使遺失

一學徒宜分別遞升以示鼓勵也在城義學成材爲

開化府志

卷之十

藝文

二十九

多在鄉義學蒙童爲多然亦有蒙童而儘可造就漸至成材者是不可不遞加甄別如蒙館義學內有資性聰穎勤於課業可以學文者卽升之在城經館此等遠來就學薪水維艱該地方官量給膏火以示獎勵卽城中蒙館童子能曉經書學品文字者亦卽升之成材經館如經館中有成材生員文筆可造而人材又復可觀者仍許遵奉憲檄量給盤費給文送至省城候兩憲考取送入書院讀書如此層遞進取猶是古者由鄉而國之意而鄉僻生徒各知奮志觀光將來於此中提拔數人轉相傳授士習文風均有裨

益至村寨蒙館夷猥子弟鮮通官語不識漢字其始必以讀書爲苦是在地方官加意引誘設法獎勵並令館師用心開導俾先通漢音漸識漢字並卽訓以習禮明義不得以夷猥而忽之更不得以夷猥而拒之如有土目頭人阻撓不許向學者立即究處

一田租歸官經理以杜私隱也從前學田州縣並不管理或教官經收或館師自收易致盤踞漸多侵隱今撥給各館田畝有一處而分給數館者有數處而同給一館者零星分收完欠更難稽察嗣後均應歸地方官經收分給館師不許館師私收不許胥役分

肥或租田附近學館地方官卽令老成鄉約人等催令租戶眼同就近上納並將納過數目報明地方官查考如有拖欠立即追比倘秋成尙遠館師不能枵腹課讀地方官量行捐墊取領存案於秋收時還項並將此田地租息另給佃戶執照於照內填明田畝坐落坵數租斗數目取具佃戶租約如佃戶逞刁抗欠追照另行招佃將來新舊官交代一并另造清冊交代可也

以上所陳如蒙憲裁核定通行飭遵則既有一定之經費又有一定之事宜庶不致有名無實有初鮮終

從此星羅碁布處處有絃誦之聲目染耳濡人人親
詩書之澤行之既久禮義足以化稚魯習之既深學
問卽以變氣質不特可造之俊士有所淬勵以觀成
抑且難易之夷風皆可漸摩而胥化

聖朝樂育之深仁憲臺訓行之至教必且永永無極矣所
有原設新設各義學館師姓名田畝坐落坵段條糧
租息等項相應備造簡明清冊詳請憲臺查核其捐
銀新置之產行令作速置買另冊報核至駁查未覆
之二十二屬俟覆到另請造報如現已設有義學之
州縣尙有應行添設者亦令隨時續設另文報查暫

開化府志

卷之十

藝文

世

就庵觀之學舍亦令陸續建造是否有當相應詳請
憲臺批示遵行

序

勉諸生進學序

葉生春

諭爾青年秀士黃卷書生自古英流卓越必原經史
由來俊彥沉酣每在簡篇董江都之帷下十年琢磨
非少韓昌黎之文雄八代攻錯居多附鳳攀龍俱是
人間之子登雲步月原非天土之人勿見異而思遷
勿畏難而坐廢勿得心而自足勿把臂而濫交漫言
比匪無傷遠荆棘方能無刺莫謂親賢可畏近芝蘭

畢竟有香立定脚跟無受轉移風氣放開眼孔方將
睥睨賢豪感深貧士之心螢光五夜冷透窮儒之骨
雪案三更茹古含今得味處須細嚼揚芳摘藻有疑
時再尋思遵惠迪從逆之箴厚培心地佩敬業樂羣
之教廣釋書田謝草必芟山徑時防茅塞江花入夢
毫端務使彩生抑且天性中自有真機惟求存養况
夫方策內多饒佳趣祇任鑽研體光霽之胸挾風雲
之氣盡錙銖之取成錦繡之懷筆戰棘闈定要胸藏
武庫名登藥榜皆綠腹有珠璣裁成宮樣之文聲俱
擲地湧出泉源之思筆欲摩天月窟可探不外心專

開化府志

卷之十

藝文

世一

蝌蚪天根欲挾何妨身作蠹魚三餘之道味偏賒恬
吟密咏萬卷之書城難困破壘衝堅志銳克通自見
驪珠可得心精必到何愁蚪腹不開學成倚馬之才
錦標早奪造成雕龍之技臚唱高喧同坐雞窠詎甘
心落人後去各展驥足當勵志爲天下雄積寸晷以
成年流光易過會百川而到海逝水不回矢沉舟破
釜之心奮嘗膽卧薪之志青雲有路勉爲可畏之後
生白首無稱莫作徒傷之老大各書座右以作銘言

說

精田說

總督

鄂爾泰

禮之有藉田也明仁也教義也以天子之尊而必親耕則天下之爲農者孰不勤於耕此天子之仁愛天下而使之務本也所以明仁也以天子之尊而必親耕以供粢盛則天下之爲子者孰不勤於養親此天子之孝先天下而使之養親也所以教孝也月令有之曰孟春之月天子乃以元日祈穀於上帝乃擇元辰天子親載耒耜措之於參保介之御間帥三公九卿諸侯大夫躬耕帝藉天子三推三公五推卿諸侯九推反執爵於太廟三公九卿諸侯大夫皆御命曰勞酒謹按元日上辛也元辰郊後吉日也日以干言

辰以支言互文也則是躬耕之典當行於祈穀之後而同在孟春之月也考之周禮天官甸師掌帥其屬而耕耨王藉以時入之以其齊盛此卽天子之藉田而甸師掌之者也然藉田不獨天子有之諸侯亦然祭義曰天子爲藉千畝冕而朱紘躬秉耒諸侯爲藉百畝冕而青紘躬秉耒以事天地山川先王以爲醴酪粢盛於是乎取之敬之至也是故千畝百畝之數此天子諸侯之視爲等級而其躬耕以致敬則一也祭統曰天子親耕於南郊以其粢盛王后蠶於北郊以共純服諸侯耕於東郊亦以其粢盛夫人蠶於北

郊以共冕服天子諸侯非莫耕也王后夫人非莫蠶也身致其誠信誠信之謂敬敬盡然後可以事神明此祭之道也是故南郊東郊之殊此天子諸侯視爲分別而其親耕以致誠信則一也後世躬耕不行藉田漸廢周宣王不藉千畝虢文公諫曰夫民之大事在農上帝之粢盛於是乎出民之蕃庶於是乎生事之共給於是乎在和協輯睦於是乎興財用繁殖於是乎始敦龐淳固於是乎成觀於此語而知藉田之義廣矣大矣漢文帝二年詔曰夫農天下之本也其開藉田朕親率耕以給宗廟粢盛夫文帝漢之賢君

也此禮旣舉後之明主亦猶能踵而行之然唯天子行之畿內天子而下無復有議及者幾比於繁纓大輅之不可請近代郡縣大者不惟比於古公侯之國而小者亦遠勝於子男之邦則藉田之禮皆所當行乃不唯郡縣不唯督撫及天子亦不能歲舉此禮卽使歲舉此禮而郊畿而外雖公卿大夫鮮有能講明其義者今

聖天子特舉躬耕以爲天下先自督撫以及郡縣州衛所等官凡在守土之司通行耕藉之禮此誠千古未有之曠典也臣身爲總制兩省封疆一身表率况滇黔

在萬里之遠僻近蠻荒一旦躬逢盛舉不獨山農野
叟實所未聞卽縉紳士夫亦無從考覈臣不揣庸陋
用表彰其義著爲藉田先農二說宣示僚屬遍告農
夫使知我

聖天子本此仁孝之至推廣誠敬之思而其所以爲天下
臣民祈天永命以同享夫萬邦屢豐之慶者其用意
誠深且遠可不共殫其仁孝誠敬之心以奉

聖眷而答天庥哉至於耕藉儀注已詳於會典位有尊卑
禮無二致可彷彿其意而行之無所容末議也臣謹稽
首而爲之說

開化府志 卷之十

藝文

五

先農說

鄂爾泰

藉田之禮宜祀先農夫先農何神也始於何時神位
宜如何書壇設何所涓吉何日陳設何器祭享何品
樂奏何章旣躬親其事敢不先考正其說試爲畧言
之古聖王之制祭祀也法施於民則祀之是故厲山
氏之有天下也其子曰農能殖百穀周棄繼之故祀
以爲稷此祀稷之始也共工氏之霸九州也其子曰
后土能平九州故祀以爲社此祀社之始也而郊特
牲稱天子大蜡八先嗇一神農也司嗇二后稷之官
也農三古之田畷有功於民者也郵表畷四郵亭之

舍標表田畝田峻居之以督耕者也貓虎五貓食田鼠虎食田豕皆有功於稼者也防六水庸七防隄也以蓄水亦以障水水庸溝也以受水亦以洩水皆農事之備也昆蟲八螟蝗之屬害稼者也是故蜡之祭有八皆以爲農而以先嗇爲主蓋以神農爲八神之主此祀農之始也班固食貨志又從而申其說曰闢土殖穀曰農炎帝教民殖穀故號神農氏謂神其農業也又厲山氏有子曰農能殖百穀後世因名耕甿曰農其言農之義甚著而先農之稱考之於經未有紀載惟劉向五經要義曰壇於田以祀先農如社衛

宏漢儀春始東耕於藉田引詩先農則神農也魏秦靜議風伯雨師靈星先農社稷爲國六神晉大始四年耕於東郊以太牢祀先農周隋及唐所稱先農皆祭神農於帝社配以后稷卽貞觀初太宗親耕東郊仍藉田壇之名垂拱中乃以藉田壇爲先農開元十九年祀神農於壇上以后稷配二十三年親祀神農於東郊配以勾芒遂躬耕盡隴止乾元二年詔去耒耕雕刻天子出通化門釋軼而入壇遂祭神農以后稷配冕而朱紘躬九推焉憲宗元和五年詔以來歲正月藉田太常修撰韋公肅言藉田禮廢久矣有司

無可考乃據禮經參考開元乾元故事爲先農壇於
藉田此先農壇之所由來也漢文帝紀二年春正月
丁亥開藉田唐禮樂志孟春吉亥享先農此春月亥
日祀先農之所由來也臣於是本之經佐之史核之
國朝會典而爲之參酌其制卽如今之於神位也則
書曰先農之神蓋以神農后稷皆各有專祀而於此
則統而書之也然以

頒示天下使農夫皆能曉其義則必實指其名而數之曰
某某教農之君某某勸農之官也使農夫皆得津津
口頰轉相稱誦愛慕嚮往而後其用力益勤則是先

農之位宜主神農而配以后稷神農居中后稷居右
皆南嚮田畷以下依八蜡之祀皆東西向比於兩廡
之次而位次正矣諸侯親耕於東郊則督撫以下藉
田皆宜在東郊先農壇在藉田之北壇門南向中爲
先農壇壇高而方四面有階祭日奉神位以祀壇之
後爲神庫如宗廟寢室之制以安神農壇之前旁爲
瘞池以瘞毛血神庫之左爲神倉儲藉田之穀以供
粢盛酒醴神庫之右爲宰牲亭以供親割壇門外爲
觀耕臺臺下爲藉田壇之旁別置齋室未祭而先齋
旣祭而燕皆於其地而壇基立矣古之躬耕在孟春

元辰後之躬耕在孟春吉亥宗乎古則宜用元辰法
乎近則宜用吉亥但孟春之月土雖脈發凍未全解
今酌以仲春之吉亥而吉定矣其在祭器則三爵一
尊酒盞三十登一鉶二簋二籩十豆十筐一俎一匕
血盤一爐一燭臺二香案一祝板一而祭器備矣其
在祭品天子則用太牢今督撫以下惟用少牢餘無
可減爵實以酒醴登實以太羹鉶實以和羹籩實以
黍稷簋實以稻粱籩實以棗栗榛菱茨鹿脯白餅黑
餅形鹽藁魚豆實以菁菹芹菹笋菹苴菹鹿醢兔醢
魚醢醢脾析豚胸筐實以青色量幣俎實以羊一

豕一而品物齊矣若夫樂奏七章則以丁祭樂舞爲
之舞佾如其數迎神奏永豐之章奠帛初獻奏時豐
之章亞獻奏咸豐之章終獻奏大豐之章徹饌奏厚
豐之章送神奏報豐之章望瘞奏慶豐之章七闋旣
終而樂奏成矣禘祭之先自齋宿以至於省牲省具
演禮演樂祭之日自迎神以至於初獻終獻送神望
瘞悉如文廟之儀而大禮舉矣位次正而心不疑壇
基立而地不遷消吉定而時不忒祭器備而知其不
可假易品物齊而知其不貴殊珍樂奏成而無有不
和大禮舉而就敬不敬而先農說於是乎畢

修建文廟碑記

郡佐周炳

先天弗違後天奉若理也莫爲而爲莫致而致數也天下事有必至責無可貸者理之所準數不得而囿也勢所當爲終於難必者數之有定理不得而爭也一旦天意作合人心鼓舞有不期然而然者是理與數相因而至也我

天子德隆千聖道冠百王自漢以來天下郡縣設立學廟迨至

本朝制禮作樂崇祀尤隆雖遐荒萬里外莫不尊之奉之無遠弗屆也此地古紅夷國舊爲臨安三長官之地

開化府志

卷之十

藝文

祀

土司龍上登文學知名立廟行朔望禮木榱苦片茅茨土堦今之倉聖祠乃其舊址也康熙六年以教化王弄安南三長官司地爲開化府卽設學焉知府劉訢創建大殿二十七年知府張仲信增建兩廡明倫堂三十二年知府沈寧建啟聖宮名宦祠鄉賢祠三十三年知府李錫鑿泮池五十二年教授李春盛重修大成殿六十一年知府吳文炎建櫺星門及兩廡雍正三年同知佟世祐置各項祭祀銅器十二年知府宮爾勸知縣曹國弼重修魁閣及泮池牌坊置牌位祭器乾隆二十年知縣謝千子教授趙震典史程

遣重修大成殿大成門櫺星門並建崇聖祠道德坊
二十一二兩年知府湯大賓同知季湘署知縣王元
熾監生王洪嗣生員彭賢錦王人傑等倡捐明倫堂
倉聖祠尊經閣兩廂齋房前後二十七間置文明坊
於學宮外嘉慶十七年知府盧响會同文武官弁紳
士等倡捐銀五千九百兩建修大成門五間東西廂
房六間廊房十間櫺星門一座道德坊二座置買泮
池地趾修理圍牆四十四丈大照壁一座因改任東
川一切應修之處未及動作余二十一年任本郡同
知孟冬文山縣典史饒貫萬言春秋二季牛羊出自

八里輪流採買誠恐累及地方爰集紳士庶人捐辦
祭需公田共用銀一千一百四十兩計各田租穀年
得市石四十石零一斗並將小溝絞穀二石五斗阿
車寨玉麥十石枯木學穀二石部布想穀八斗共五
十五石四斗併作祭需公用不復派累里閭迨至二
十二年夏舉人戴沛汪瀛貢生傅秉詡生員唐仁陳
鈞曹際清王宏猷汪鳳翥監生吳從琳楊鳳翔萬明
等因前工未竣稟懇教授陳瑞圖訓導束本培介紹
輿情求余接修計乾隆丁丑修建以來至嘉慶丁丑
已六十年矣考其事數應一週合其理勢難再緩是

以勉從其請卽於是年八月三日公同議捐將學署
地基繪圖改作刻三日興工越月落成大局適有臨
安之役二十三年秋復任得以始終其事共樂輸銀
五千五百四十五兩建造尊經閣三間兩廡十間文
昌殿三間後殿三間宮門三間兩廂六間節孝祠三
間鄉賢祠三間忠義祠三間照壁一座教授署大門
一間儀門一間大堂三間正房三間西廂房三間科
房二間看司一間廚房二間訓導署大門三間大堂
三間大樓三間明倫堂大門三間串堂三間齋房三
間碑亭三間廚房一間倉聖祠三間崇聖殿三間文
南建造

皇亭宮門朝房十五間昭忠祠七間囑爲經理共用銀九
百五十兩至十月一律修理完竣竊念閣學殿宇房
舍共計一百一十間圍牆照壁一百五十丈不能不
慮及歲修一事有監生李鳳崗之妻儂氏捐出董幹

新街住房一百一十六間四十一戶年得租銀四十
四兩四錢監生儂廷選捐出老街住房一百一十六
間五十八戶年得租銀五十四兩零共銀九十八兩
零得生員李健曹正對姚思廉本署清書朱萬春安
置以作歲修之費查茨竹壩田地彌補以前工價歷
係以利作抵公同算清以本年之租我足不敷之數
經生員吳運昌本署經書董爲柱之手查明該寨人
戶統有二百五十三家得租銀七十五兩八錢枯木
生員王汝羹地租銀十五兩大興寺房租銀九兩共
計百金以貲書院膏火查馬白學田向爲學租毋庸

置議大壩一寨係學宮辦公之用每年僅得十餘金
往往不敷即將人戶查明五十餘家所種地土多寡
不一稽戶口之貧富收租年得租銀三十九兩六錢
著落生員蔣榮芳富戶蔣子麟楊德配劉世賢等名
下按年交租除准該學辦公開銷外所餘二十四兩
六錢作爲學廟各處朔望香燭之費責成教授供俸
春夏訓導供俸秋冬互相輪置以期永遠弗替所有
春秋兩祀例應奏樂得生員王天培吳開運李恒澍
曾思敬林殿榮林殿華陳學淵王樹南鄒近陽張琴
陳蘭陳萃徐文弼龔敬關必超鄧希哲萬昂趙煊向

於德劉用九周文煥楊聯舉楊聯珠楊天培馮漢
龔中聲任漢章任高甲陳九韶王文炳黃映斗尹祥
翥李友李友杜林天錫陳昌運李如柏張焜余閔
先傳祖武樂人李國標張紹元李剛李高葉永壽陳
會元劉天儀樂舞生高舉盧炳盧清王正興梁瑞楊
中和田有功縣書吳尊亮劉占魁等以供執事張紹
程鄒宗魯高文照捐銀二十五兩交生員曹珮楊自
超入於仁昌號質庫二分生息年得利銀六兩以作
春秋二季先期樂人演習公費飯食之用謹按丁丑
秋刻日興工義勳斯舉深賴其力者監生蕭德粹也

屬意督功始終如一者生員吳江也而修建之費頗
闕尤能不辭勞瘁承任終事者監生周尙廉蔣瀛饒
鳳也抵墊款項幹旋彌補者生員趙晨王再曾及陳
祺張智詳也數年之內前後催捐者生員任雲鴻陳
九韶吳開運趙煊王再曾鄧希哲學書湯若韓明也
前曾在工監修者貢生王秉義王宗文彭良臣葉春
秀葉春和庶人楊鳳朝也溯及當年以迄今日因仍
捐益葺故更新無非尊奉之心何敢詡以爲同人之
力第以僅有規模初敷位置而已其前賢未盡之意
藉衆擎易就之功統計八年前後共得文武官紳士

庶共捐金壹萬壹千五百玖拾兩零爰誌貞珉備叙
巔末庶幾天意人心均無遺憾豈非理數相因之故
有不期然而然者哉

改建東文山塔碑記

郡佐周炳

天開景運地協昌圖誠至則靈故天爲之應瑞志壹
而動在地畀以成形此天人交感之理而造化爲之
斡旋也開郡地在滇徼界連陵壤爲五方雜處之區
共一道同風之治凡鎮守斯土者莫不朝夕惕厲勤
求治理焉竊覽山川大勢來自乾方城郭開基入由
坤位舊塔近在震宮不僅一方受制且功未及半新

開化府志

卷之十

藝文

碑

基遠移異地大都四境蒙庥而人謂合宜擇吉於壬
午仲春興工前都督伊公昌阿倡率三營官弁兵目
捐積修工費銀二百八十二兩載集同人共襄斯事
得庶人饒鳳監修於季夏朔功竣所謂補三奇成六
位銷災患啟熾昌交泰則王道宏開亨豐而人心向
化五金寶貯五行之秀齊輝三教書藏三才之位並
列浮圖七級閣郡共仰莊嚴文筆一峯多士咸瞻秀
麗卦成捐益上下均得其常位合乾坤主客各安其
分龍江一十三曲之水迴環流來卽任鳳嶺三十六
蓋之峯排列覽去而低八里賴以照臨萬物正其性

命紫微北拱煥雲氣於井鬼之間華蓋高懸耀奎光
於乙辰之位瑞啟圖書之府天下同文祥徵翰墨之
林士民共慶振秋風於桂苑題雁塔於南宮佑啟我
人文咸以正無缺

改建東文山塔三營捐金碑記

教授 陳瑞圖

塔在開郡城東前太守汪公於乾隆乙亥年捐修與
西華對峙故誌載東文山上建文筆雁塔之所由來
也時太守丁艱回里工未能竣嘉慶癸亥重九都督
伊公登臨詢悉始末意欲繼前賢之美但工程浩大
必須衆成於是三營弁兵陸續共捐銀壹百柒拾兩

開化府志

卷之十

藝文

四十五

交仁昌質庫生息截至道光壬午歲二月止本息共
獲銀貳百捌拾貳兩是春適值撫彝府周公修葺魁
星閣工竣詳觀形勢復捐廉俸建於乙方厥功告成
是科文闡開郡中式者三人是喜兆尤應在三誠機
動於三公而奇驗於三也三營弁兵捐銀姓名數目
例得刊列於碑

修建開陽書院碑記

歲貢 萬重質

安平司馬周公旣修建

聖廟成復就開陽書院舊基拓地整理其經營布置甚費
苦心興工於道光元年十二月告竣於三年二月宏

敞峻麗視舊基庫隘者迥殊又復籌備膏火俾諸生得藏修游息其間意良厚矣都人士請記其事於公公乃歎然不自任規規然固辭不許也僉曰公不自爲記記之者山長宜余不敢辭遂記之其爲院大門也坐壬向丙高一丈三尺寬五丈六尺深一丈四尺兩牆橫二十八丈五尺入門左塾房二間右塾房二間除階橫四丈六尺直一丈六尺次儀庭重門一座高一丈二尺兩牆橫四丈六尺其再入也則屏門四扇除階寬四丈八尺長二丈四尺甃石階砌坦潔正直其上則平山講堂臨焉高一丈七尺寬三丈九尺寬三丈六尺長四丈

至聖殿臨其上殿左右列掖垣清深肅穆規製協焉其堂前左廂務本堂書舍五間右廂澄心堂書舍五間天境兩旁皆有井堰出水又於澄心堂左上開重門一道則內講堂三大間除階長六丈一尺寬三丈二尺花木蒨蔚則山長之所居息也又於務本堂右上開重門一道則午亭學舍在焉午亭公號也先是公秩滿北旋諸生立午亭學舍匾於重門志不忘也及公復任見之急命撤去諸生不得已移額內舍公究莫

能止也其舍前塔除寬長與右內講堂等特舍左側
列有書舍六間後則射圃顏曰君子之風與林園連
接下與魁星閣通由閣出園門卽大門之左塾房白
右塾房入右林園門

史伊二公之祠在焉其內講堂前一曲巷與誥經堂
通堂凡書舍五間堂門右牆有焚字庫則諸生所捐
建也堂右側牆外卽本里義學館館亦公所特創也
按今平山講堂昔爲史公祠地因移祠舊書院處故
得建講堂於茲蓋今之史公祠卽昔之舊書院昔之
史公祠卽今之平山講堂也其

至聖殿及午亭學舍內講堂悉公捐俸購得民間地基以
成此宏敞峻麗之觀而民間亦以書院爲培植人材
之所故樂得而售之也其內講堂右側書舍及廚房
地基繫廩生李建後圃不願受值送入書院至本里
義館之立卽與書院相隣者由義館歷年失所館師
修脯不敷或數年不延館師而鄉約伙頭借名攤收
上下河村穀私相侵蝕董事者因城鄉隔遠疎忽不
理百年來窮民重累茲蒙公與何涑園太守和衷酌
定卽於書院膏火銀項內年抽二十四兩作館師修
金於逢春里洪烘寨王如美控案克公地價銀數內

年抽八兩作生徒紙筆之費永革攤收之弊於是義館生徒長進者卽由近隣得入書院是舉也極費苦心總計書院房舍凡四十間義館三間大門一座其費銀二千餘兩勸事者廩生李健曹正對向於德王再曾趙煊而數年寢食其中卽一庖厨一園廁無弗位置得宜則庠生吳江功爲最余不文以公論僉同不爲記之後來者何從而知之夫公之不自記公之德也易曰勞而不伐有功而不德厚之至也我公有焉

江那萃文書院碑記

舉人田杰建水

粵攷漢魏以前未有書院之名自唐開元闢始置麗正書院迄今省會及郡縣書院繼立皆以作育人材也開郡地分八里而江那一里最鉅搢紳父老不囿於僻處借文會捐輸積貲闔里之人樂襄厥成爰因古刹遺址建立書院始於乙亥秋成於丙子春環而觀之前列玉帶文峯後枕諸葛名嶺獅子峙於左龍溪蟠於右山川靈淑於是鍾焉其棟宇巍峩規模宏敞又人文之蔚起也予以樗櫟散材繆居講席鹿洞之跫莫追桃李之陰猶待佇見名師振鐸蕊榜題名不嫌通都大邑其亦不負諸君子建立之意也夫是

爲序

節孝杜母楊孺人錄記

侍郎尹壯圖蒙自

辛丑春予供職秘閣

內廷傳

旨旌表節孝吾滇開郡杜楊氏與焉其子諸生美淇美漳
從事予姻家刺史列五萬公會向予畧言孺人梗概
識之有日今生以節孝錄成丐爲并言予思滇雖邊
徼荷

聖天子化育涵濡咸秉禮義以節孝著者指不勝屈今孺
人光耀一時俎豆千古此則循名核實所不容已也

開化府志

卷之十

藝文

五

孺人姓楊氏諱應春公室女年二十一適杜公諱和

字迺舒二十七夫故翁姑皆踰六旬有子三長美淇

甫五歲次美漳三歲次美淮始誕四十五日上則老

親下則幼子處斯境者靡不難之而孺人青年矢志

之死靡他奉翁姑生盡養塋盡禮撫諸孤教養婚娶

子皆成名四十年如一日志良苦矣先是迺舒未逝

時以已業分潤昆季孺人至是猶能體翁遺志再析

夫產孺人有母亦孀翁旣沒迎回與姑并養至於窀

穸鮮不周備是又天性純篤當於名教中求之者緹

縈賢女也爲婦則無聞孟光賢婦也爲母則無聞敬

姜賢母也爲婦則無聞孺人則婦德母儀朗朗若星
斗賢士大夫相與贊揚正所以發微闡幽而彰
至化之洽無遠弗届也是爲記

萬氏世德記

學院 顧 莼 吳縣

開化學生萬重質博學篤行君子也一日謁余述其
先世事曰是皆見於通志郡志者唯不詳其世系恐
後人失考願公之記之也余按萬世元末自南昌徙
黃陂明初鎮國將軍諱中者宦於滇遂家焉萬氏第
一世也布衣諱容者鎮國之長子也參政諱文彩者
鎮國之八世孫列女傳中斷指節婦王氏之孫實重

開化府志

卷之十

藝文

五

質之七世祖也選貢生諱準者鎮國之九世孫也長
汀知縣諱度歲貢生諱勵者鎮國之十世孫也屢冒
鋒鏑以奠葵肇分土域以建司定賦役創城池觸瘴
而卒於師者鎮國之行也敦棣萼讓世爵侍繼母而
得歡抱殘編而自樂者布衣公之行也策安邊之畧
折當事之權賊衆望風而傾巢部民揮涕而攀轅者
參政公之行也懷偷生之愧勵殉國之義不以仕不
仕異其志者則長汀與兩貢生三公之行也時余方
輯滇南采風錄欲得能文章而其言可信如重質者
襄其事今以瓜代將去其書之成尙有待也然如六

公之行詣卓卓則急欲得而書也予既詳采其事於錄中而復叙其世系於右者徇重貧之請也其事見於志與諸名公傳記及余錄中所書者概從畧也復有鎮國十世孫舉人諱言策蒙自諸生諱子者志或稱其能文或稱其能事親皆足列君子之林而爲宗族光也而余錄略之者慎之也

萬氏世節記

學院 顧 莼 吳縣

萬氏之先有節婦王氏引刀斷指事予既著之采風錄中爲重貧世祖母重貧又爲余述其家四節婦事皆有可爲世範者其一王氏蒙自人生天啟七年年

開化府志

卷之十

藝文

五

二十夫鑛卒父母迎之歸欲爲改嫁氏遂毀面以示不可奪塋舅姑撫育二子成立皆食餼後死於亂復撫其孫亦食餼卽通志孝義傳中名子者其一鄒氏建水人年十八夫辰卒剪髮自誓辰崇禎十五年副榜卽采風錄中諱文彩之孫其一楊氏生雍正六年年十九歸重貧世父曙初善事翁生男女各四而曙初卒氏年廿八家極貧苦心撫孤其一柴氏年十九歸貯勲卽楊氏長子性靜而慧善鍼綉得楊歡心生三子而貯勲卒氏年三十一待叔及小姑以禮後楊喪叔季二子暨季女柴益辛苦事楊益謹竟以勞瘁

延年四十三楊自是德明後柴十七年卒年八十時
在嘉慶十一年予輯滇南采風錄烈女傳中取貞女
及烈婦殉夫者居十之八九餘亦皆有奇節安常處
順俱不與以滇志所列節婦不下數千人事都一律
勢難盡取非謂不在此錄者皆無足矜式今觀萬氏
四節婦事親存孤咸能不負所天婦道備矣尙何以
奇節爲哉第二王氏載通志鄒氏載縣志而楊柴二
氏未入志其後人且浸衰矣恐遂湮沒不傳故特爲
叙其事貽重賞以俟後之修志者

參軍碣記

知縣 伍澤槩

開化府志

卷之十

藝文

五

癸未重九後二日余以事便過土參軍周君位東家
畱宿焉皓月當庭微風拂座對酒之餘參軍爲言宅
左右硿之勝不覺神王詰旦聯騎徑遊出戶遙見白
煙一縷嫋嫋白山麓起參軍曰此硿外溪流朝夕蒸
出者四時皆然惟深秋爲最於是度阡陌抵溪岸儼
然置身雲際矣舍騎行百武往左有方池水清碧殘
荷數枝又十武當徑一小亭亭之東板橋十丈橫跨
溪上覆以瓦再東少北虛閣危樓掩映於林木岩石
嵐光旭翠間殊撩人目因心切於硿始舍之而去又
三十武有石門如城門卽入硿之門也門以內石竇

中空危磴十級拾級而升覺人之自竇來如從井出
有廟祀土神左右兩廂爲阿迷李生設帳處從遊二
十餘人余憩龕前李生率諸子弟以次來見啜茗畢
從廟側右轉畧下卽第一硿宏做虛濶高逾十丈中
有石柱自頂至地若撐撐然旁有仄徑入第二硿硿
甚低從人燃椽燭前導俯躬三四折始入硿亦寬廣
惟不透光因令舉火四照其兩旁之石笋鐘乳或黃
或白參差林立有仰如雲龍之掣霓者俯如虹霓之
飲澗者獅蹲虎踞鸞翔鳳翥者奇形詭狀莫可名言
尤奇者硿頂方平潔白正如人家之新製承塵然中

有垂乳四點俗呼爲猫兒逐鼠諦視之情形酷肖右
有石臺頗高上有藥爐茶竈相傳爲神仙煉丹處因
石濕磴滑未及登視然臺畔一石宛如達摩面壁屹
立不動自非神仙不能置硿後有徑較前稍寬從人
更燃椽燭昂身以度未十五步入第三硿硿之寬廣
幽邃與第二硿仿惟左右各列石柱一其玲瓏剔透
光怪陸離覺前之石笋鐘乳又不足奇矣後有龍田
一區高高下下十餘坵阡塍畢具水氣蒸蒸是亦神
物也從東一徑再折而西低甚俯身二十餘武天光
斜透陟磴數屨卽第四硿硿頂一竅約數十圍上承

天光如屋宇之有中雲日月照臨無事椽燭仰視蒼
蒼雖不僅如管窺然亦未必開眼九萬里也竅頂四
面木卉環生蒼翠可愛時有白鶴飛翔其間硿之東
畧下數武有水潑潑卽硿外溪流之所自出參軍云
昔先人曾於水上架畧約以窮茲硿之勝東去尙有
硿如頃所歷者不啻三四倍而奇更過之畧約爲水
所嚙後遂無問津者余聞而悵然久之正欲言旋適
游鱗數尾溯源而上從者以石擊之悠然而逝余笑
謂參軍曰昔人云會心處不必在遠翳然林木便有
濠濮間意覺魚鳥自來親人觀於茲益信參軍領之

乃復循舊徑歷諸硿而返仍憩龕前與李生清話少
時揖衣歷階下出甕門臨溪岸而嫋嫋白煙已散盡
無餘揖別李生度橫橋過關聖祠登老姥宮上觀音
閣其閣半嵌石崖憑空支架俛視溪流不翅振衣干
仗以足蹴閣板栩栩欲動凜凜乎不可久留亟捫檻
而下至關聖祠側草亭憑欄觀田間刈稻久之踰橫
橋越荷池循溪度阡回視諸臺仍掩映於林木岩石
嵐光旭翠中而硿門雲鎖已如海上三山矣後歸寓
齋參軍曰今日之遊樂乎余曰樂矣參軍曰公旣樂
此硿自高曾以來未有命名且遊者夥矣未有如公

之探奇鑿幽毫髮無遺者則此之嘉名若有待於公
公幸不吝齒芬乎余曰唯唯君爲參軍受

朝命世世食毛踐土於此是此碣之爲君家有也將永
永無極名之曰參軍碣君以爲何如參軍曰諾敬聞
命矣我公之以參軍名碣也非欲某顧名思義將供
厥職以守此官而有此碣乎竊嘗見世職中蕩檢踰
閑身敗名裂將祖若宗披荆闢萊概風沐雨所得一
命再命之榮歷年幾十幾百之久一旦棄之如遺且
不能保其所食之土而何有於一碣今我公以參軍
名碣也意念深矣使吾世世子孫朝於斯夕於斯藏

焉脩焉息焉游焉而亦顧名思義恪守官箴無敢隕
越失墜以長守此官而長有此碣也豈惟某拜公之
賜高曾以下實嘉賴之公吾父母也今文人也願賜
餘興紀當前之勝遊昭來許之龜鑑均於是乎在余
不獲辭爰爲之記而係以詩詩曰時維九月序屬三
秋載穫孔急繁豈遨遊匪遊之故厥惟民務乘興訪
戴耽茲崖樹幽奇一碣言入我夢翌辰躡履從遊者
衆性癖探奇樂此不疲一坵一壑惟恐有遺返自天
牖緩步碣口虛閣憑臨歷左而右地闢天開顯此奇
瑰世爲君有詎沒草萊碣曰參軍名繫於君碣兮碣

兮正以酬勲

皇恩祖德昊天罔極願君世世恪供厥職

國家交泰河山礪帶矧茲一硯而不永賴贈言爾爾秋

風拂几縱目歸途潭淨山紫

五來堂記

同知 周 炳

嘉慶二十一年丙子秋八月

炳

任開化府同知其廨

舍自康熙三十二年經鄧司馬創建至乾隆四十二

年請項重修又四十餘年半多傾圮不可復居越明

年春捐修完好紳耆以

炳

能節儉從事也與廣文陳

輯五束梅村少尉饒一峯請接修

開化府志

卷之十

藝文

五

學宮

炳

辭不獲遂於是年八月再集同人樂輸工費十

月

炳

有臨安之役十二月大局告成戊寅秋自瀘西

回得以始終其事己卯夏工竣先是署太守盧曉峯

於癸酉歲倡捐銀五千九百餘兩工未及半移權東

川瓦礫木石錯雜廊廡間至是迺得工畢也是年十

月為

仁宗睿皇帝六旬大慶復與同官及搢紳耆老集議以八里

公所建一

萬壽亭道光丙辰春弁將

先農社稷神祇三處壇墀墻垣捐廉修葺及移文峯塔

於巽方城外魁閣亦同時折修兼改開陽書院土木
匠作前後七年至戊午春全工告竣炳於八月運銅
北上矣乙酉冬復任明年遂將數年入官之學莊公
田祭需諸項重爲位置適有中甸之行癸亥夏間五
至安平將關署修葺十五間以資棲息并定四至使
民勿得侵佔因馬白關止一界牌未足以壯邊徼隨
集紳耆建關門一座共三層一則爲門再則爲遊眺
之所三則爲魁星閣以啟斯土人文不僅築關資捍
衛已也爰誌額於行署曰五來堂

新造崩河坎石欄記

周炳

開化府志

卷之十

藝文

五七

城西隅崩河坎爲郡通衢往來者如織石徑臨河稍
不慎則溺水中非造石欄以界之不可計須三四百
金顧一二人力不足辦也爰於臨陽會館勸捐官及
士民無不樂輸者已於九月鳩工其成可立待斯舉
也非僅化險逕爲坦途抑壯城郭之觀瞻矣先是權
太守劉默園先生修城垣時見河坎之患遂議及之
時余已離郡不獲目覩斯事今郡志將成當赫馬北
上適郡人遠來送別言及此事故樂書之以紀開郡
爲善無已之意云爾己丑仲冬記於會城之五華山

麓

捐置春秋祭祀田畝碑記

周 頌

開郡每逢春秋二祀照例領支祭祀銀兩置辦酒醴
案盛之用牛羊係八里輪流採買子丙子仲秋分守
斯土孟冬饒少尹復任文山細陳顛末爰集紳士人
等樂輸九百九十兩零置買城南新里補里補慶兩
寨田畝共四分大小七十六坵乾地五塊草房六所
統計價銀八百四十六兩祿用列後又石姓送田一
坵各契照數過稅粘齊統蓋縫印歸府存案以爲闔
郡祭祀公田年收市石谷四十石一斗谷價約在百
金內外計年辦牛羊約六十兩錢糧十三兩五錢零

開化府志

卷之十

藝文

五

每祭幫貼縣禮房六兩年派董事生監二人輪流交
管以杜專擅侵吞並免八里輪流採辦牛羊等弊其
每年節省盈餘按年交當生息遇有文武會試自郡
起身之人公同核算盈餘酌給今將樂輸捐金官紳
人名另載貞珉所收捐金並賣本年租谷添置田畝
及收利息銀一千一百三十兩

看田酒水賞號租費升平共用銀一千三百四十兩
一買彭姓田一分坐落新里補寨價銀五百七十三兩
秋糧五石七斗九升年收租谷二十八石八斗計六
連一連三坵東至阿千田止南至田布才馬阿姐田

止西至阿滿田止北至田布保田止週圍一百九十
弓二連八坵東至王有才田止南至營官庄止西至
王布亂田止北至王阿子田止週圍四百八十六畝
三連五坵東至王榮當與石姓田止南至馬雲祥田
止西至田布九田止北至大水溝止週圍一百四十
弓四連十二坵東至水溝止南至阿受田止西至海
田止北至阿裸田止週圍三百零八弓五連八坵東
至康司縐田止南至阿恒田布滿田止西至王阿裸
田止北至祭需海田止週圍四百弓六連八坵東至
阿受田止南至彭良輔田止西至火頭田止北至田

布文王國明田止週圍一百八十三弓草房六所房
後園地四塊東至申姓墻脚止南至路止西至廟墻
脚至北至申姓熟地止週圍一百四十三弓

一買王章田一分坐落新里補寨價銀九十兩秋糧七
斗七升年收租谷三石五斗一連十二坵東至小水
溝止南至買彭姓祭田止西至買彭姓祭田止北至
水溝止週圍二百六十三弓

一買石姓田一分坐落里補寨價銀九十兩秋糧七
斗三升年收租谷三石五斗六小十四坵一坵東至
郃迷遠田止南至孫姓田止西至郃聯科田止北至

小溝止週圍一百七十三弓一連六坵東至郃布香田
田止南至田不耳由止西至牛路止北至馬布服田
止週圍一百弓一坵東至高飛鵬田止南西至王致
美田止西北至郃聯科田止週圍一百零八弓一連
四坵內有乾地一塊東至坡止南至郃老二田止西
至郃布香田止北至路止田地週圍共二百五十弓
一連二坵內一坵係石萬春樂輸之田帶條糧一斗
二升年收租谷七斗東至高飛鵬田止南西至郃小
四賣祭田止西北至高飛鵬田止北至沙溝止共二百
七十八弓一坵東至郃小四賣祭田止南至郃布香

田止西至高飛鵬田止北至牛路止週圍八十六弓
一買郃田氏田一分坐落里補夏寨價銀九十三兩秋
糧一斗七升年收租谷三石六斗大小田七坵一坵
東至高飛鵬田止南至牛路止西至高飛鵬田止北
至高飛鵬全祭需田止週圍九十三弓一連二坵東
至郃小用田止南至馬姓田土西至祭田止北至牛
路止週圍九十二弓一連三坵東至郃新田止南至
郃布寧田止西至郃新田止北至郃新田止週圍三
百一十七弓一坵東北至郃布文郃布寧田止西至
高飛鵬田止南至馬坤田止週圍九十弓

議

改定河坎議

陳運籌

城西一帶壘斷之場水陸併爭之所也而城翼然臨於其上民之逐末於此者悉控水結屋而居焉沿河西下有不可居數十丈曰崩河坎以地當水衝浸藩崩毀故名焉夫河坎陸道也而城隍保障也昔之建西郭者豈不知地之陡險水之奔潰不思所以計或計矣而未得其策歟曰非然也初水之行也其道自河坎上流延袤以達於北河道去城基較遠兼有護城隄岸可借以自衛故西郭之建當日不聞異議決

開化府志

卷之十

藝文

十一

不計水能削地有如今日之害也細度地形詳訪故老知邇來僅六十餘年水淹沙壅北岸之上漸積漸寬西流之水漸奔漸放至是不由故道也迺遺滄漣漫直盪城基城郭之崩壞視河坎尤甚今之議所不容已也策者曰城基與厓基相鄰使厓民各築隄防以固厓基而城基亦固豈非一舉而兩得之乎謂不然夫民厓無基以城基為基故居亦有掘隄砌石以自固者迺隨砌隨崩此無故惟所掘之址似石非石乃硯瓦石也其為質也勁而滑勁則難以施斲鋤滑則難以運灰石加以水激則動動則陷陷則崩其治

去未治者幾希曰然則使水仍故道可乎曰可薄觀
河坎上流與北圪相距謹二十餘丈許其故道形勢
宛然若於河坎原日奔流處大築石隄仍於北岸故
道開渠通水引小西關濠水迤邐曲達於河將水勢
既遠而地勢自濶地勢濶而屢基將不填而自平不
砌而自固縱河水漲漫不能仍前之蕩激城基矣而
城有不默爲鞏固者曾未之有所議河隄之當改者
以此至於障河源卽以清河道俾郡民得耕稼之益
且免昏墊之憂其利不僅什伯於此者願以祝之爾
心治績之君子焉

盤龍河水勢分流議

萬重篋

龍河之爲利於開化溥矣而其爲害亦非小按河源
自蓑衣山下耶草白寨伏流二十餘里出期烏石洞
洞距郡城西四百三十里安南里諸水滙於中經湯
壩儂人橋穿天生橋洞出峽曲折盤旋矯若游龍歷
城北而東而南流出下天生橋碕入交趾界其在境
內沿河村屯置水車引以灌田厥利良多惟水勢乎
衍當冬春之交益甚則以水淺故也田疇乘此築壩
截流束湧向車筒下如深溝者然乃得引水沛田車
架參差弓聲呼應憂憂隆隆彼落此起不旬日上中

下河白水盈眸農人耕鋤往來錯雜掩映於綠樹煙
村間洵快景也沛田必須水車架車必須築壩壩底
必漸至沙石壅積當雨暘時若孰不享其利或夏秋
淫雨大水暴漲視兩渙渚崖不辨牛馬飄泊禾稼墮
壞民房害亦巨焉由河勢平行諸壩沙土壅塞故耳
鄉人曾議於出峽處培高地脉俾水勢分作南北二
河仍留舊河爲中道便於淺水曲流也巳兩次興工
約費二千餘金而董事者或怠致石工鹵莽虛糜卒
無所效事遂止今議仍從前計僉慮峽口大石重千
鈞難移近峽上懸石漸次墜落河心就以築高埂障

水勢順其自然利導之分爲岐流南流直引至長者
寨一帶北流直引至高末寨一帶足墾田數萬頃二
流所經或值墳墓則勸其家人遷徙而補其值或許
以水利分之亦未有決不可行者是在賢令尹也能
如是則開化成豐富之國家給人足而禮義可長興
矣蓋河勢分流旣高車壩皆不事則向之河患除卽
遇淫雨水漲不至如昔之汎濫衝突等於泮水之災
不亦善乎

引

懿夫孔林葱鬱秀甲寰區闕里清超馨聞率土大率
肇舉特書明祀於漢皇國學親臨首紀辟雍於晉嗣
溯隋唐以往

宣尼之廟貌徧人間洎宋明以還

先聖之宮牆隆天下我

大清之定鼎也歷朝是監守中天心法之言

列聖相承闡三代道學之統折衷總歸於

夫子尊崇已邁於前朝欽惟

今皇上合體乾坤重華日月揚厲無窮之偉績輝煌

至聖之閔休爰詔禮官廣頒洪號文廟以屬文昌之宿武

開化府志

卷之十

藝文

古

廟仍昭武帝之靈別白而定一尊彌綸以垂萬世念
茲開郡僻在遐陬二台八戛之疆六詔九牛之域波
喧盤水綠遶千家地界交岡青連四縣秋清獨眺毬
門之萬瓦爭流春霽遙看牙仗之孤城入畫而

聖廟置偏安之處脉氣阻幽士人乏競爽之英科名疎曠
或謂濯磨之未善亦由風鑑之失宜今攬西城駐地
正位達陽全收南野清班羣峯拱極重重關鎖龍河
旋繞其前刻刻障屏鳳嶺擁陪其後其在右也襲人
爽氣纓萼岫以攢霄而虎溝之煙雨迷離其在左也
湧塢朝光襟玉堤以映戶而虹橋之雲霞綺麗風藏

水聚陰台陽開洵哉日月之會和展矣

聖人之妥侑則昔年寢室堪作桂宮而此日宏規宜遷黷
序也第是工程浩大願力艱辛彼廬山之乍闢豈能
銀殿飛來卽漢觀之初完未必玉梁自下鵲毛徒喬
詎便成枉蜃氣空噓焉能結市不藉衆擎之舉豈能
傑構之觀嗟乎鹿苑龜臺何關典禮珠囊璫佩尙解
捐施我

孔子之道如天無不覆幬凡生民之僑履地罔不載持濟
濟儒生冀同心以勸事迢迢鄉里勿忘本而恡金鳩
匠集材陶灰運甃務俾棟瓦峻穆矢棘顰飛門廡高

開化府志

卷之十

藝文

十五

深竹苞松茂樹之桌榭繚以垣墉旣金碧之交輝亦
聖丹之絢彩杏壇絃誦咸欣化雨之頻霑槐市衣冠
共喜春風之可坐咏藻芹於頰水聆鐘鼓於膠庠出
入乎禮門翱翔乎義路似徐孝克之爲祭酒根本無
虧如孫期少之受遺經研窮罔懈地靈人傑允鍾科
第之祥人定天從大啟文明之運特引

重修開郡學宮引

知府

盧 峴

峴於嘉慶辛未冬權守開郡至日釋奠

先師見殿廡階楹尙整固惟櫺星門已傾圯頰壁無存具
低窪之迹且爲居民侵佔圍垣殘缺視之心驚焉隨

商之儒官知學中向有所蓄顧爲數無多因捐廉以
彰勸之貢監生員及庶民皆早殷此念慮工大而不
敢舉乘岫之有此倡也率皆踴躍歡忻有捐至百餘
兩以至五六十兩三五兩者核簿而稽計于有餘金
焉乃鳩工庀材進諸生分治厥事先於閉閣高之次
擴其前地數十尋爲頽壁位爰是浚之深城其土之
所出以爲築而櫺星門頽壁成鉅衍巍皇其餘陸續
而皆興也然所費不貲非藉衆力不能補兩儒官商
之於岫爲之引岫敬識其始事如斯若贊揚崇報之
語則不敢言懼僭也亦懼褻也

義材會續捐功德引

萬重質

粵夫惠鮮流澤枯骨沾春惻憐關心嗚人致礎流棺
收塋殷仲堪夢協荊州厲鬼全棲孔文舉名傳北海
范忠宣太原之績埋骨萬堆真西山長沙之行義墳
百家凡在前賢之美舉無非後俊之良模况盍好溥
諸蒸黎而調貧豈獨上智貴賤同之古今一也茲如
開化義材會者舉事自乾隆年間著雍困敦之歲釀
金符秦闕大數子毋孳息之源掌之有城闌二姓吳
楊恣秉公心積之至千百餘金西南頗殖恒產虎溝
塘外每每原田華萼山邊畎畎良耜北門市廛店兩

區東文坪歐窶半頃土皆沃壤足供利濟之資徧且勤耕能應化居之用預辦之材待給窮窶咸依助塋之錢並施昇人胥備兼以骼掩齒埋旁及異類亦且字焚庫砌周惜斯文無何古道傾頽遂至後來侵蝕轉負債於他會撥此充租至稱貸於別宮代伊完穀停櫬不施者一紀假公自濟者廿年夫以開化僻居溟末繫在邊疆特幸老成締茲善行上之體聖天子懷保窮民無告之隱次之副

各大府撫恤鮮民無措之懷聽其終淹遺憾不少爲之續構善事亦多竊思省垣疾疫盛行不但備材木

開化府志

卷之十

藝文

二十七

且施義地歿者旣得安矣近念臨府天災頻起不惟施義地且拾嬰孩生者亦復帖然仁術有同營吾鄉人正當於天眷平安之福以廣培德行除邪則易舉願諸君勿厭其恩推獎獨之意而務使周全期奕葉以增新勒貞珉而不朽義旂壟上免游魂哭夜之悲漏澤園中無白骨青燐之慘行見古人之齋倍出古人欣瞻餘慶之家仍畱餘慶藝林簪筆國史敷分特引

重修西華山寺引

萬重負

西華山者僻在溟末秀出交邊三十六峯蓮萼競榮

而爭禱一十三曲龍河環抱以折旋通靈氣於井泉
之躔分祖脉於崑崙之遠假太華以傳名字卽五華
以演馨聞其近脉之分也原從蒙自其分脉之始也
實本臨安鳳翥鸞翔左揖右讓蛟騰虎卧高竦低臨
一路臺閣崢嶸千所營盤迤邐連雲之嶺磅礴聽猿
唱於密林秀石之巖蒼青見鹿場於清溜化乙崇隆
乎天表波些跌宕乎霞端至古城之前細脉入首及
古城之內羣戟列班爰有壽亭古寺地近桃園曾留
元豐古鏡記緣趙宋楸梧葱鬱蘭蕙芬芳老子閣中
每發步虛高響社神岩下時聞梵唄清聲灑甘露於

楊枝蒼黎霑潤放慈光於蓮座灾沴潛銷兼傳屏石
著靈似馬湖乞子之驗詎徒扉石閉戶訝龍盤玉女
之遺憶昔雪松住持於斯專精律戒及今伊蒲陳奉
已減輒歎緣艱風雨飄騷梁柱出紅丁之菌牆垣坍
塌竈陘鋪綠錢之苔思拮据以補苴奈齷齪於綿弱
謚夫淨果鑄而永興推宅勝因託而宜壽改居况乃
叢林仍舊特嗟隆替之殊而當剝宇頽如必仗宰官
之助衆擎易舉搢紳攬名勝以樂捐積少成多善信
隨力量而喜捨庶幾化城重整不至空禿鵲悲咸瞻
佛國更新依然得叅龍樹特引

傳

秦來山人傳

萬重負

交益之間有山曰秦來崒岬而攢康良而四通中有聚落曰平村土饒泉羨勢傲而溫翠竹百頃瓦屋數十所人物熙恬有叟年八十首皓眉龐而修然癯鑠然健自稱秦來山人山之北古紅夷城也城西爲鵝溪有老人隱於是年可八十自稱鵝溪老人嘗教授生徒往來龍河間山人與之善又有瀘西先生响町人年亦八十主城中首宿署與鵝溪老人善由是識山人是三老者吾竊論之夫瀘西先生我師也生於

開化府志

卷之十

藝文

李九

世家哲而穎凡書無所不讀呼吸輿風雨咳唾成珠玉壯爲文壇飛將軍老則爲名教鴻儒可謂顯矣秦來山人烏乎及若夫秀而介正而和與鄉人處油油然臨大節疾呼以爭之雖賁育不能奪此鵝溪老人之行也秦來山人烏乎及然而山人匿圭角不露安樸邀不華愛羣弟怡怡敬伯兄肅肅一門孝友三族康睦瀘西耆年舉子而山人艾年弄孫鵝西耄壽食貧而山人耄壽益富兩世蜚英者十餘人呶唔不絕而山人觴咏自如不知老之已至也此其所以爲山人而又瀘西鵝溪之所不及乎三老者骨相皮色俱

相近鵝溪矮其癯同山人長身與二老異姓皆李瀘
西名廷柏辛巳進士鵝溪名時舉茂才山人中俊秀
科世茂其名也人稱南中三李云或曰山人暖暖姝
姝疑詭於柔此不知山人者也老子知其雄守其雌
爲天下谿是泰定基乎莊生云宇泰定者發乎天光
象小往者大來泰也其泰來山人之謂矣

論

孝義楊童傳論

萬重質

楊童守土者郡人其父名不詳舊志載其八齡割股
事始而療乃父篤疾次母氏疾亦如之大都在一歲

開化府志

卷之十

藝文

七

中兩割其股里人嗟異僉曰奇童夫誠奇童矣何當
時竟無人爲之立傳而記其事者又畧焉弗審致後
閱者亦忽畧焉一覽而過與尋常供子職者無異余
亦嘗疑之夫以八齡弱童正世俗所謂飯灼其口輒
啼焉刺刺不休者烏知糜股可以療親且弱童股肉
幾何兩割之卒不割而徒肉又不可茹也必淪湯爲
羹以獻或和粥以進又誰爲之調劑適宜使其親啜
之而弗覺志者不詳其節次而謂其事之奇且真而
志之也夫割股之舉其憂不可測誠不可爲訓然當
蒼黃莫可如何之際孝子一念之誠竟忘其愚而爲

之未可究論而况爲之者出於童子而又數爲之斯亦奇矣嘗考漢書童年而篤於事親者有黃香安陸人年九齡京師爲之謠曰天下無雙江夏黃童竊謂溫衾扇枕事處其常糜股救親事處其變處變之難於處常不待辨而明矣卽楊童之變類推之則前明洪武間瞽我吳孝先者年十二隨父至桂峯村父爲虎所撲孝先解父佩刀刺虎死父得生還教諭眉州周澄爲立傳比之許垣楊香信爲篤論由斯以談楊童之奇孝可見矣余故追而傳且論之著爲篇

張貞女論

廩生 林殿榮 郡人

開化府志

卷之十

藝文

七十一

自來丈夫之行曰孝曰忠女子之行曰貞曰烈如張氏女者烈而貞矣當聞夫死時卽哀悲毀面流血決意過門奉姑孝事八載姑沒而捐軀隨之其立心制行非誠巾幗中之英杰哉竊嘗論之人生幸而爲男子五常以性其性五事以形其形五典以教其教五經以學其學亦安往而不得其爲男子哉至女子則不然或生於僻境旣不得自讀書又不能就傅卽仕宦之家訓之以女誠習之以壺則能明理者亦已難矣今生長草萊之間愚夫婦不諳義禮爲之女子者所恃惟此天性之良氣質之粹識夫婦之大倫耳幸

而倡隨以正白首偕臧固所願矣倘不幸而失所天則之死靡他遇愈奇而志彌堅禍彌慘而名益顯如古貞女節婦悉數難終豈非天地之正氣所鍾而與忠臣孝子爭烈者哉今如張氏女之所爲烈且貞者洵足爲閨中師範論者媿諸古人而與之同年語也不亦宜乎

大汎郭氏兩烈婦序論

萬重篋

嘗覽卞史二公所紀郭家潘唐兩烈婦大畧竊慨天理不絕於人心浩氣之流行不以方隅限嗟乎儂匪之禍烈矣舉逢春東安兩里其爲村寨者三百餘編

戶數萬計黔首數十萬人當妖氣煽起蒼黃亂離之間父子不相保兄弟不相守夫不顧其妻拋之如敝屣若者有之妻不顧其夫擲之而弁髦若者有之阿叵澳恣爛額焦頭向賊跪號請命丐緩死須臾否則狼籍烏合縱詭隨以焚掠爲逆賊黨助其男子若是者紛紛不計其數也若婦女弱質耳其何能爲賊之得而踐踏之者何所不至稍不遂則燒殺之終不免於死夫不從死也從之亦死等死也孰得孰失潘與唐早計之矣潘爲郭孫賈妻居長於唐爲姒唐爲郭孫贊妻居次於潘爲娣當是時孫賈與孫贊都不顧

其妻逃之密林深谷汎之人以謂二氏有絕色將爲
獻媚賊魁免合皆屠戮計乃結十餘人入郭宅梓潘
唐鎖閉別室中詰朝卽獻之矣於是二婦覩室中有
板緊鍵其門相對投縊死卓哉此一死也可以絕逆
寇之污辱之死也重於泰山與日月爭光可也絜諸
忠臣孝子義士見危授命決胆捐軀於疾風板蕩中
而不恤者何多讓焉以之扶人倫持世教挽頽風身
雖死而理不死而神不死流芳千古所爭祇
此一死耳願以告後世閨中人並以警賊之悖天逆
理不轉瞬而誅滅殆盡矣

銘

開陽書院惜字銘

萬重負

倉聖六書區別羣品天且弗違虞文是詗其雨粟也
報萬世之功鬼夜哭也爲其盡泯造化之秘英華發
越而旁通百官治而兆民察也珍斯惜斯遺則拾之
輦之而焚蕪之送諸長流瘞諸山邱懿哉諸子建庫
已周界於牆垣外內兼收歸乎永世百福是道

文昌會敬惜字紙銘

三元八會天運開通蒼牙石年垂穗飛龍變及隸楷
鬼神同裒百爾君子莫不崇從吁嗟狂瞽躑躅踐

雲鸞在塗芝英穢掬曰此殘編亦云斷簡爾警爾思
搜剔用洗洗之晒之眼之火之付之東流誰曰不宜
凡我同人念茲在茲必恭敬止靡有子遺瘞彼歸騎
斯文之事酌以酒漿終期無害龜蟲籀及千金一字
欽哉銘詞天人攸賴

山西五臺縣楊公暨艾孺人墓誌銘 李廷柏 隴水

公諱樾字扶遠號雙屏原籍江寧從泮黔寧開滇授
千戶世襲昆明再傳庠生諱嵩公以醫學遊臨安遂
家於建水曲江屯之蛇街世以文學顯五傳至德澤
公公考也妣丁氏生公八歲而卒繼妣趙氏撫之公

開化府志

卷之十

藝文

七

生而聰穎既長尤善屬文弱冠補博士弟子員文行
俱卓卓稱於鄉閭間未幾德洋公及趙孺人相繼捐
館公乃偕孺人艾遊學於開化始授生徒時雍正歲
申年也越壬子舉鄉薦三上公車不第仍居開化生
徒於是大進當是之時改流未久文風開闢其爲公
乎至於今之開化紳士凡知禮法能文章雍雍肅肅
不愧此儒冠儒服者不問而知其爲先生弟子也乾
隆乙亥選授山西代州五臺縣知縣蒞任卽捐修

文廟培人材以篤其本一切檄委如

勅修臺山辦西路軍需及捕蝗賑饑諸務無不實力奉行

不傷財累民而公事咸宜至訟獄催緝則嚴吏役皆積弊捐恤減刑又無不事治而民安於是邑人德之多勒石以頌美公悉毀之雖屢請不許嗟乎是真讀書人面目而與世之刑名法術詭詐欺誣營私樹黨以求遷擢者何啻萬里哉惜乎未及報最而公遽逝於署也嗣君文照扶櫬仍歸開化墓城南十里餘老保黑寨之陽孺人艾太君原通海人移居曲江諱玉品公次女前明江南操江御史諱廷猷公其祖也年十九歸公夫公以寒士起家方志學伊始所爲戒旦交勗者當何如也及至開教授生徒所爲黽勉有無

以相佐助者當何如也至公車萬里需次幾年所爲殷勤補裝勞苦持家者又當何如也迨公膺

勅命而乃恪守家園教育子女未嘗遠涉任所如世俗者

希一日之榮迄公歿後凡諸子女之婚嫁又無不盡瘁摒當俾各如禮是真能克配厥德者也與公公合墓

不亦宜乎公生於康熙丁亥年二月初十日卯時卒

於乾隆庚辰年正月初八日子時孺人生於康熙丙

戌年十月十八日巳時卒於乾隆乙未年二月二十

九日亥時子一文照國學生娶許公世賢之三女女

六長適辛酉舉人王君建邦仲子泰來次適郡庠生

林公敷榮長子郡庠生中錦三適州庠生丁公旭次
子源清四適邑庠生謝公炯長子文在五適張公珞
長子文焯六適國學生蕭公拱廷三子府庠生柄孫
一均未聘孫女一字郡庠生劉世勳長子琬銘曰煌
煌文教有開必先蠶爾磨些乃覲名賢化啟交南政
數代北學道愛人千秋罔忒猗嗟孺人淑慎其身代
終有慶風教維均南山之麓豐碑矗兀水長山高永
懷金玉

熊節婦墓誌銘

萬重篋

節婦胡光燦女熊定國配年二十五夫故父迎之歸

開化府志

卷之十

藝文

三

欲奪其志誓死不從毅然撫一歲孤子未幾子遘疾
卧牀五載竟死婦憤懣哀慟成癡狂碎首破面流血
徧體六日亦死焉族黨莫不重其行也僉曰如婦可
謂死生爲熊氏者其於夫妻大倫何愧使之沉淪於
荒烟蔓草不可其兄紹功屬予爲誌婦以乾隆甲子
年二月初二日生以乾隆壬寅年六月二十七日卒
年三十有九聞婦於平日詞色嚴厲動以名節自許
守義十四年冰清玉潔親戚不忍絕其祀使其姑之
子熊倫爲之後銘曰浩然正氣塞地彌天吁嗟節婦
實秉其公夫死守義服志拳拳乃數終奇殫絕孤兒

披髮毀頰狎狂死之蓋棺論定瘞玉于西禱禱西園
靈光吞吐勒石爲銘昭然千古

節壽吳母李孺人墓誌銘

進士成才檀 書院山長 共 江南

開化古紅夷國地在臨安南垂接交阯境距省會最
遠康熙初立新郡以桐城詩人姚文燮丞之卽漁洋
集中唱和姚經三是也臨安士族多徙其地從姚公
游風氣漸開矣雍正八年又立文山縣而徙居者愈
多臨安科甲望族吳翁者乾隆十年亦從之徙居龍
江之湄占地最勝吳翁次子處士鈞正娶李氏臨安
明經希天女生來賦性端歸不苟言笑十六歸處士

開化府志

卷之十

藝文

七七

當遷開化後之二三年相夫子事翁與姑高嘔謹呈
鄙稱之生二子從琨從琳已而姑沒至歲丁亥處士
亦沒而翁尙存遺二孤甚幼時家猶未振也哭泣輒
嘔血幾欲從殉隣媪哀之且爲寬譬慰其意輒瞑目
曰我非禽獸從一而已汝輩所爲何不媿死其剛烈
如此自是人不敢復言然念上有老翁下有二孤抑
哀搯作以持其家家漸起養翁終喪葬大事二孤漸
長俱率教奉母命惟謹兄弟友愛甚得孺人心從琨
習於儒屢應童子科從琳強力往來交廣操奇贏復
振其家於是龍江之湄稱孝友者推吳氏當孺人年

六十時郡人高其行爲壽其子不遠千里乞序於余
茲孺人沒將葬其子又重爾來請謂日月有時將葬
吾母於江那標山之陽敢重乞言以傳吾母之德予
雖不敏然表章幽光潛德俾得一片石刻於大荒之
南古紅夷之國亦所樂爲嗟乎中國士大夫以寒素
起家漸至通顯多不暇爲此事間有爲之但行故事
假大官銜爲侈美卽今臨安不少達者皆不顧顧遠
索羈人言爲足以傳其賢於中國士大夫遠矣孺人
主於庚戌年正月十六日卒於壬子年六月二十日
得年六十三子從琨從琳孫治源孺人二子俱賢將

開化府志

卷之十

藝文

七六

必能繼先人之志以興者自是開化文風必大盛蓋
文章與節義相爲表裏故爲著其緣起以風告郡之
人銘曰西華諸峯聚氣最厚九牛六詔環峙於後二
臺八戛紛列左右中貫龍江回繞盤走吳氏宅之鬱
爲文藪爰卜佳城發福永久

跋

聚璧堂跋

訓導

東本培

新興

我

朝

聖祖神宗功高德厚雍正乾隆嘉慶間天章屢耀

今上道光紀元四月朔五星聚璧曠代文明之瑞視前
史所載高陽氏五星聚營室漢代聚東井宋世聚奎
階者尤爲難邁之數

國史已誌盛矣茲復題聚璧堂名於學者則以文運啟
乎人才人才成於學校欲俾學者撫時欣慕觸目關
心底幾爭自濯磨厚其積累以求合乎文運也吾黨
勉之哉儻以遠居天末無預於是則大非矣際此古
今難遇之嘉祥後先相續之盛業應運而生者不擇
於時隨地而出者亦無擇乎地語云芝草無根醴泉
無源物理如是人才亦然况開化山川明秀人物之
生其資質聰穎者十之六七此正堪切靡以成者勉
之哉是爲跋

平山講席跋

周炳

開化府志

卷之十

藝文

七九

平山者何開化府之安平廳文山縣也前未嘗有此
名而今稱之者何新分隸也不稱安文而稱平山者
何昔歐陽文忠公讀書平山堂也公乃宋時賢相一
代鴻儒取斯名也蓋欲後學觀感仰止以有爲者常
存若是之心故建務本澄心二堂於左右爰稽郡志
載有開陽文山兩書院因經費不敷併於一爲開文
書院今旣分隸矣八里士子仍共肄業於其中統歸

府治郡人請復其初爲開陽書院而題於堂曰
平山講席

書院舊舍在此地之右此卽前邑令史公紹登之祠
郡人感其生成之德立以報之越二十年牆垣廢圯
商酌其宜改而張之擴其地爲講席易史公祠於書
院之舊基棠陰樾廡更洽輿情前都督伊公昌阿鎮
守是邦一十八載修邊防嚴斥堠置公田設營學弁
兵士商咸德之請建祠連毗於左及本里義學山長
住房於右斯一舉也祠宇並立書院重新雖不敢謂
設措得宜而平山取名之義庶幾昭示來茲云爾

開化府志

卷之十

藝文

八十

示

鹽課示

金 姓

示爾部民自今以往其遵照 欽定章程奉到部文
飭令酌減發鹽百觔准收課銀三兩零三分永垂定
制里民等毋得違例倘鄉約火頭格外浮收許卽稟
究

觀風示

楊師立

照得國家庠序之興敦倫首務鄉會春秋之舉制藝
先資良以言爲心聲德原辭本也開郡沐日浴月涵
濡乎

帝澤者已深。鸞鳳蟠龍鬱結爲人文者。特盛賢太守懋龔黃之績。四術咸崇。良有司揚召杜之休。三才具備。所有鴻飛雲路。羽可爲儀。鳥集泮林。音亦懷好。本學治經入淺。磨硯穿深。羨此地之秀良。摹前民之誘勸。將施化雨。先舉觀風。擇期於閏五月二十六日。集新舊諸生各備卷頁。就明倫堂課試。敢謂青萍白璧。價增薛六之門。竊恐燕麥兔絲。實啟邢揚之口。夫非三代之書不讀。論亦過高能。約六經之旨。爲文品。斯稱粹。勿繡其聲。晚以摘藻爲工。勿蹈於蹄泔。以固原爲鑒。酌漢代兩京之大雅。振明時八比之芳塵。驟風雨於

開化府志

卷之十

藝文

十一

筆端籠乾坤於形內。氣吞潮海。韓蘓亦可追蹤。理抉圖書。濂洛亦堪步武。次或抽蕉。剝繭。杼袖從心。搗玉攢金。鑪錘在手。又或藹藹展春雲之度。飄飄具鳴鶴之音。總多士之濃淡幽奇。秉

聖訓之清真。雅正眉如畫。白眼可全青。萃四境。榘楠杞梓之才。覘他年舟楫。鹽梅之用。予其拭目以俟。生須剋期而來

狀

紳耆請護西山風脉。嚴禁石工戕伐狀。李延福
竊以西山爲開陽一郡來脉。由蒙自麒麟山發源。菊

花嶺分派羣峯接嶺鳳翥蛟騰遞及數百里起化乙
山敦厚崇隆俯視一切歷連雲虎山城波些秀石諸
山巍峩延綿至古城子山細脉入首日月過峽起老
君巖排列三十六峯如青蓮舊麗然後辭樓下殿蜿蜒
而入結鎮府初穴由鎮府遞中軍結府治爲第二
穴其第三穴爲覺宮龍河爲之襟帶潑洄曲折氣脉
通利皆爲三十六峯來脉成形勝者也是西山之關
繫於本郡者甚大西山殘毀則一郡病而文風由此
亦病卽鎮府亦有所不利歷年無知匠石殘破山麓
諸小峯巒頻經士林切戒知所忌避近來營伍中假

購石爲利者竟劈至第一峯三分之一正價來脉緊
要之處焦頭爛額脇摺骨穿善風鑑者覩之慘然某
等讀書粗知大義其忍坐視不理乎所幸 各大府
撫臨是邦無非使民物安阜文風茂美用敢連名呈
請祈示嚴禁梗令者重治其罪以育我人民以保我
風脈謹狀

新興大壩學產變置狀

萬重箕

爲變置學產移遠就近事東安里新興大壩二處學
庄公產地十廣濶墾闢累臻田毗分處積戶口至數
十寨與土著蔣劉地界毘連互爲爭訟蒙 分府周

批付閣學衿士公議某徒以一處離城二百餘里時
發煙瘴每年入租止百二十金有奇往者多冒山嵐
致病或不然亦借口歷險侵蝕額租之半是學產徒
負虛名耳茲議併歸蔣劉管業其新興大壩田土值
銀五千兩伏望斷令蔣劉照繳此價於近城村屯另
置學產極為公允謹狀



開

化

府

志

八卷
冊七


七世三三二〇〇

176

18

354.07

33



藝文

雜記附
上

文所以載道也於以贊太平潤鴻業豈不偉哉
賢者聲出金石播諸管絃至今光燦萬丈後之人何
不古若耶夫風雲月露俱屬陳言肆外閩中有關風
化列國之所陳輜軒之所採曠百代而不磨此經天
緯地之文也我

國家重熙累洽丕顯丕承

列聖之嘉言昭於雲漢

一人之訓誥炳若日星可宜弁冕簡端奉為至寶名公巨
卿之教令騷人學士之咏吟苟有裨於世道人心亦

開化府誌

卷之十

藝文

竝書之於冊豈誇多而闕靡哉亦曰即此規文運之
盛風氣之開於斯為極云云列志藝文雜記附焉

本朝

御製

聖祖仁皇帝

訓飭士子文

國家建立學校原以興行教化作育人才典至渥也朕
臨御以來隆重師儒加意庠序近復慎簡學使釐剔弊
端務期風教修明賢才蔚起庶幾棧樸作人之意乃比
來士習未端儒效罕著雖因內外臣工奉行未能盡善

亦由爾諸生積痼已久猝難改易之故也茲特親製訓
言再加警飭爾諸生其敬聽之從來學者先立品行次
及文學學術事功源委有序爾諸生幼聞庭訓長列宮
牆朝夕誦讀寧無講究必也躬修實踐砥礪廉隅敦孝
弟以事親秉忠貞以立志窮經考義勿雜荒誕之談取
友親師悉化僑盈之氣文章歸於醇雅毋事浮華軌度
式於規繩最防蕩軼子衿佻達自昔所譏苟行止有虧
雖讀書何益若夫宅心弗淑行已多愆或蜚語流言脅
制官長或隱糧包訟出入公門或唆撥姦猾欺孤凌弱
或招呼朋類結社要盟乃如之人名教不容鄉黨弗齒

縱倖脫襖扑濫竊章逢返之於衷能無愧乎况乎鄉會
科名乃掄才大典關係尤鉅士子果有真才實學何患
困不逢年顧標榜虛名暗通聲氣夤緣詭遇罔顧身家
又或改竄鄉貫希圖進取囂凌騰沸網利營私種種弊
端深可痛恨且夫士子出身之始尤貴以正若茲厥初
拜獻便已作奸犯科則異時敗檢踰閑何所不至又安
望其秉公持正爲國家宣猷樹績膺後先疏附之選哉
朕用嘉惠爾等故不禁反覆倦倦茲訓言頒到爾等務
共體朕心恪遵明訓一切痛加改省爭自濯磨積行勤
學以圖上進國家三年登造束帛弓旌不特爾身有榮

卽爾祖父亦增光寵矣逢時得志寧俟他求哉若仍視
爲具文玩愒勿傲毀方躍冶暴棄自甘則是爾等冥頑
無知終不能率教也旣負栽培復干咎戾王章具在朕
不能爲爾等寬矣自茲以往內而國學外而直省鄉校
凡學臣師長皆有司鐸之責者竝宜傳集諸生多方董
勸以副朕懷否則職業弗修咎亦難逭勿謂朕言之不
預也爾多士尚敬聽之哉

山川考論

朕於地理從幼留心凡古今山川名號無論邊徼遐荒
必詳考圖籍廣詢方言務得其正故遣使臣至崑崙西

開化府誌

卷之一

藝文

三

番諸處凡大江黃河黑水金沙瀾滄諸水發源之地皆
目擊詳求載入輿圖今大兵得藏邊外諸番悉歸王化
三藏阿里之地俱入版圖其山川名號番漢異同當於
此時考証明核庶可傳信於後大概中國諸大水皆發
源西南大幹內外其源委可得而縷晰也黃河之源出
西寧外枯爾坤山之東衆泉流出沮洳渙散不可勝數
望之燦如列星蒙古名敖敦他拉西番名蘇羅木譯言
星宿海也是爲河源匯爲查靈鄂靈二湖東南行折北
復東行由歸德堡積石關入蘭州岷江之源出於黃河
之西巴顏哈拉嶺七七勒哈納番名岷捏撮漢書所謂

岷山在西徼外江水所出是也而禹貢導江之處在今
四川黃勝關外乃稽山古人謂江源與河源相近禹貢
岷山導江乃其流非源也斯言實有可據其水自黃勝
關流入至灌縣分數十岐至新津縣復合爲一東南流
至敘州府會金沙江今之金沙江源自達賴喇嘛東北
烏捏烏蘇流出烏捏烏蘇譯言乳牛山也其水名母魯
烏蘇東南流入喀木地又東南流經中甸入雲南塔城
關名金沙江至麗江府亦名麗江至永北府會打衝河
東流經武定府入四川交界至敘州府合岷江流經夔
州府入湖廣境由荊州府至武昌府與漢江合漢江源
開化府誌

卷之十

藝文

四

出陝西寧羌州北蟠冢山名漾水東流至南鄭縣爲漢
水入湖廣界東南流至漢陽縣漢口合岷江此諸水在
東南大幹之內故源發於西番委入於中國也瀾滄江
有二源一源於喀木之格爾玃欒噶兒山名欒褚河一
源於喀木之齊魯肯他拉名敖母褚河二水會於叉木
多廟之南名拉克褚河流入雲南境爲瀾滄江南流至
車里宣撫司名九龍江流入緬國瀾滄之西爲哈拉烏
蘇卽禹貢之黑水今雲南所謂潞江也其水自達賴喇
嘛東北哈拉腦兒流出東南入喀木界又東南流入怒
夷界爲怒江入雲南大塘隘名潞江南流經永昌府潞

江安撫司境入緬國潞江之西爲龍川江龍川江之源
從喀木所屬春多嶺南流入雲南大塘隘西流爲龍川
江至漢龍關入緬國此諸水在東南大幹之外故皆流
入南海也又雲南邊境有檳榔江者其源發自阿里之
岡底斯東打母朱密巴珀山譯言馬口也有泉流出爲
牙母藏布江從南折東流經藏危地過口噶公噶兒城
傍合噶兒詔母倫江之南流經公布部落地入雲南古
勇州爲檳榔江出鐵坐關入緬國而岡底斯之南有山
名郎干喀巴珀譯言象口也有泉流出入馬品母達賴
腦兒又流入耶噶腦兒兩湖之水西流至桑納地岡底

斯之北有山名僧格喀巴珀譯言獅子口也有泉流出
西行亦至桑納地二水令河南行又折東行至那克拉
蘇母多地與岡底斯西馬珀家喀巴珀山所出之水會
馬珀家喀巴珀者譯言孔雀口也其水南行至那克拉
蘇母多地會東行之水東南流至厄納忒克國爲岡噶
母倫江卽佛家所謂恒河也佛國紀載魏法顯順恒河
入南海至山東之渤海入口應卽此水矣梵書言四大
水出於阿耨達山下有阿耨達池以今考之意卽岡底
斯是唐古忒稱岡底斯者猶言衆山水之根與釋典之
言相合岡底斯之前有二湖連接土人相傳爲西王母

瑤池意卽阿耨達池也又梵書言普陀山有三一在厄
納忒克之正南海中山上有石天宮觀自在菩薩遊舍
是乃眞普陀一在浙江之定海縣海中爲善財第二十
八叅觀音菩薩說法處一在圖白特今番名布達拉山
也亦爲觀音化現之地釋氏之書本自西域故於彼地
山川頗可引爲據也禹貢導黑水至於三危舊注以三
危爲山名而不知其所在朕今始考其實三危者猶中
國之三省也打箭爐之西南達賴喇嘛所屬拉李成之
東南爲喀木地達賴喇嘛所屬爲危地班禪呼圖克圖
所屬爲藏地合三地爲三危耳哈拉烏蘇由其地入海

故曰導黑水至於三危入於南海也至於諸番名號雖
與史傳不同而亦有可據者今之圖白特卽唐之突厥
唐太宗時以公主下降公主供佛像於廟今番人名詔
詔者譯言如來也其地猶有唐時中國載去佛像明成
化中烏斯藏大寶法王來朝辭歸時以半駕鹵簿送之
遣內監護行內監至四川邊境卽不能前進而返留其
儀仗於佛廟至今往來之人多有見之此載於明實錄
者爾等將山川地名詳細改正具奏

世宗憲皇帝

聖諭廣訓序

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝久道化成德洋恩溥仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

開化府誌

卷之十

藝文

七

聖有謨訓明徵定保萬世守之莫能易也朕纘承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提撕謹將

上諭十六條尋繹其義推行其文共得萬言名曰

聖諭廣訓旁徵遠引往復周詳意取顯明語多直樸無非奉先志以啓後人使羣黎百姓家喻而戶曉也願爾兵民人等

仰體

聖祖正德厚生之至意勿視爲條教號令之虛文共勉爲謹

身節用之庶人盡除夫浮薄囂凌之陋習則風俗醇厚
家室和平在朝廷德化樂觀其成爾後嗣子孫竝受其
福積善之家必有餘慶其理豈或爽哉

訓飭總兵官文

國家幅幘廣大凡巖疆重鎮關塞要害之地設立總兵
俾之鎮守上承督臣之節制下樹將弁之表率輯兵安
民厥任綦重居是官者當以寧謐地方爲念嚴飭官兵
巡緝奸宄倘有匪類務必窮盡根株使宵小無從潛匿
良民得以寧居若平時漫無覺察日久必致蔓延綢繆
未雨之謂何哉武臣雖不干民事然保障捍衛責有攸

開化府誌

卷之十

藝文

八

歸守此方當軫念此方之民毋得視之膜外縱兵肆擾
至文武職任雖分盡心王事則一彼此和衷同心共濟
自不致遺誤公事况揆文振武經術同源善於恤兵必
善於愛民尚何至縱兵虐民失國家設兵衛民之意乎
總兵統轄管汛甚多當以訓練爲先嫻騎射整隊伍備
器械限期校閱勤惰嚴分賞罰明而軍政肅隱然一長
城矣所屬將弁兵丁智勇超羣則立登薦剡武藝精熟
則特拔戎行以之鼓勵軍士猶有古良將風焉兵之所
需糧餉最重給糧而扣剋則師旅有枵腹之憂缺兵而
不補則營伍有空虛之患總兵率先潔已嚴飭偏裨毋

得久懸兵缺以恣侵漁毋得尅減額糧以肥囊橐則兵籍無虛士氣益奮有不收臂指之效者乎至於馭兵之道務在寬嚴得中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾土下一心忠義自奮此又在爾鎮臣之善爲運用者也仰惟

皇考垂誠提鎮諸臣有曰鞞鈴宜裕紀律宜明拊循宜至訓練宜精又曰文武輯睦毋相抗衡軍民調劑各得其平煌煌

天語勒於箴規久矣爾等皆係

開化府誌

卷之十

藝文

九

皇考簡昇之人果能實心力行不致始勤終怠上負

聖訓朕心嘉乃成績必懋錫殊典如其徒擁厚祿虛糜爾位既無益於兵民致有乖於令典國法森嚴朕不爾貸也特諭

訓飭知府文

國家親民之官莫先於守令蓋州縣官與民最親而知府又與州縣官最親凡州縣興利除弊之事皆於知府有專責焉是知府一官分寄督撫監司之耳目而爲州牧縣令之表率承流於上宣化於下所係綦重矣漢宣帝有曰太守吏民之本也又曰庶民所以安其田里而

無歎息愁恨之心者政平訟理也與我共此者其惟良二千石乎故兩漢循良稱盛而賢守尤多龔黃召杜諸人大都皆廉潔和平正身率物以與民休養生息史稱其所居民富所去民思此皆彰明較著者也

皇考澄肅官方慎簡僚吏知府中有政績茂異聲名著聞者必加優眷數年之間卽膺殊擢所以鼓勵循良務令羣黎受福爾等蒙

皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉正自持屏絕賄賂則督撫監司必不致

開化府誌

卷之十

藝文

十

肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能却遺金於暮夜又安能禁屬吏之濫征乎盤查倉庫必須覈實不可視爲故事乃或借盤查之名勒索餽遺是因盤查而虧空愈甚爾能時勤勸誡加以體恤則州縣可無虧空之虞能制節謹度淡泊是安則爾亦可免虧空之累勸農課桑以厚風俗禁戢強暴以安良善平情聽斷以清獄訟皆爾職守之當盡者至於督撫舉劾州縣必由爾之詳揭務須秉公持正勿涉偏私若善於逢迎者從而庇護薦拔之而端方恬靜之人反

故爲摧抑下吏皆苟且營私以求悅地方之事尚可問乎居官者每有初入仕途清操自矢漸登華要頓改前心既知砥礪廉隅卽當始終一節更有巧於仕宦者人每謂其名實兼收朕最不解此語夫名者實之華果能潔已愛民奉公盡職此所謂實也治行稱首民歌輿頌此所謂名也實至而名隨之如本立而華茂焉若以弋取虛譽爲名而以封殖多藏爲實此則小人之尤更甚於貪黷彰聞之輩矣朕纘承大統夙夜祇懼惟恐有負皇考付託之重深冀爾等各體此意精白乃心以古循良自勉若徇私納賄不能率屬愛民貽害地方蔑視憲典三

開化府誌

卷之十

藝文

十

尺具在不能爲爾等稍寬也特諭

上諭大學士九卿昨奉使安南之副都御史杭奕祿內閣學士任蘭枝回京復命朕召見之際備問安南地方風土據奏彼處人民蕃庶畜產饒裕朕聞之甚爲欣羨兼以自愧於中蓋安南特海濱一隅之地耳而能如此朕臨御天下中外一家早夜孜孜勵精圖治惟期四海之廣兆民之衆人人各得其所皆俾安居樂業共慶豐盈風俗淳龐家給人足以臻唐虞三代之盛乃宵旰勤求已歷數年而茲心未能如願此所以聞遠邦之風土而愬然抱歉也自古太平邴隆之世必由明良合德君臣

交勉今朕以實心行實政不自暇逸中外諸臣可勿精
白乃心謨猷入告共贊久安長治之盛美乎朕秉性虛
公樂聞善言凡諸臣陳奏之切中事理可以施行者無
不備爲採納實能從善如轉圜乃朕之出於至誠可以
共信者爾諸臣何不各抒其誠以責難陳善爲事君之
正道乎卽如近日勾留各省罪犯關係至重必當揆諸
天理人情以求至當在朕原無成見期與內閣諸臣悉
心酌定乃朕咨訪之時每見學士塞楞額德新回奏尚
有迎合之心塞楞額德新皆係讀書之人豈有人命至
重可以迎合上意而不據理陳奏者乎從來執法之臣

皆秉公持正卽如以鞭扑加人偶然迎合尚且不可而
況勾決之重務乎人臣事君必以至誠感孚稍或有意
迎合其舉動詞氣之間必昭然可見不可掩也至若刑
部爲刑名之總匯所定案件惟在得其至平若有意從
寬與有意加嚴皆爲不可每見刑部於外省督撫所擬
過嚴之處皆卽照議覆奏不行駁正似此則何以持天
下之平乎督撫意見不同或偏於寬則刑部當濟之以
嚴或偏於嚴則刑部當濟之以寬總期於法無枉縱於
理無偏陂而後可也朕惟欲中外諸臣共相黽勉一德
一心贊襄罔斁庶幾海宇乂安民氣和樂朕日夜勤求

治理之意可暢然而大慰矣

上諭雲南等省所有苗蠻獯獷種類甚多殘忍性成逞兇嗜殺剽掠行旅賊害良民又或販賣人口捉當勒贖所以爲內地貧民之害者不可枚舉而衆苗之中又復互相讐殺爭奪不休於其所轄土民則任意傷殘草菅人命此皆天下所共知者自朕卽位以來內外諸臣條奏苗蠻不法者不可勝數而邊省督撫提鎮等又復屢屢陳奏朕念普天率土之民皆吾赤子豈肯令邊省蒼黎獨受苗人之侵擾而苗衆繁多朕亦不忍聽其獨在德化之外是以從封疆大臣之請勦撫兼行而切加訓誨

開化府誌

卷之十

藝文

三

務以化導招徠爲本不可脅以兵威或致多有殺戮屢頒諭旨甚明今幸數年之內苗人陸續歸誠者甚衆將來可望地方寧謐但官弁士卒跋涉於深林密箐之間歷險峻之區染瘴癘之氣而苗性狡獪反覆當用兵之際往往詭詐負隅出其不意以致官兵受傷亦間有之事夫弁兵受國家多年教養之恩雖臨陣捐軀義不避難但以蠢然無知之苗蠻而致損我義勇之士卒若計算得失不足相抵朕心深爲憫惻除已降旨賜恤賞賚外其雲南貴州四川勦撫苗蠻之官弁兵丁從前若有預借銀兩但免其還項陣亡之官弁兵丁著照陣亡例

加倍賞給銀兩俱交與鄂爾泰岳鍾琪各於所屬額兵查明動支公帑遵旨賞賜務俾均霑實惠以副朕優卹弁兵之至意

今上皇帝

上論文以載道與政治相通故二帝三王之盛在廷敷奏及宣諭衆庶之言皆爲謨爲誥炳著六經西漢治猶近古人心淳樸故見於文者原本經術指事類情質實曉暢猶有周人之遺降及魏晉以文滅質漸就浮靡六朝猶甚姿態益工意格益陋文運所關非淺鮮也朕思學者修辭立誠言期有物必理爲布帛菽粟之理文爲布

開化府誌

卷之十

藝文

十四

帛菽粟之文而後可行世垂久若夫雕文選詞以炫一時之耳目譬猶搏土揭木塗飾丹鉛以爲器物外雖可觀不移時而剝落曷足貴耶國家累洽重熙之日務學積文者正宜沐浴教化爭自濯磨漸進於大雅勿尙浮靡勿取姿媚斯於人心風俗有所裨益至於古人臨文原無避諱誠以言取足志一存避諱之心則必輾轉囁嚅詞不達意嗣後一切章疏以及考試詩文務期各展心思獨抒杼軸從前避諱之習一概掃除尤宜禁者鄉會兩試考官每因避忌字樣必摘取經書中吉祥之語爲題遂使士子易爲揣摩倩人代作臨場抄寫以致薄

植之少年得以倖取科名而積學之老生無由展抒底蘊嗣後凡考試命題不得過於拘泥俾士子殫思用意各出手眼以覘實學特論

上諭士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士之所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以

詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士者固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己

則所讀之書一一有益於身心而日用事物之間存養
省察闡然自修世俗之紛華靡麗無足動念何患詞章
聲譽之能奪志哉况卽爲科舉亦無碍於聖賢之學朱
子云非是科舉累人人累科舉若高見遠識之士讀聖
賢之書據吾所見爲文以應之得失置之度外雖日日
應舉亦不累也居今之世雖孔子復生也不免應舉然
豈能累孔子耶朱子此言卽是科舉中爲已之學誠能
爲已則四書五經皆聖賢之精蘊體而行之爲聖賢而
有餘不能爲已則雖舉經義治事而督課之亦糟粕陳
言無裨實用浮僞與時文等耳故學者莫先於辯志志
於爲已者聖賢之徒也志於科名者世俗之陋也國家
養育人材將用以致君澤民治國平天下而囿於積習
不能奮然求至於聖賢豈不謬哉朕膺君師之任有厚
望於諸生適讀朱子書見其言切中士習流弊故親切
爲諸生言之俾司教者知所以教而學者知所以學

御製程明道告神宗當防未萌之欲論

舜之告禹曰人心惟危道心惟微夫人心者至難防遏
而易蠱人之聰明濁人之志氣故大舜首以告禹禹聖
人也而舜猶戒之如此蓋謂不必見之於行事不必託
之於語言畧有所動卽私心之萌也不謹防之於始可

乎明道先生以當防未萌之欲告神宗誠大儒格心之至要也蓋天理人欲二者不可竝存於念慮之間如水炭之不相容薰蕕之不相入不入於此必入於彼人或以爲畧有其幾未至已甚而不防之於漸則天理從此泯而人欲從此熾矣是故微有貪聲悅色之意也則吾以爲聲色之私動而致力以防之微有愛珍奇欲富厚之念也則吾以爲貨利之私動而勉力以絕之微有不樂親正人不樂聞正言之心也則以爲驕心之萌也而遏之惟恐不至微有宮室服玩之好也則以爲侈心之萌也而杜之惟恐不嚴夫如是則何私心之不滅欲念

開化府誌

卷之十

藝文

七

之不泯哉易曰履霜堅冰至解之者曰霜陰氣所結盛則水凍而爲冰此爻陰始生於下其端甚微而其勢必盛故其象如履霜則知堅冰之將至也夫欲念亦如霜之始結也不防之於未萌則必私欲大熾而有堅冰之禍矣神宗之行新法蓋萌於欲富強好大喜功之心而安石有以中之之也使能體程子之言以誠正爲心而用其道以輔成其大有爲之志則治功所就豈難遠過於仁英哉

唐明皇勅安南首領歸州刺史爨仁哲書

勅安南首領歸州刺史爨仁哲潘州刺史潘明威獠子首

領阿廸和蠻大鬼主孟谷悞姚州首領左威衛將軍爨彥
徵將軍昆州刺史爨歸王南寧州司馬威州刺史都大鬼
主爨崇道昇麻縣令孟聘卿等雖在僻遠各有部落俱屬
國家竝識王化比者時有背叛似是生梗及其審察亦有
事由成都府不平處置有失或朋讐相嫌經營損害旣無
控告自不安寧兵戈相防亦不足深怪也然則旣漸風化
亦當變俗有須陳請何不奏聞番中事宜可具言也今故
遣掖庭令安道詣彼宣問竝令口具有不穩便可一一奏
聞秋中已涼卿及百姓以下竝平安好遣書指不多及

明太祖諭征南將軍穎川侯永昌侯西平侯勅

開化府誌

卷之十

又

六

舊歲命爾等率甲士三十二萬三萬夷兵臨普定如風行
草上所以去後還致有小疵及至八雲南之域擒首帥於
曲靖之西敗烏蠻於可渡之北席捲豪英長驅於碧雞金
馬來云已駐牂牁未幾捷音摧堅敵於點蒼山下而撫金
沙邏邏心悅者其金齒不戰而率土以歸於是雕題之蠻
聞知卽遣使入貢以再而獻生口檄從百夷之種威來八
百之邦將軍其勞至矣然功竝亘古勳著彤庭英風遍播
於中外丈夫至是豈不以顯父母揚名者耶今也勤勞旣
多欲勞以酒用奈山川嶮遠速不及赴特以朕心勞之故
茲勅諭

奏疏

請略定南寧州疏

隋益州總管 梁 睿 安定

遠撫長駕王者令圖易俗移風有國恆典南寧州漢牂牁地近代分置四郡戶口殷衆金寶富饒二河有駿馬明珠益寧出鹽井犀角晉太始間以益州曠遠分置寧州至僞梁南寧刺史徐文盛被湘東徵赴荊州屬東夏尙阻未遑遠略土民爨瓚遂竊據一方國家遙授刺史其子震相承至今臣禮多虧貢賦不入每年貢獻不過數馬其處去益路止一千朱提北與戎州接界彼人苦其苛政思被皇風伏惟大丞相匡贊聖朝寧濟區宇闢土服遠今正其時幸開化府誌

卷之十

藝文

九

因平蜀士衆不煩重興師旅押獠旣訖請略定南寧自盧戎以來軍糧須給過此卽於蠻夷徵稅以供兵馬其寧州朱提雲南西爨竝置總管州鎮計彼熟蠻租調足供城防倉儲以靖肅蠻夷裨益軍國今謹建南寧州郡縣及事意如別有大都督杜神敬昔曾使彼具所諳練今并送往

請蠲貢金疏

巡撫 沈儆 歸安

臣奉命撫滇數月以來日孳孳焉惟弭盜安民是急顧四郊多壘大盜縱橫征剿之文與招撫之檄交發互馳筆幾爲禿而反側難馴期以弭盜而盜未必弭也戒諭有司釐剔弊蠹蕩滌滌煩苛念念思與民更始而天災流行霖雨爲

虞登城一望四野沮洳期以安民而民未必安也盜未弭則添兵添餉勢不能免民未安則焚林竭澤困不能支況可以遼餉故有每畝九釐之加派耶滇土府土州土縣壤地千里小者數百里所輸僅差發銀二三十兩多者五十兩或百兩而止其流官州縣得數百金遂了一州一縣之額若歲入有一二千金者便以名城鉅邑稱矣譬之一貧家析薪數米常懼不能糊其口一羸夫朝饔夕殮常懼不能必其命今欲少留涓滴以活滇人之命則惟有請蠲貢金一節而已夫皇上取金於滇豈以金爲滇之所產耶不知商民裹糧重繭遠覓之秦隴近覓之巴蜀甚有至京而開化府誌

卷之十

藝文

十

景金價決無所出來歲貢金決不能辦臣惟有與地方諸臣席藁以待斧鉞爾已

自貢金增後首尾三十餘年兩臺爲百姓請命連篇累牘一切不報最後得此疏乃奉德音裁舊額之溢與民更始公回天之力雖會時之可爲而滇人竝受其福良非偶然今錄於志以識盛事劉文徵識

請滇路粵蜀竝開疏

巡撫 閔洪學 烏程

臣戒裝於武林聞黔警隨具通粵一疏齋沐拜發一面兼程馳至湘潭滇役自粵來者言富州廣南之間炎瘴正熾必霜降後可行不得已同新按臣暫駐兼臣前疏恭候廟裁久之不得部覆疑是僻縣抄傳遲漏之故乃煌煌君命致久宿於草莽臣之寸衷萬萬不敢卽安以九月初自衡

開化府誌

卷之十

藝文

三

永折而之粵經桂平蒼梧溯潯江而上以十月十八日抵南寧而臣之滯於道塗旣八閱月矣自此以進再十日可自養利入龍英土界再四十餘日可脫廣南而出臨安臨安望省城五百里而近臣之受事殆有期也土司一帶不獨攀葛懸崖之艱觸瘴衝嵐之苦與夫裹糗露宿飲食啓處之大不堪已也褻漢官之威儀而損朝命之靈重履虎探穴輕以身試不測之淵中間關係實在國體臣念之凜凜亦旣幾經躊躇而竟出於此直無如封疆之不可棄畏此簡書何耳雖然臣入矣全滇各員以千百數今而後復有踵臣而問途者乎今日之滇如在井底人之脫離慶若

更生其視人之也殆甚於從井自黔警以來數聞出滇者矣未見有捧檄而入者也而况行道之奇難加諸部議之未決人觀望次且何憚而不裹足恐臣等雖入而路終於未通各官終於不來此垂危垂絕之孤滇必非臣一手一足之所克撐終於不可爲也或謂粵之外尚有蜀會川一徑不知蜀之有徑何妨兩存今寓內各省靡不四通八達滇之受病正以靠黔一綫至此爲窮蹙耳且臣於粵蜀籌之至熟彼此得失亦略相當自金沙趨建昌計程半月可達誠不若粵土司界中逾數旬之逶遲然蜀止會川一隙而粵田州歸順泗城安隆在在可走蜀之東川方煽逆弄開化府誌

卷之十

藝文

三

戈而粵諸酋素號恭順卽撫臣何士晉止慮一田州近語臣已俛首就戎索是粵之與蜀各有利害各有難易其交難專倚政其不容偏廢者矣以蜀言之建昌會川之間營哨旗列特向非通塗或名存實亡夫馬廩糧多所缺略今亡者應議修復缺者應議添加若會川以南數站原無營哨則煩從新規畫俟臣履任會蜀委官相度隨宜措置應自非難乃盜賊出沒須於要害設兵置防必我兵力足制賊死命庶以備非常而護行李克稱周行也至粵中所疑不過謂土酋不欲我據其腹心我於其地張官置吏召夫養馬非所安耳今但於所經應泊去處量建公所卽募土

人看守我往來其間過而不著不異遠廬而又徒御供億一切自備秋毫於彼無涉彼又何嫌何難而不帖以相從通行之後商賈熙熙攘攘彼更從而利之矣此路在滇界十之七八在粵止二三於滇無關於粵亦可行也惟滇行粵中粵費出額外不容不協濟而數未易酌今議該省驛傳道特置滇差簿用印鈐記分發州邑各一本必真正勘合火牌方准應付登註不得徇情濫應歲終道核而彙其數而滇償之滇輪蹄止有此數兩路分行所協濟於粵應不多金也臣與粵撫一一從長面相商確別無窒礙建昌雖臣撫屬兼轄事干創始須蜀爲政伏乞皇上俯允臣議開化府誌

卷之十

藝文

三

勅下兵部行二省各該撫按刻期料理共期爲滇造命俾滇無路而有路庶朝廷無滇而有滇矣抑臣更有請焉滇去長安萬里雜職小吏除滇缺者例給以火牌脚力蓋恤其遠也至長吏以上則否今粵蜀新闢險遠艱危殆什百於昔矣夫必長僱馬必買喂其費不貲彼寒儒筮仕何從辦此就雞肋之難拋苦資斧之未措倚道傍徨廢然而返緊豈無人情固可念倘皇上加惠遠疆曲憐遠吏特勅該部於新選滇中郡邑等官量給應付使稍省內地之資糧用充新路之脚價是亦爲入滇者勸駕而通路之當併及者也

酌定全滇營制疏

總督 蔡毓榮 奏

滇省東接東川西連猛緬北距蒙番南達安南四圍邊險而中間百蠻錯處如猓獮棘民野苗等種類繁多最爲叵測故無在非險要之地無地不需控馭之兵_臣等量地設防從長佈置務使無事分扼要害有事倚角相援然後可經久而無患如迤西舊設三鎮內鶴麗一鎮逼臨西域控制金江獨當一面自應復設仍駐鶴慶永順一鎮守在天末地交緬甸并屬要區自應復設仍駐永昌查永順鎮兼轄之騰越一協順雲城守一營今遵部議復設無庸更議鶴麗鎮江

開化府誌

卷之十

藝文

十四

汎綿邈緊隘甚多設兵二千四百僅足濱江守禦二郡彈壓其他要汎勢難兼顧查劍川州逼近石鼓一帶地方界接蒙番爲迤西藩籬要地應設協守副將一員守備一員千把總六員兵一千名駐劄劍川聽鶴麗鎮兼轄扼迤西之門戶壯鶴麗之聲援所最急也永北一鎮原由楚姚蒙景改爲鶴麗永北旣又由鶴麗分爲永北彼時楚雄設有援剿前鎮洱海設有援剿後鎮故永北鎮與北勝協同駐州城今援剿鎮營旣裁則楚雄乃迤西九府咽喉且左有蒙化景東右有姚安接通建會而楚屬南安等處又係野賊剽

劫之鄉誠爲喫緊應以永北鎮改爲楚姚蒙景鎮移
駐楚雄控制姚安景東蒙化以北勝協改爲永北協
仍駐北勝州控制永寧土府并歸鶴麗鎮兼轄以一
邊汎之事權而資環江之調度其洱海當迤西孔道
楚姚蒙景鎮統轄四府鞭長不及若非另設官兵則
一路塘汎虛懸而地方廣野無備應設叅將一員守
備一員千把總六員兵一千名駐劄洱海聽楚姚蒙
景鎮兼轄爲表裏之捍禦通內外之呼吸又最急也
迤東舊設四鎮內開化一鎮向以羈縻之域改爲節
制之區叢山深箐接通交阻最稱邊隘亟賴重兵自

開化府誌

卷之十

藝文

三

應復設仍駐開化臨元澂江一鎮當四達之要會控
三府之遐陬苗蠻錯雜難防野賊出沒爲患自應復
設仍駐臨安查開化鎮向無兼轄協營臨元澂江鎮
兼轄之元江一協新習守備一營今遵部議復設無
庸更議曲尋武霑一鎮向駐尋甸控制曲武二府霑
益一州復因汎廣隘多土司黠悍故武定仍設援剿
左鎮曲靖仍設援剿右鎮今旣奉裁則曲靖乃黔楚
通衢滇中東北門戶應將曲尋武霑鎮移駐曲靖但
自曲至尋一路險僻自易隆抵普安衛數站要衝而
尋城密邇東川有樹撒秧田功山矣吳打烏等十數

隘口俱關利害雖有兼轄之尋霑遊擊一營而霑汎荒廣猶苦兵單計合鎮營之兵不能兼顧武定查武定接通建會有他頗普度撒馬等隘而祿勸則連撒甸裸羅元謀則通金江有矣資等隘亟須守險且武汎上至祿豐接楚雄之塘下至安寧接雲南城守之塘若不另設官兵何以分汎應亟設叅將一員守備一員千把總六員兵一千名駐劄武定并聽曲尋武霑鎮兼轄謹東北之藩籬爲曲尋之指臂又最急也廣羅一鎮原駐羅平控制廣西廣南均屬要地但前六鎮旣已難裁故臣等於無可裁之中仰遵 廷議

酌量裁此一鎮惟是各鎮勢難兼併而一州二府未便聽其甌脫且羅平路通黔粵汎接安籠四境遼闊彌勒十八寨爲土夷之藪時有跳梁應改設協守副將一員守備一員千把總六員兵一千二百名仍駐羅平兼控廣西其廣南瘴癘之區直接泗城思恩等處而皈朝皈順富州一帶儂人野類叛服不常且由皈朝以達架村直通交趾協兵未能兼制應設遊擊一員守備一員千把總六員兵八百名駐劄廣南聽羅平協兼轄此又視鎮兵較減而於各地必需者也以上除六鎮暨原設協營之外凡應改設增設官兵

皆臣等身在地方審量形勢萬難缺少使其間稍有可輕可緩之處又何敢糜有用之餉妄置無益之兵且雖有增設之名而較之滇省舊日官兵已多減省亟請

皇上俯鑒邊圉初復非比腹地承平既久可以輕議裁兵之時務期佈置萬全

特允臣等所請早定經制於以建威消萌久安長治無難矣

進呈編輯全書疏

巡撫石琳奉天

臣看得全書上關

開化府誌

卷之十

藝文

三

國課下係民生奉

旨令詳察細閱有無應行更改增刪明白確議具奏仰見我

皇上愛民爲念四海爲家誠恐沿習既久有不便於民之處更改增刪爲萬世不易之章程也臣安敢不兢兢矢慎以仰副

宸衷惟是滇南僻處邊陲禹貢列諸要荒之服宋祖棄諸玉斧之外我

朝定鼎無遠弗屆自順治十七年歸入版籍其賦役大概準諸明朝之制而因襲之後因吳逆鎮滇剛復自

用擁兵加賦以致民不堪命今幸

聖政維新重觀天日臣接部咨行司道府會議前來臣又

採訪輿情考稽舊籍其亟應議減刪除者有八焉一
全滇屯官田畝之糧過重宜減也按明初沐氏鎮滇
置設衛所將三分軍爲差操七分軍爲屯田卽徵租
以養軍又有名爲官田者給指揮等官爲俸食聽其
招佃收租計官屯田地每畝科租自二斗至四五斗
不等較民賦之每畝三四合至五六七八升不等者
則十數倍矣蓋當年以軍養軍原非上倉糧米猶之
佃民之納租於田主也迨我

開化府誌

卷之十

藝文

天

朝開滇以來兵威震疊將明時指揮等官裁爲廢弁軍
餘改爲編民其時吳逆暗握邊權按昔日之租額改
爲正供之糧額相沿至今積逋愈多每年業將未完
分數職名疊次冊報

題叅降革罰俸勒限嚴催在案計自康熙二十一年起
至二十六年止新舊帶徵共計未完丁折銀六萬二
千九百八十餘兩未完米麥穀豆一十三萬四千五
百七十餘石差檄交催法盡計窮究竟完報無幾豈
真官吏罷玩軍餘抗逋者乎總緣屯官田地與民田
接壤相攙其地利高下天時雨澤人力播種事勢皆

同而糧賦輕重各異况雲南原係山土瘠薄之區刀耕火種之地較之蘇松膏腴田地所稱財賦半天下者額重亦不至此大爲官民交困今議將新舊裁併屯賦錢糧除草場地租馬場人丁學租照舊徵收外其實在田地照分歸州縣民賦上則例起科計實徵銀一萬九千四百九十三兩零正耗米二萬三千七百二十一石零正耗麥三千四百一十六石零於全書內更改者也一黑白二井鹽課過重宜減也查全滇鹽政考內鹽井有九除阿陋等六井年該課銀一萬六百四十九兩三錢六分井小課少辦納猶易不

議外查明時黑井額課二萬六千六百餘兩白井一萬五百餘兩琅井二千四百餘兩此辦課之舊額也自投誠僞總兵官史文開報黑井課銀九萬六千兩每觔徵銀一分六釐白井課銀二萬八千五百六十兩每觔徵銀八釐琅井課銀九千六百兩每觔徵銀六釐此係明末亂時額外橫加較原額不啻數倍矣滇之竈戶從井汲滷始方鍋煎其柴薪背負肩挑人力工本所費旣繁又復加以重課則竈困矣行鹽之商率皆朝謀暮食之人非若淮浙巨商挾重貲而行運也且駝運於崇山峻嶺脚價倍費豈能搨本而賤

賣則鹽價貴而夷獫遂有經時不知鹽味者矣卽如浙鹽課價上則每觔不及二釐下則不及釐許又如附近之川鹽每觔只完稅六毫八絲同一鹽課何與滇省之課輕重懸殊若此也又查山東福建四川貴州廣西等省雖省分大小不同鹽課多寡不一而滇省僻處天末環夷褊小之區不惟不能與小省之課同例而且倍多於大省此滇民之甘心食淡地方官之不能督銷者職此故也今議以黑白二井照琅井每觔六釐之例黑井除減川額外歲徵銀三萬三千八百四十兩白井徵銀二萬一千四百二十兩琅井

開化府誌

卷之十

藝文

三

徵銀九千六百兩并阿陋等六井徵銀一萬六百四十九兩三錢六分共課銀七萬五千五百九兩三錢六分遇閏加銀六千二百九十二兩四錢四分零於全書內更定者也一開化府之加糧過重宜減也按開化僻處萬山界連交岡獫夷環雜向隸臨安府轄九土司中之王弄安南教化三長官司地也明時分隸蒙自阿迷師宗維摩等州縣於康熙四年土酋王朔等作叛吳逆勦平編爲八里委署臨安知府曹得爵勘丈額田七百五十九頃三十五畝六分零不照民田科則每畝科米一斗六升三合共科正耗米一

萬二千八百石四斗五升三合零載入全書查通省民糧惟河陽縣上則田每畝徵米八升一合零爲滇省最重糧額矣今開化比河陽又加一倍昔年未設府以前在蒙自等州縣每畝不過二三升及改府之後驟加如許同是此項田地不過改州隸府何致今昔懸殊夷民苦累今議將開化府錢糧除人丁條編差發課程商稅等銀照舊徵收外其原額田酌量改照河陽縣之例共徵本米六千二百一十三石八斗一升二合一勺九抄每石仍帶耗三升於全書內更改者也一元江府新增糧米過浮宜減也按元江舊

置土府地處極邊四面環夷種類迥別地皆崎嶇山谷田畝免丈每年認辦米一千九百三十石二斗一升零地畝銀二百二十兩一錢九分零附額徵花斑竹差發二項共銀六百二十一兩一錢七分零商稅銀三十五兩二錢自改建流府編爲六里其時官兵駐防糧運不繼吳逆遂令暫爲設法於額糧之外新增米四千七十石二斗一升零田錢地講銀五千五十三兩二錢三分陸釐茶商稅銀一千六十四兩八錢普洱無耗秋米一千八十四石浪媽等六寨地租銀二百八十五兩查元江屢遭殘破之後斃斃子遺

何能辦納驟加數倍之糧遂致荒殘愈甚今議將該
府夷糧除原額銀米商稅照舊徵解外其新增銀米
各減一半實徵新增并原額米共四千五百六十五
石二斗二升零地講浪媽并原額差發等銀共四千
六百一十兩四錢九分零於全書內改正者也一通
海縣夷糧及南安州附徵裁併礪嘉縣條編宜減也
查通海縣六寨田地五十七頃七十二畝零額徵糧
一百六石五斗九升三合每石科銀三兩七錢六分
有零較該縣民賦實重二倍夷民困苦難堪今照議
新定民例科則實徵銀一百一十二兩六錢二分零

米八十三石二斗九升零麥二十三石三斗零以昭
畫一礪嘉縣原額田四十八頃八十八畝三分零共
徵秋糧一百三石五斗六升四合零每石編銀四兩
二錢四分零共徵銀四百三十九兩三錢九分零較
全滇之額固屬偏重今既歸南安州附徵應將礪嘉
縣條糧照該州每糧一石編銀一兩四分零之例實
徵條銀一百七兩六錢七分零米一百三石五斗六
升四合零均應於全書內刪改者也一麗江土府失
額銀米宜免也查麗江界連吐番古稱荒服原額米
七百七十四石一斗三升零麥一千六百三十九石

五斗六升零地畝銀二百七十五兩三錢五分零外
認納條編銀五百三十兩一錢後因蒙番出犯將該
府所轄金沙江外中甸地方侵佔其中甸等處額徵
米一百四石六斗八升零麥四百五十八石五斗一
升零已於康熙十年

題豁免徵迨吳逆反叛又將金沙江以內喇普地方割
送蒙番該秋糧二百石編銀六十六兩四錢三分久
經無徵該土官賠補將來賠累無窮且未便將無地
之糧仍載全書况中甸業經免徵則喇普亦應援免
今議應於全書內刪除者也一建水州無藝之徵宜

革除也查明時設臨元叅將一員將日用等物派諸
夷民計歲派村寨年例銀九十二兩及子花檳榔核
桃松子木耳乾笋麻子油月柴每年變時價銀二百
三十四兩四錢一分零又派馬料八十石一斗零糕
糧二石原非正供錢糧實係私派橫徵因吳逆搜查
投誠知府范應旭呈報邀功遂編入額豈可因仍陋
弊今議應於全書內刪豁禁革者也一無徵之場課
宜豁也查新平縣明直銀場易門縣老場銅廠自明
至今開採年久今苗斷礦絕商匠逃散課稅無徵官
民賠累不堪經臣援

詔具

題部議未允但礦廠非同田地有耕有穫錢糧易辦此乃全憑造化有無難必今既硃老山空而課稅不免節年俱係各官捐賠但年復一年焉知派累小民豈可以賠補之項刊載全書今議將新平之明直場課銀三百三十兩九錢六分遇閏加銀二十七兩五錢八分易門之銅課銀二兩老場爐課銀二十一兩六錢一併於全書內除免者也以上各款如屯賦之太重乃明時之相沿但時異勢殊軍旣爲民衛所旣併州縣而壓欠歲積官民交累又加鹽課之過重商

開化府誌

卷之十

藝文

三

竈困於徵輸夷民苦於淡食又如開化之加糧元江之新增乃吳逆邀功橫徵麗江之喇普失額銀米係吳逆割送蒙番以及建水之私派亦係吳逆搜查貽累通海南安二州縣之重糧又新平易門之明直老場荒廢賠課今當更造全書

聖諭諄諄惟恐一夫不獲其所此正邊境黎民猶解倒懸之日也臣遵

旨會同經管錢糧諸臣再四叅酌敬陳各條恭候

聖裁以垂永久再照石羊等廠歲有額課但苗礦之有無難期永遠今雖造報似未應刊入全書仍照舊每年

將抽獲之課造冊報銷可也

和碩怡親王等奏疏

安南國王黎維禔奏本感

恩悔過情詞恭順其定界之處已敬謹踴躍遵奉

聖旨仰見我

皇上威德宏敷遠藩向化而其中情節更早在

聖明洞鑒之中臣等不勝欽服懽忭謹遵

旨擬寫

勅諭與安南國王賞以四十里之地伏候

皇上訓示_臣等愚見從前既差大臣二員前往安南料彼

開化府誌

卷之十

藝文

三

國早已聞知今若中止恐外國不免疑懼况蒙

皇上格外隆恩賞賜地土似應仍令杭奕祿任蘭枝賚往

彼國宣諭

聖意彼必倍加歡慶至所領

勅諭應令兵部差人賚付杭奕祿等庶免中途擔誤恭候

命下_臣等馳信雲南廣西與鄂爾泰杭奕祿等知之

安南國王黎維禔謝

恩奏疏

奏爲俯敘悃忱仰祈

旨照事雍正五年十一月初六日奉總督雲貴委差魏干

勅諭交與臣飭委差員目阮仲意等接領十二月初二日

賚回到臣臣望

闕遙拜焚香盥讀再三披閱喜懼交并臣謹披瀝赤誠備

敘巔末仰

日月垂照俯鑒微衷臣竊照臣國渭川州與開化府接壤

原來以賭咒河為界即馬白汛下之小河正如前督

臣查冊諸汛防所共稱也臣國邊日世遵守土臣先

祖父及臣罔知侵佔內地為何等事且

朝廷初清疆界於臣未奉

開化府志

卷之十

藝文

美

詔書是以臣備因陳

奏欽奉

勅諭令撤回斜路村等處人員別議立界之地仰蒙

天日旁照欣幸無涯繼奉

勅諭定於鉛廠山小河立界諭臣勿恃優待之恩懷無厭

之望自干國典臣咫尺

天恩彌深木谷臣仍虔具奏章備陳情愫冀以自明投於

兩廣雲貴總督求為

題達詎意竝見發還臣惟戰戰兢兢恭恪以俟目今鉛

廠山界址即斜路村之地去年未奉

勅諭之前廣南知府潘先已到此關門設矣房屋築矣界
牌豎矣防汎置矣臣國邊目土日遵臣嚴飭帖然拱
咱臣亦何嘗敢有越違也臣竭誠累世向化

聖明蒙

聖祖仁皇帝柔懷安勸六十餘年今逢

皇帝陛下新膺景命如日方升臣遙宅龍編阻趨螭陛欽

蒙

天恩優渥曠典覃施揣分奚堪喜逾望外臣非木石豈
不自知但愧遐踪無階報達且薄海敷天莫非臣土
矧此四十里地何敢介意於其間而有所缺望也今

開化府誌

卷之十

藝文

三

奉

綸音曉諭誠切真

天覆地載之為心春育海涵之為量臣感戴

聖恩不勝欣躍歡忭之至惟願萬方拱命

聖壽無疆

聖朝千萬年太平臣國千萬年奉貢今臣謹具奏

聞

請減屯糧疏

巡撫

石文晟

奉天

為密陳屯糧之重仰祈

睿裁以廣

皇仁事竊惟經國必先裕課體野端在足民故正賦自貴
充積而民瘼亦當痾瘵臣本庸陋世受

國恩蒙

皇上曠典以郡守末吏不次優陞

特簡滇撫叨此邊疆重任敢不竭盡駑鈍以報

高厚故自蒞任以來諮詢地方利弊體察吏治民生其間
之生聚殷繁安藝樂業熙熙皞皞如入時雍之世此
皆

皇上聖德滂流所致惟是猶有重困於民者不敢不以上
聞也查滇省屯政因明初沐英世鎮雲南將帶來官

開化府誌

卷之十

藝文

三

兵分作十分以三分差操七分屯糧卽以七分屯糧
之租養三分操軍此卽古之寓兵於農原非上倉糧
米可比迨我

朝定鼎順治十五年闢滇吳三桂遂將昔日之租改爲
額徵之賦及後變亂之時罔恤民艱任意坐派使各
軍紛紛逃散因而遺累存下典鬻賠納苦難殫述幸
賴

皇上天威殄逆民得以安但浮糧過重仍困輸將計恢復
之後自康熙二十一年至二十七年屯銀米穀等項
歷年拖欠此非軍戶敢於頑抗亦非各官不善催

總因糧額太重血比難完業於康熙二十八年內經前督臣范承勳署巡撫時特疏題請分年帶徵隨蒙皇恩特頒

上諭朕念雲南百姓前曾供億王師繼又遷移叛屬家口運送勞瘁本年正賦輸將尚屬艱難復令帶徵逋租必致益滋困累酌將歷年所欠屯賦七萬一千二百餘兩米麥等項十萬七百餘石盡行蠲免以示朕軫念民生至意欽遵在案則彼時題請帶徵早蒙

皇上睿鑒中矣况各衛所久經裁歸有司是在前日猶存軍戶之名在今日則無軍民之別一切徭役自應一

開化府誌

卷之十

藝文

三

視同仁乃查通省民賦上則田糧最重者莫如河陽縣每畝八升一合八勺三抄其餘五六升以至四五合而止上則地稅最重者亦莫如河陽縣每畝五升九合二勺一抄其餘三四升以至三四合而止及查屯田每畝則有七斗二升六斗八升五斗六升至四斗五六升不等屯地每畝亦有三斗八升至一斗五六升不等夫軍民田地阡陌相連肥磽相若天時人事耕鑿播種亦無不同何至輕之屯額比至重之民賦尙有四五倍之數若較輕額則屯賦之與民賦竟有十倍之重所以屯軍終歲勤動所收之穀不遑贍

顧父母妻子惟事納糧而究竟不能以一畝之出全完一畝之額數康熙二十八年臣叔石琳撫滇時曾於奉

旨編輯全書案內將此屯糧重因敘入瀝陳未經部覆而以後督撫臣未敢復請者蓋以國用浩繁豈容遽議輕徭况各省屯糧皆重尤不便獨爲請減是以前撫臣王繼文不得已於康熙二十九年有屯荒減則貼墾之請也但浙江等省屯軍現今領運且有船隻行月漕截等項給贍滇省屯軍則無此項贍養兼之衛所旣裁軍卽是民則與別省迥異况此軍係沐氏帶

開化府誌

卷之十

藝文

罕

來官兵竝非發遣有罪之軍所納正供似應與民一體矜恤臣於康熙二十二年守開化時早已深悉今撫茲土見烟竈相連林林總總生聚實繁大非昔日氣象此雖邇年以來前督撫臣撫綏之功實沐

皇上柔遠洪恩所致惟此一項因吳逆作亂時各軍多半逃竄殲逆之後前此逃丁或遭兵火或戀他鄉間未回里以致遺糧賠累本以最重之糧又復包賠逃戶日復一日重復更重故於康熙二十八年以來歲歲不清每遇奏期各官俱愛功名竭蹶借墊者有之以欠捏完者有之遇一陞遷事故便束手無策百計哀

求逢人募助洵不可悉數也臣自入境以來目覩荒蕪田地甚多百姓甚衆及抵任後披閱各屬詳驗報墾無幾隨行飭催旋據百姓紛紛具呈熟糧額重無力開墾懇請題減復批司道查詳所議僉同總欲爲民請命臣思減賦薄稅非臣子所敢輕議祇因多寡之數甚是不侔苦樂之形異常各別若不據實上達負百姓卽負我

皇上矣况滇省僻處遐荒係外域觀瞻之地不得不冒昧陳請如荷

聖鑒將此屯糧悉照河陽縣則例起科則不特現在軍餘

開化府誌

卷之十

藝文

三

易於輸納卽未墾荒產臣自鼓勵各地方官加意勸墾亦無有不躍躍樂墾者也仍將墾過數目隨卽具報按年科徵是減賦於今日安知不增賦於將來也理合恭疏

題請

安南國訂期立界文

天冠地履爲上下之常經君令臣共乃乾坤之大義誠奉

君命而不違自識天顏之有喜宜乎恩綸之下逮而慶賞之必行也前據本國於雍正五年十二月初二日恭

迎

勅諭隨具奏章用申感謝之忱備極恪恭之意貴部院展閱來柬知情詞懇切卽爲馳達

天聽上洽

聖心甚爲嘉悅念本國旣能感恩悔過踴躍欽從著將四十里地仍行錫齎

特簡大臣都察院副都御史杭奕祿內閣學士兼禮部侍郎任蘭枝齎捧

勅諭由粵省前來本國可卽委大員抵關敬謹迎導再一面委大員赴開化受地并同滇省委員將分界之處

開化府誌

卷之十

藝文

三

逐一勘清畫定界限以便設關立碑俾本國永遠世守等情本國感戴

天恩喜逾望外此蓋

聖天子威怛八紘惠懷萬國包含徧覆一視同仁亦由貴臺爲之奏陳以嘉惠下國公文到日隨卽委差員目范謙益范廷鏡丁文貢阮有用裴似暹馮伯奇等迎接

天使并委阮輝閏阮公案等受地併同委員定界事屬歡慶理合亟行第今溽暑薰灼蠻烟瘴雨跋涉最難懇待初秋灑氣晴明瘴嵐消霽一面往諒山界首迎接

大人龍節於七月中旬起程約八月上旬抵關一面
往宣光界首領地併候上憲委員亦於七月中旬起
程約八月中旬抵界爲此具繇明覆希惟照詳事理
早賜回音訂指

天使臨開日期併委員臨界日子俾本國得以欽遵奉行
記

修建文山書院記

知縣 徐本僊 蕪縣舉人

取諸賁而得文之原取諸大畜而知山之用邑之以
文山名也詎淺鮮耶賁之象曰文明以止人文也明
者文止者山火發土凝日華嶽麗文在山也大畜之

開化府誌

卷之十

藝文

三

象曰君子以剛健篤實輝光日新其德篤實者山輝
光者文納懸象於安敦山而文也顧茲名焉烏可以
無學乎且夫茲地之昉於洪荒者越數千年隸版圖
僅七十餘載初顏其郡曰開化有開必先臣我多遜
謹厥始歟今復加以縣治命曰文山聲教暨訖華實
兼綜成厥中要厥終歟顧茲名焉烏可以無學乎記
曰古之教者家有塾黨有庠州有序國有學七年小
成九年大成夫然後足以化民成俗近者悅服而遠
者懷之邑初設余首肩其任循名責實捐資百五十
兩置義館六椽學田一所師課蒙習以企絃歌之十

一至乃於學也闢而修之於田也增而廣之是在後之同志者縣治之設也在雍正八年春三省制軍少保鄂公之請也文山之名我

皇上實命之縣令小臣徐本僊僊楚中人家於黃州之蘄水縣始任茲地以雍正八年五月念四日設學在雍正九年夏五月

鼎建文廟碑記

同知 柯鄧枚

學宮乃教化從出之地宜輝煌輪奐壁水環虹妥聖靈而昭文德凡臨民者之急務也但開郡初開彝疆經綸草昧諸政率由簡畧宮牆孰遑顧問前守劉公

開化府誌

卷之十

藝文

四

先勞是舉卜勝東郭豎正殿三楹雖土堦茅茨聊蔽風雨然庠序之設肇於此矣迨我糧憲張公前守開陽百廢俱興首詢學宮捐資庀材委屬勞經倅徐教授董其任別駕唐公統其責建櫺星門蓋東西廡崔巍大殿丹雘葳垣啟聖有祠明倫有堂旋沈公復蓋以文昌祠富其所有總鎮左都督高公特蠲金鼎而地益重諸賢是理廟貌聿新煥乎其可觀也然

夫子之神座未嚴四配之供案缺如淵源洙泗兩廡之賢位未正也關閩濂洛大儒之名次無憑也名宦鄉賢之祠神無所棲而配享無從也至於籩豆之事臨時

假借祝簾之器畧焉未陳且講經無地鱣堂尙懸此數者是啟我後人者也余叨贊茲土代攝郡符雖行無餘力然志樂有成祇捐清俸囑孫經倅盡心力而爲之不閱月而向之未備者一一克舉無非踐諸賢未竟之武仍舊貫以繼芳模爾爾時同城文武諸君子僉曰有文昌祠不得不有魁星閣衆擎易舉不日落成是又以象示教點綴斯文之勝事也夫地靈則人傑又曰人事修則天運回無論誦讀四聞菁莪蔚起卽衣皮茹毛穴居野處之種莫不入廟思敬將見蠻貊之鄉一變爲衣冠之藪其仰副

開化府誌

卷之十

藝文

聖

聖天子弘敷文教培育人才之至意其在斯乎敢不鐫石以垂永久哉

新建文昌宮記

知府 沈 寧

天下郡縣莫不有學卽莫不有文昌祠以培風氣植人文若有默佑而陰護之者其可闕乎哉開化郡學爲太守劉公所建不過草創經營糧憲張公涖開之日捐俸重修其規模已宏遠矣但文昌一祠闕焉未備適有節年浮多穀一百五十二石八斗米二石久貯在倉今遂詳請藩憲懇其轉詳督撫兩憲給爲文昌宮工匠之需幸蒙各憲加惠斯文如詳批允乃於

康熙三十一年十二月鳩工次年三月落成計穀米變償可四十金今其費約有八十餘金又啟聖祠雖有木植散失不全余亦發願完工憶余弱冠成名由縣令行取歷兵刑二部出守開郡今之特建此祠實有見夫宮牆數仞乃士子水源木本之地故不惜捐俸爲之且

帝君十七世爲士大夫身一心主於周濟容憫饒退恐息是卽吾

夫子忠恕之心也開雖僻在一隅爲士子者苟能虔奉

帝君之寶訓豈無掇科名而破天荒者乎吾知必有朱

開化府誌

卷之十

藝文

六

衣暗爲點頭矣是爲記

重建清軍府署記

柯鄧枚

夫開化僻處天末蕞爾彈丸何稱郡爲蓋斯地接交
趾聯粵境拊諸蠻而瞰殊俗爲全滇之樞鍵重其地
故特繁其官建鎮設府更設兩廳著威宣化缺一不
可耳若夫簿書無擾錢穀無幾太守一人猶堪臥理
况有別駕分司糧捕而郡丞一席不屬贅員乎余自
壬申七月奉檄來佐是郡甫下車瞥見茅屋數楹頽
垣敗壁蒿萊滿徑時遇狂飈驟雨則搖搖欲仆舉室
盡在泥中幾同露處僕從數人棲身無所居旣不堪

而情亦慘矣繼而復自慰曰如此官宜是署亦何足怪然庭除者出政臨民之地署寢者公餘憇足之所如必以傳舍視之則日後不幾爲荒烟蔓草乎亦甚非

朝廷設官分職之至意也於是力圖修整擴其基址培其地土鳩工庀材自內室以至儀門咸革故而鼎新之東築書舍西立箭廳以及廂房班房凡所應有而必需者俱增建焉大小約計五十間復置頭門立照壁起工於壬申之秋九月至癸酉歲除方得告竣其規模卑且隘也剗甃樸且素也夫是舉也凡磚瓦木植

開化府誌

卷之十

藝文

三

匠役工價悉捐貲以爲之無纖毫取擾於里下取諸已無勞民亦盡余心力之所能爲者以爲窮荒棲遲計耳落成之日客有過而賀者曰美哉輪焉美哉奐焉足以肅觀瞻而壯絕域矣又有過而嘲余者曰仕宦如傀儡登場耳子費已囊以造此署豈將終身耶何不憚煩也余應之曰皆非也蓋人臣之職靖共爾位各有所司獨此郡軍廳無政可從無民可親以致頑彞悍卒不知此地有是官亦不知此官有是署余待罪茲土旣不能有所設施以造福吾民復一無表著以留傳斯地食君之祿自問寧不愧汗乎故其

不惜費不惜力以營是署聊爲軍廳創一規模庶使人知此地有是官與有是署耳若夫善損益而恢擴之尤厚望於同志後賢焉鐫石以明余志敢曰垂久遠哉

增修開化府學宮碑記

宮爾勸

聖祖仁皇帝御極之六年以接壤交趾之三土司置開化郡我

朝以來滇之改土設流者自開化始武功遐播文德遠敷皮弁釋菜肇有學宮雍正己酉余由恩樂縣令遷開化郡丞辛亥遷本郡守馳驅王事不遑厥邑甲寅

開化府誌

卷之十

藝文

哭

元旦旋署謁

先師孔子廟瞻拜徬徨中心怒焉余以忝列門牆蒞任五載茂草頽垣甚非

聖天子建學明倫意也謀諸丞令幸有同心維時各出俸錢增建者則櫺星門道德坊泮池照牆奎星閣也改修者則文昌宮明倫堂尊經閣造脯所與籍庫也其舊有之大殿丹墀兩廡大成門

崇聖祠名宦鄉賢祠或結砌或塗墍或丹雘經營期月始獲落成於是遡原遂初暨厥嗣續前則劉守訢建太殿三楹削木苦之學之制始基之矣旣而石守文歲

易木爲瓦尋建兩廡諸祠明倫堂者張守仲信建
崇聖祠文昌宮者沈守寧砌丹墀鑿泮水樹門屏者
李守文淵先是諸公建設在今學宮左側形勢湫隘
棟宇卑狹草昧初開風仍朴陋厥後梁守文煊率訓
導李春盛遷建大殿於今地以前之大殿爲 文昌
宮面勢弘廠頓改前觀若夫增建兩廡大成門名宦
鄉賢祠則吳守文炎增置祭器樂器則佟守世祐也
余從諸君子後補苴幾何而竊竊然紀之毋乃滋愧
顧營之者閱人多成之者歷年久懼其再傳而莫之
稽也爰鐫石以俟後之同志者

開化府誌

卷之十

藝文

祀

重修開化鎮演武廳記

總兵 仇元正

先王立教黨庠術序各有其地所以專其業也思武
臣出典兵戎欲以陳師鞠旅訓之忠勇嫻其技藝則
演武之地所關綦重矣矧開化爲滇東重鎮內撫邊
彝外控交趾鎮斯土者倘文德未修武備未治何以
勝任而愉快歟余家世江左少承庭訓年弱冠荷

聖祖仁皇帝深恩賜進士計歷官豫楚二十餘載值

皇上龍飛三年名赴引

見恩綸疊沛一歲三遷巳酉春馳

命來滇荷

大司馬鄂公知遇之隆題補開化叨蒙

欽允余抵任以來見諸介士非不糾糾桓桓軍容肅穆也然進之有勇知方不無有待於提誨焉余竊念躬被

兩朝聖眷敢少怠荒以負我軍旅者負我

朝廷乎是以毋日叨望率諸將士勤宣

聖諭冀以開其頤家也廣建義塾集諸子弟考問學業所以培其始基也按其部伍次第操練殫心教誡所以望其精銳也獨是演武之場靡漸傾圮瓦朽垣頽而且營門未建何以肅其觀瞻朝為茂草何以資其馳

開化府誌

卷之十

藝文

平

逐雖一鎖之中百廢俱興皆余一人事也而修葺演武之地尤事之不容刻為緩者因捐水俸鳩工庀材重為修葺復創建營門額之信正威成四字蓋安內攘外保民利

主徒恃以威而不本乎信以行之無論威不能成即令堅利其金革閑習其擊刺難免守則未能上下同欲也攻則未能不戰屈人也而不流為窮黷者幾希矣又何以仰報

聖天子內修文德外治武備之至意哉昔孔子於兵食既足之後而繼之以民信孟子云威天下不以兵革之

利無非信立威成之道此固余教誡軍旅之本意而
又所望爾將士之共鑒余心也是爲記

綠蘿寺記

知府 李文淵

閒常流覽釋典宋代了元以儒家子博通五經而詞翰揮
灑亦目了了自號了元隱金陵之金山寺世無知之者東
坡時爲學士聞而訪焉改其號曰佛印留玉帶以鎮山門
佛印之名一時震天下史遷謂前言往行必藉王公大人
以成名洵不誣也郡西之樂農里綠蘿山下有寺焉丁亥
歲予因公事憇息寺中觀其丹雘雖無壯麗之規模而深
廣創闢已覺土木之拮据若夫擇地卜宇美不勝收面對

開化府誌

卷之十

藝文

五

三星半月之巔以拱其前枕連垂龍之峰以峙其後左襟
帶乎石湖之麓右指臂於躍龍之岫村落中之梵刹儼然
大都會之叢林矣惟自建寺以來猶未嘗顏其額詢之寺
僧則曰繼祖繼祖之義曷取乎蓋以蜀僧恒秀於康熙十
六年來開時值草寇猖狂樂施寥寥歷四五年勞苦備嘗
其志不泯康熙二十一年閩漳李公來守茲土嘉恒秀之
苦行真修捐俸倡率始得落成復構來青亭於綠蘿之頂
相與盤桓越數年而恒秀圓寂故後來之衆僧以恒秀締
造之艱難誌不忘也予聞之穀梁子曰君子待人以雅不
以俗期人以博不以陋孔子之作春秋去伊緩而易以善

稻去太鹵而易以太原去矢胎而易以蚡泉蓋去其俗而
易以雅去其陋而易以博也予竊穀梁之義顏寺額曰綠
蘿而恆秀爲此寺開山之主又不可沒也故按衆僧之口
述表而出之是爲記

王弄里義學碑記

邑令

朱興燕

浦江進士

從來通都大邑始有老師宿儒以教養其子弟長而
通曉文義送入庠序以充弟子之員而遠方僻處者
多不得與焉豈天之降材爾殊哉亦以教養無資故
雖有秀穎亦埋沒於樵青牧豎之侶農之子恆爲農
良可嘆也我

開化府誌

卷之十

藝文

三

國家承平百有餘年鄉國學之外直省又設立書院而
州縣各村亦設立義塾文教之隆前古所未有故深
山密箐之中時聞絃誦之聲而黃口乳子亦知入事
父兄出敦禮讓其有裨於化理不淺也文邑八里共
設義學十三館王弄里處其一焉然講誦雖有其地
而館師歲無常餼每屆秋收之期家歛升斗以作修
脯家無子弟從學者亦令其輸粟於館頭人之奔走
會計者又從而漁侵焉權宜苟且何以能垂永久於
是里民徐元慨然知箕歛之不可爲訓而慮義塾不
能永久也獨捐已資憑街老張天吉趙國英杜秀山

張漢良龍琦等於乾隆八年四月初五日買王弄墾團山腴田一分歲收額租八石六斗以供塾師之修脯而曩昔科派之習盡除識者韙之夫滇南崇信佛教世之捐貲置產以養緇流者所在多有原其初心望福田耳祈冥報耳非真樂善而好施也孰若徐君此舉延名師訓子弟以化其鄉以惠其俗有以上佐聖朝右文之治哉蓋同一好施而用財獨協於義此則余之所深嘉而樂予也用以其所買田畝租額勒之於石以垂不朽云

安南里公捐義學田租碑記

邑令郝璞奉天

開化府誌

卷之十

藝文

三

方今

聖天子文教誕敷無遠弗届自通都大邑以及窮荒奧壤鳥言草服之倫無不喁喁向化猗歟盛哉滇處西南天末開郡尤屬極邊文邑新設建置未久漢夷雜居人民寒苦治法雖殷而鄙野強悍之習未能盡改邇來諸大憲覃心民俗思有以變易之飭各屬設立義學延館師訓誨捐置束儀俾鄉村愚夷化囂凌而澤以詩書甚盛心也文山八里義學創自前令曹公彼時草萊初興率多目前權宜之計繼其後者不欲重煩滋擾遂致因循者數十年於茲矣余自下車經今

四載竊亦留心此事更想經理調畫釐剔弊端以計
久遠而未獲及適安南里耆約牛際泰以本里紳士
人民咸願公捐銀兩置買田畝永爲義學館租來告
余聞而嘉之或疑其未必出於誠然也批駁之至再
鄉中人更踴躍奮興爭先樂助予乃悅其公而從其
便也合衆姓之所輸輯而計之得銀百一十三兩有
奇公買本里國學生張克昌耨拉寨田一分每年科
市斗租十石以供館師修脯夫風俗移易端在詩書
人才振興實資作養置有恆產則費有常經師有所
給則職可無曠卽此一鄉之義舉可爲八里之倡率

開化府誌

卷之十

藝文

書

共奮一朝之誠心足免累年之科派人自爲教效有
必成將見文明蔚興喬野頓變仁漸義摩之久夷可
易而爲華樸可進而爲雅幸爲之師者能深素餐之
耻用修課誦之殷毋一暴十寒毋沽名弋譽庶使纓
轡帶阜之輩不致如石田之苗而無所長益其有裨
於人心世道豈淺鮮哉爲晰端末而記之石并列所
捐之人名銀數於左

序

西南備邊錄序

失名

唐太和四年十月戊申制名兵部侍郎臣德裕節度劍南

西川維蜀西控戎索南接蠻服昔在中葉武尅不剛蝨賊
內訌蛇豕薦食表撐裏拓猶懼侵軼未陰網戶莫急二邊
於是先事候情并謀合智料敵勢扼地險計軍實而備邊
錄作焉卽十三卷之簡見萬里外之情所以制勝無形銷
患未萌也茲不可無序夫破敵於一方其策易備敵於多
方其謀難朔方旣成薄伐於西文王其勤也獾狁旣攘鞫
旅於南宣王之武也鍼芒瀉氣螳穴潰提智慮不周捍防
不密則疆場之虞不生所備而生所玩吁可懼哉然山川
阨塞非圖莫見兵財盈虛非書莫著是故軍防有錄譔於
天寶九州別錄上於貞元禦夷新錄奏於元和元振述安

開化府誌

卷之十

藝文

五

邊之策敬輿條備邊之失前英後傑帷籌幄畫詳已然之
變忽未動之憂寢薪爲安折柳爲固猷之不遠寇將生心
德裕身佩西陲之任得不爲南鄙慮乎方唐盛際德威溥
揚北縻突厥東瞻遼海窮髮反景悉主悉臣文恬武嬉喪
羊於易吐夷開釁河隴失險締從南詔協力謀我岷江飲
馬倚爲先鋒并絡坤垠我圉孔棘有守曰臯鑿青谿道要
結蠻好犄鹿效順纂集事狀爲卷十七質幣結轍閭戶誨
盜戎膽雖驚蠻禍始萌徑入成都如升虛邑唐之君臣日
盱食矣疇咨良翰矯失刷耻爰命德裕抗旌秉鉞葺殘奮
怯改紀其政乃建籌邊之樓凡險要與蠻相入者圖之左

與戎密邇者圖之右而部落饋餽靡不察乃立雄邊之軍
其精兵日南燕及連弩騎士日飛星及突騎而農戰器械
靡不飭大渡孰制城以杖義榮經孰控城以禦侮西山孰
阨城以柔遠復邛峽關徒越巂治而蠻之齒寒怛謀納款
維州歸壁而夷之氣奮猶慮敵去而備弛也兵將糧械之
數城鎮種落之名歲計經用之目講求利病輯爲一書諸
郡故實外夷情壯臚分縷析燦如指掌剗立陣壘成以朱
書總繪小圖標之首卷而第四卷序維州本末尤悉書成
於太和六禩迨會昌中秉國之鈞始奏上之觀諸文集猶
有可考二邊方騷而金湯之二敵孔熾而霆雷之匪碩畫

開化府誌

卷之十

藝文

五

沈幾曷克臻茲藏之禁嚴副在邊瑣日戒夕惕庶克有定
大中而後怛憂好暇懷燕安之毒玩鷲擊之形河湟歸疆
西顧無騎塏矣厲階之梗惟蠻爲甚餽糠及米繇劍而嶺
乾符之季有臣雲虔自邕管涉川陸四十七程至善闡以
南詔錄三卷獻於朝吁德裕之錄以蜀備蠻藩籬之寇也
雲虔之錄以邕備蠻則闖然入戶庭矣憂先於事事至而
憂奚翹銖石之差與據往鑒新不可不誌患於微眇也易
之蹇曰利西南必有六二匪躬之臣而後能濟蹇難德裕
以之按唐藝文志是錄列在兵書今館閣書目存者一卷
餘軼不存我思古人愛莫起之撫陳編而三歎謹序

重脩開化城隍廟碑記

湯六賓

城隍之名雜見於大易諸書若廟祀則莫究其始記曰天子大蜡八水庸居七水則隍也庸則城也此固祭城隍之始乎夫先王祀典之制法施于民則祀之以死勤事則祀之以勞定國則祀之以捍大災禦大患則祀之所以崇德而報功也故祀棄以爲稷祀后土以爲社諸侯分封立之社稷加以山川之神皆有功烈於民者也城隍之祭守土者任之以祈福國以祈佑民朔望必謁其亦國君祭山川社稷之義而歷代因之以爲國之大典余惟典之大者其神必靈開化府誌

卷之十

藝文

卷六

神惟靈民乃受其佑國乃享其福神故司是土民之所以瞻仰也官於斯者不能慎其祀以重國典非政之宜也丙子秋余調守開陽開于滇爲極邊民多夷種地土薄瘠火耨刀耕災祲水旱力於人者半憑于神亦半故下車之明日謁

先師廟後詣

城隍之神祠見殿廡卑隘棖桶摧頽不禁喟然曰嗟乎此國之所賴以福民之所賴以保者而居之者若是是固足以安神乎神不安而望其靈難矣因進諸父老而勸諭開導之捐俸爲倡令之濶其地而徹其

志畧序

李京由樞密宣慰烏蠻按行各部作志畧四卷

元學士

虞

集

臨川

京師西南行萬里爲雲南地方廣萬里昔我世祖伐而取之守者勿能定既卽位奠海內使省城賽典赤往撫以恩惠沿俗而道之善利鎮以親王貴人者四十年方是時治平日臻士大夫多才能樂事朝廷不樂外官天子憫人之失牧也常簡法增秩以命吏而爲吏者多徼倖名器無治術無惠安遐荒之心禽獸其人而漁食之無以宣布德澤稱旨意甚者起事造孽以毒害其人其人故暴悍素不知教寃憤竊發勢則使然不然惡生樂死夫豈其情也哉嗟乎昔者簞壺迎後之民日以老死且盡生者格於貪吏以開化府誌

卷之十

藝文

七

自遠於恩化其吏士之見知者無所建白而馭於中者又不識察其情夫一隅之地常以爲中國憂而論治者卒未究其故不亦悲夫河間李侯景山由樞密宣慰烏蠻雲南一部也始下車未及有所施會羣蠻不靖按行調發餽給鎮撫周履雲南悉其見聞誌畧四卷因報政上之余按而讀之考其土產風氣服食之宜人物材力之愚智勇怯山川之形勢阨塞要害而世祖皇帝之神威聖畧概可想見未嘗不俯仰而興歎也其志曰張喬斬奸猾長吏九十餘人而三十六部盡降諸葛孔明用其豪傑而財賦足以給軍國史萬歲貪賄隨服隨叛梁毘一金不取酋長咸

基高其殿宇崇其棟隆一時官紳士民之踴躍樂輸者纍纍不期年而厥功告成爰總計其木石丹堊陶埴匠工之費請予告諸神而落之余至祠遍觀廟貌莊嚴金碧璀璨欣然而色喜曰今而後神其安之矣春祈秋報惟神之靈矣上以成

國家崇祀之典下以昭兆庶明質之誠吾知神之佑民于無窮也至若註生註死善報惡報之說則固浮屠家言先儒以爲無有而不足信者余亦將存之而不論

麻姑厰新建西嶽廟碑記

開化府誌

卷之十

藝文

五七

傳曰天生五材民竝用之書曰六府三事允治蓋材府者財用之所自出國家之所竝重而要皆天地之所生鬼神之所造化而職掌之西嶽者太白之精其位在庚當申酉之交是爲金魄金旺在秋故屬于西則西嶽實掌金之權而造化去金者惟神是司也今歲春余奉公閱厰至麻姑館於西嶽神祠環視前後棖題猶新神像莊嚴堦前古樹二株蒼鬱特甚疑其廟之創建非一日矣詢之衆具云是生員盧建炳新造者也生相地于龍山之陽因斯樹而成其堂前構山門中後殿各三楹東西兩廡具備以爲厰民

悅李知古以重賦僇尸張虔陀以淫虐致亂此於事至較著明白者也其術不甚簡易乎有志之士尚有所覽焉至讀其紀行諸詩必有悲其立志者矣

楊氏文秀小傳

訓導王 詰 蒙自

楊娥名文秀孝女也先是其父楊英宜良諸生佃儻有大志以聯襟文相黎叅將鎮開遂與俱偕家焉其母生娥時因感異夢甚珍之歲餘黎以無子乞爲女性至孝友容極端且穎悟五歲授以女經卽成誦不忘與鄰女同學與娥睽一月其所覽記雖數月尙未之及其警敏類如此及黎氏夫婦相繼偕逝娥喪祭哀毀一如丈夫子尋以無所依

開化府誌

卷之十

藝文

五

怙復就育於父母課女紅日嚴娥得暇卽潛爲誦詠未嘗一日輒輟也每有疑質於父父稍釋之卽解故七八歲卽通大義家貧無婢侍姊妹三人次第入廚一日值娥入父指六韜謂之曰汝能盡一日讀此吾當免汝娥應諾執書仍入廚操作如常未晡詣父復之父疑未之信隨試之如夙誦習者居常課諸弟妹寬嚴有法大有若昭風焉婉曲幽秀絕無脂粉氣然人罕得見其詩并亦不知其爲讀書也九歲時母患病性不喜藥娥憂形於色徹夜不能寐俟諸妹睡熟引刀默祝刲股爲羹以進母病尋愈及年十五亦然事聞於外里黨舉之於郡守何公時公內弟施章未

祈祝之所式有公務相與講約其中焉余聞而嘉之名生而語之曰寶藏興於山貨財殖於水而主之者神也人有求于神故神能庇人神苟福于人則人宜報神余之心藏於斯久矣今爾倡此義建此祠爾知所以報矣神既有所依則人亦有所據神之福爾于茲也上可以裕

國課下可以足民財爾其同得我心乎生日唯唯既退悉計其經始之年及落成之日一切瓦石材木人工之費請余記其事而書其題余曰可夫神聰明正直而壹者也惟其聰是以無所不聞惟其明是以無所

開化府誌

卷之十

藝文

卷八

不照惟正直而壹是以職有專掌而人之一誠足以格之況乎天地生財以資民用川嶽之奇原無盡藏聖天子膺圖于無疆則地不愛寶神不愛福山澤氣通將造物之所蓄儲者用錫爾民于無窮金氣之旺且與國運共昌而茲廟之興亦將極於千萬年而不朽矣爾諸民其謹事之遂爲之顏其額竝書共事之人於石云

添建開化府屬馬白馬達營房記

湯大賓

開化爲滇省極邊地疆宇遼濶東西南三面界連交趾表裏屏藩一切守禦之具因地制宜分要扼險匪

授室遂屬意焉因不嘉獎月餘屬郡之學博經倅及諸生請於其父以爲婚父念娥已及笄且又勢孤弱屈諾之年十六歸於施何公故博學者也署內多置書娥因縱覽不倦識見益超一日何公與章拈題分韻娥代之不逾時潛授詩公閱之驚問侍婢曰此舅作乎婢曰舅娘作也蓋公前但知其孝至是始知其能詩悔曰誤此女者我罪也甫半載歸寧與父論曰讀文姬十八柏信是千古才女然以兒觀之才雖餘而德不足身入虜庭有志者何有於二子何有於孟德之贖至班女續成漢史克終兄志此大有功於兄不能不爲之心折父韙之默自喜曰是女見識器局

開化府誌

卷之十

藝文

堯

議論倍常殆未可量其所註寫草創詩章授弟妹學之越二年何公病解組寓吉祥庵娥歸於父家甫月餘遂卒時年二十也著作頗多母以爲天媒按所遺字墨焚於墓僅遺題黎公像贊并頌生母詩

五言古

行部迤東諸郡雜述

巡按 鄧 漢 新城

出自郭北門有叟泣路隅自言賈人子少小工廢居北走邯鄲道南遊歷勾吳貨給幸益饒斤買盡膏腴長子獄小吏次子業爲儒幼子獨無事跼踖竝樗蒲齋貸遍貧人頗狝鄉曲譽鞍馬溢街巷出入閑且都轉盼十載閒人事有

細故也往者沙匪構釁交趾請援我

皇上念安南屬國素號恭順爰發官兵堵禦沿邊一帶千有餘里設立汛塘以靖疆界謹出入焉丁丑冬余巡歷府屬邊隅地方閱額設汛塘官兵星羅碁布區宇劃然井井有條有理惟馬白汛南三里許賭咒河北岸上立碑亭爲中外分壤之區撥兵五十名常川看守然未設有營房各兵自蓋草房不足以供棲止馬達地方駐扎千總一員帶兵一百名亦未建有兵房弁兵俱借居隣近村寨竊自揣度所應添設房屋之處回署日會商 總鎮王公公先巡視諸處意見相同因詳請添建以便任守余與公乃捐廉俸飭文令購料鳩工于馬白碑亭處所蓋造官廳三間草房十二間與守界兵丁住宿其馬達軍營舊有各兵自搭草房九間新添土坯草房二十間以供棲止二共添建房屋三十五間總計銀壹百五兩是役也蓋因弁兵久戍露宿瘴雨蠻烟之中何堪拮据將荼之苦余與公經營酌量聊爲此舉雖未卽爲安內攘外之鴻規然用以肅守圉而壯嚴威庶幾稍爲有裨乎 公曰是不可以無記余乃抽筆而書之

重修文廟碑記

開化府誌

卷之十

藝文

又季九

知府

汪

筠

秀水

盈虛長子死，虐璫告密橫。見誅前歲武，定變次子復。被屠幼子無，警省門戶轉。蕭疎府帖名，買金里胥追。相呼忍淚遣之行，遠販豺虎區。經年絕還期，瘦軀知在無。公家有程限，官法嚴追逋。朽老甘痛楚，鞭撻無餘膚。廢箸不足償，歸賣婢與奴。羅紈昔盈箱，今也婦無襦。殘年復餘幾，委骨終溝渠。語竟淚簌簌，聞者亦歔歔。藏金著古訓，改玉欽命圖。德音沛早晚，忍死且須臾。

七言古

軍中行路難

臨海 駱賓王 義烏丞

君不見封狐雄虺自成羣，憑深負固結妖氛。玉璽分兵繳

開化府誌

卷之十

藝文

李

惡少金壇授律動，將軍將軍擁旄宣廟畧。戰士橫戈靜夷落，長驅一息背銅梁。直指三危登劍閣，閣道迢迢起戍樓。劍門搖曳俯靈邱，邛關九折無平路。江水雙源有急流，征役無期返他鄉。歲月晚杳杳，邱陵出蒼蒼。林薄遠途危，紫蓋峯路澁。青泥坂去去，指哀牢行行入不毛。絕壁千重險，連山四望高中外。分區宇夷夏殊，風土交阯枕南荒。昆彌臨北戶，川源饒毒霧。溪谷多淫雨，行潦四時流。崩崖千歲古，漂梗飛蓬不暫安。捫蘿引葛陟危巒，昔時聞道從軍樂。今日方知行路難，滄江綠水東流駛。炎州丹徼南中地，南中南斗映星河。秦關秦塞阻烟波，三春邊地風光少。五月

自古唐虞三代國有學州有庠黨有序猗歟盛哉何制之備也故憲老乞言飲射讀灋及夫受賑獻馘諸大政莫不於學凡以登郅隆臻上理維持乎綱常名教者於是乎在顧君而師者唐虞三代是也師而君者

素王是也禮有釋奠釋菜歐陽永叔曰釋奠有樂無尸釋菜無樂皆祭之畧者也我

皇上龍飛之二年

臨雍釋奠典禮優崇邁乎往昔其釋菜之禮在成均者每月朔祭酒主之太常供時蔬二事其在外之守土者

開化府誌

卷之十

藝文

季

月朔必親帥寮案師生以有事亦推釋菜之義也夫禮不取其數而春秋二丁之外月朔必舉明乎尊而且親以別羣祀也故所在廟貌咸宜壯麗嚴肅我

朝追封

孔聖五代進四配十一哲之先以配之崇重之制既精且詳惟是開郡地處極邊毘連交阯漢屬句町後爲教化王弄安南等長官司之地康熙六年改土設流始立郡治中州人士往往歸之遂立學校官斯土者遽有創置殿廡門楹規模已備第爲風雨剝蝕久而將頽余自下車瞻拜之餘怒焉久之方欲集同寮以

瀘川瘴癘多朝驅疲斥埃夕息倦樵歌向月彎繁弱連星
轉太阿義重輕生懷一顧東征西伐凡幾度夜夜朝朝斑
鬢新年年歲歲戎衣故壩城隅滇池水天涯萬轉積地際
行無已徒覺炎涼節物非不知關山千萬里棄置無重陳
征行多苦辛且悅清笳梅柳曲詎憶芳園桃李人絳節紅
旗分日羽丹心白刃酬明主但令一被君王知誰憚三邊
征戰苦行路難幾千端無復歸雲憑短翰空餘望日想長
安

征南寧夷過石門山

行軍總管史萬歲 杜機

石城門峻誰開闢更鼓誤聞風落石界天白嶺勝金湯鎮

開化府誌

卷之十

藝文

空

歷西南天半壁

星回節

失名

滇中六月廿四日燒松火雲光霽霽脂流滿地香徹天萬
家鐘磬聲寒栗輟春罷市虔祭賽生啖牛羊口血溢云是
當時六詔強九十九部蠶食亡同姓六人齊稱王犬豕寧
保鴻雁行鄧睽詔主推豐咩浪穹施浪稱三浪中惟鄧睽
差仁柔夫人慈善禮法優奸雄叵測皮羅閣笙歌召會松
明樓脫簪牽裾不得留鐵釧約臂紅淚流阿奴火攻酒半
發炎烏蠻煨飛神邱殘蛾埃煤一篲掃精鋼融腕遺骸收
貽來琴瑟同心結謾許同衾誓同穴祁連塚上血流霞娘

議而文山謝令千子慨然任之且以
崇聖祠舊與大成殿竝列非所以仰體

聖心爰用價買民基建置於後在學生監亦各奮勉樂
輸共勦盛舉乙亥臘月興工丙子八月告竣時值

丁祭余詣行禮則見闕者補頽者葺上瞻雕甍畫棟之
輝煌下睇階砌門櫺之炳煥更見

後殿之巍峩堂皇不惟有以深愜余心而所以振士類
興教化者其功鉅矣夫郡之人士沐浴

聖朝雅化幾及百年深山僻壤亦知慕學誠因其作新鼓
舞而毅然奮然黽勉於孝弟仁讓之中敦篤乎詩書

開化府誌

卷之十

藝文

十

禮樂之教將見俗美風醇共游熙皞之世豈獨人文
蔚起鼓吹休明也哉因爲文令勒石以記昔乾隆丙
子中秋之吉

改建開化府明倫堂碑記

湯大賓

學校之制所以明人倫也倫明於上民親於下故學
宮之中設明倫堂爲士子講習之所根本之地觀瞻
所在其棟宇不可不崔巍局度不可不寬廣我

朝定鼎以來追封

先師孔子五代增博士弟子員重道崇儒必欲四海之

子軍旂光奪雪死守何異巡遠堅忍餓甘共夷齊潔南詔
羞慚心尚存妃封寧北城德源至今生氣凜白日赤龍黯
澹風烟昏一炬摧殘萬劫灰瓊瑤臺上招星迴不敢舉火
竟生食反燔燄助夫人哀喋血誓啣仇讎肉生吞活剝遍
山谷烟林白鷗湘江龍寒食競渡中外從不謂蠻烟炳星
日令節直追前賢蹤吁嗟夜郎牂牁化日餘貞禽羽族猶
堪書後宮寵冠晉羊后司馬家兒笑不如

輿夫謠

提學

吳自肅

輿夫輿夫生南滇盤雲渡嶺如登天羊皮覆背見餘體面
如菜色生煤烟徒步驚看痛欲絕况復有物磨其肩晨興
開化府誌

卷之十

藝文

三

車過羊腸道老稚嘈雜來山前羣持炊餅爭相餉呼兒呼
父聲顛連又見往來行路者驅同牛馬時加鞭吁嗟乎以
貴役賤分應爾車中我見猶深憐彼雖蚩蚩亦人子以賤
虐賤胡爲然

老寨歌

安南里首寨昔爲
土司王朔所據

劉世長

亂山簇擁瘴嵐飛屏封百里綠陰肥竭來遊人心自苦聞
憇嶺頭枕落暉曲指當年誰据此彪生雙翼藏殺機有惡甚
荼毒不知人力盡醜淫但說倦忘歸乙巳天心厭醜德灰
飛烟滅霧露結寨名兩行紅粉馬上攜十千美酒歌中泣酒
色從來誤人多寧止傾城與傾國祇今事過十餘霜空山

外六合之內咸知展親睦族講讓與仁以臻一道同風之盛凡百縣有關夫教化所在者未嘗或缺焉開郡地接南交歸流已久前之官斯土者無不仰體聖天子培植邊陲至意經營創制百廢俱興余也又何加焉顧草創之初規模未廣歲月已久風雨催殘後之人又有不可不隨時補綴者矣丙子歲余以澂江守移調是邦下車之明日謁

聖下學周覽黌宮其殿廡門墻業經前任守令率紳士醵金脩葺輪奐可觀惜明倫堂猶復湫隘傾圮未暇議及余俯仰徘徊竊欲并此而擴充之遂有教授太

開化府誌

卷之十

藝文

三

和趙君震者請倡於余而諸生又踴躍樂輸共勦厥事隨於丁丑暮春卜吉鳩工庀材改建革其故而重新之不數月而傾圮者巍然湫隘者廓然至嘉平告厥成焉復丐余爲記余曰根之茂者其實遂膏之沃者其光曄英華發外未有不和順積中者也諸生沐浴

聖化鼓吹休明誠能朝夕於斯講明秩叙之典推求庠序之源瞻榱角而發尊君親上之心履階除而興孝子悌弟之念將本立道生士習文風駸駸乎日上矣若徒事章句之學以博利達是豈古者命名之本意乎

白晝畏虎狼皆言化虎是其主土人不敢任行藏予聞斯
言不之信紛紛祭禱委道旁君不見東郭先生無寸土朝
朝閉戶愁風雨又不見華山處士尚買山買山不剩杖頭
錢天道往往殊難測豐貲不假真英傑健兒暴殄沒聲名
徒恨山靈增悲咽

五言律

滇南卽事

都督沐璘 定遠

漫說滇南俗人民半雜夷管絃春舍早燈火夜街遲問歲
占雞骨禳凶瘞虎皮輜車巡歷處時聽語侏儸

八戛山

總兵高必盛 奉天

開化府誌

卷之十

藝文 三

蠻山稱八戛自是景多奇雨洗看來淨雲蒸望去迷鳥飛
聲遠近人度影參差千古應難畫洪濛未判時

二臺坡

前人

五臺晚景好又見二臺坡向夕他山暝餘暉此地多霜凋
楓葉老曛染嶂顏配璀璨還相映虹光罩薜蘿

開陽卽事

總兵王大綬 濟寧

開陽嫌地僻放眼有奇觀雲暗虎漭雨烟凝蜂洞寒兩山
如鵠立一水若龍盤更愛雙橋月清光映翠巒

宿白魚洞

訓導高儀 建水

屋近巉巖下山含落日餘新舍隨澗曲老樹接雲虛何處

幸諸生不河漢余言也是爲記

新修天生橋記

前人

天生橋開郡城西一大津梁也曷爲乎以天生名登巉巖
陟峭壁俯視流泉若天造地設然睹斯橋者僉曰天也非
人也直從而名之也雖然此亦有人事焉非可坐觀而失
之也往者郡人以天生洞漸漸石卒孤懸水面行者多所
不便別爲徒杠以通道里意非不甚善竟無如久而易傾
也歲丙子余自澂江調守是邦甫下車里民以脩鑿故道
請余喜而喏之閱數月而工告竣書曰王道蕩蕩無黨無
偏易曰履道坦坦幽人貞吉天生橋兼而有之矣旣而增

開化府誌

卷之十

藝文

三

脩一小廟於其上享祀無忒焉山川有靈往來行施之人
胥憑藉以爲呵護此又高高下下無不宜之未始非神道
設教之一端亦卽古諸侯祭封內名山大川之大較也抑
又思之木石之事固有開而必先亦有初而必繼余來此
土捐俸以成此舉尤願後之君子踵而葺焉綿綿延延傳
之數十百世而不變雖謂是橋也天之生是使獨亦無不
可也

窺黃鳥從人問白魚殊方今夜夢倏忽到吾廬

馬白關

訓導王 詰蒙自

聖王常柔遠邊關重改移藩因修禮節地故樂恩施好獻
越裳雉嘗歌零露詩食毛兼踐土隴蜀漫縈思

修竹坡

學博 李春盛蒙自

薰風方解籜高節與雲齊曼玉吹晴暗篩金弄影低連雲
天外指寒絹月中題休說篔簹谷青輝滿渭溪

咽石泉

學博 段繹祖

一脉透山岡盈盈滙草堂清流平野闊細沉落花香魚鱗
聲中簇山從影外長只今南畝內耕耨趁春陽

開化府誌

卷之十

藝文

畝

恩賜安南國王鉛廠河地四十里恭紀二首 馮 綱蒙自

聖代承天運安南巨浪平貢儀常感德奏句更輸誠
詔自丹墀下恩教海外迎懷柔無限意垂拱萬方清

其二

中外勤王事龍棚耀日明

天威咫尺凜地界萬年清月湛邊關露風高甲帳兵伏波
功未泯敢負泰山盟

花朝登西山寺

選貢 張鶴籌曲靖

訪勝歷西華晴烟列萬家柳深鶯欲轉風細燕初斜翠色
分遙嶺幽香度野花邊城天氣暖二月試輕紗

清明日過都督仇公新建育才書院 前人

春望步春城千村景色晴烟肥薰草木柳嫩織鷓鴣香動
知花放光浮愛水明將軍能化俗到處管絃聲

七言律

開化雜詩

同知 姚文燮 江南

巉巖終古最窮邊鳥道懸空密箐連何處烏蠻非赤子誰
教黑水界青天上司舊長雄三部王會新開僅七年愧此
相如持使節差能詞賦壯山川

聞山畔夷歌

總督 高其倬 奉天

長鑱短笠上山腰啁哳歌聲雜裸苗市物場占雞鼠日燒

開化府誌

卷之十

藝文

奎

畚陌種苦甜菽漁樵穩處心應定烟火稠來瘴旋消好趁
昇平事安養字民有職慎科條

嘔酒

梁王 王 廷
長史

封折黃泥歲月遙繞瓶活火謾為燒枯筒未試香先透熟
水頻添味轉饒冷暖既隨人異態縮盈還與海同潮其中
春色知多少任是淵明也折腰

南橋玩月

總兵 仇元正

晚烟捲盡見南川皎月沉沉湛碧天兩岸參差林影出于
家明滅夜燈連光涵碧浪千層朗明抱紅塵一鏡圓廿四
橋邊人在否今宵與會轉悠然

大興寺聞鐘

前人

衙齋人靜漏遲遲風送鯨音出梵祠
花外曾轉長樂韻宮懸時動大成思
噌吰遠近殊凡嚮鞞鞞高低可破迷
記得向從何處聽姑蘇城外泊舟時

大興寺雙桂

知府湯大賓 武進

不必探奇到廣寒祇園競秀好爭看
高籠鳳嶺名標久低覆龍江樹未單
并吐金葩香馥馥雙擎翠蓋影團團
誰移連理淋池種植向禪關作大觀

滇南雜詠

督學吳應枚 烏程

迎年治具盍朋簪圭竇光微屋宇深
待覓瓊瑜姚楚遠清開化府誌

卷之十

藝文 矣

香滿地灑松針

挂簽五彩當門颺對幅雙題比戶封
晨起炷香酬祖德家

家街植兩柯松

斤斧難施旦旦樵山根綠樹達山椒
無端野燒蟠空起遮

莫來年好種菽

嗚咽蘆笙和口琴依稀聲調雜南音
新腔草稈何許打茶

伏於今盡革心

陂陰雨後擷蒙蘂玉版應甘拜下風
蓴滑菌香雞躑美嘗

君兼味嗜皆同

開化竹枝詞

舉人朱鶴鳴 浦江

西山如戟矗雲霄古刹清幽趣頗饒一水滌洄來復去盤
龍江上鎖雙橋

僻居山塢有田耕鳥鼠同眠性不驚事過百年徵木刻話
須重譯見真情

種彞

劉世長

種分黑白負豪強醉裏戈矛馬上鎗事過方知錯處悔不
於悔後更思量

獮

心強身弱怒生嗔報怨忘恩不問親既在活時長變鬼是
誰教爾更為人

水獮

力作慇勤崖穴處收成男婦笙歌舞籠中有物不堪嘗一

開化府誌

卷之十

藝文

七

粒刀圭猛似虎

土獮

少種禾苗多種靛深林青白何人辨等閒菽水不承歡病

後傾囊尋鬼獻

阿泥

三尺環刀七尺弩板崖附葛窮猿鼠幼小生來不見人紛

紛劫奪誠難數

毋雞即山蘇類

雜記附

金雞

府西北與阿迷接壤處有山奇峭崢嶸面開一穴光圓如鏡土人耕其下者夜聞雞聲清亮後有客

架棚守候經十餘宿而去雞聲遂不復聞

天馬

自金雞崖北向二里許石高三尺餘廣如之屹立道左若小屏然一夕忽被人鑿其當中一孔內空

一窟圓深滑潤不知取去何物適西洋人費隱至滇丈量嚮道過其地留連久之日不圖此間有奇物產

金雞天馬然皆為人取去始知石穴中之爲天馬前此所聞固金雞也

通山白霞 在枯木山腹中通周圍數丈星光月色映射其中時出白霞一道如懸鏡然

龍馬山遺碑 土司龍上登撰其文云皇明通紀庚午洪武二十三年命儒臣修孟子節文先是上

覽孟子至土芥寇讎之說大不然之謂非臣子所宜言意欲去其配享詔有諫者命金吾射之刑部尚書錢唐梳疏入奏諫輿櫬自隨袒胷受箭曰臣得爲孟軻死死有餘榮上見其誠懇命太醫療其箭瘡而孟子配享得不廢至是乃奉修孟子節文凡諫不聽則易位及君爲輕之類皆刪去之予以爲公論不泯所刪節文後復著之今猶在下孟也君之視臣如手足則臣視君如腹心至寇讎按史畧梁武帝封侯景爲河南王復爲大丞相可謂以手足視景矣而景以寇讎視梁武然則太祖之心何如哉若侯景者孟軻之罪人也况君以土芥視臣而臣豈不以寇讎視君乎人情有然也非義所當然也貴戚之卿君有大過諫之不聽則易位朱子曰大過是亡國者按史畧秦王符生似有大過矣東海王符堅可廢生擇宗室之賢

開化府誌

卷之十

藝文

奕

者而立之始合孟子之言堅乃弒生而立若符堅者孟子之罪人也卽我明成祖廢建文帝時諸王惟蜀王椿最賢倘迎而立之成祖不自立則庶乎可合孟子之言也與其默視亡國孰若易位與其弒孰若廢與其自立孰若立宗室之賢愈見其公也予以爲但聞君王買民心未聞百姓買君心但聞君王兵戰以爭民未聞百姓私鬪以爭君以此民爲貴社稷次之君爲輕論之民爲貴貴者重也故曰君爲輕重之說非尊卑之謂也如物價之貴非尊崇之貴也太祖一時之怒心有所忿愾則不得其正謹註以釋疑碑高尺五寸寬二尺五寸崇

禎十一年六月戊寅

夏得方 康熙初一人擔油二簍寓新街柴店每日遊行市中欲至某家先持名帖投之晚則方巾衫履

擾亂婦女城內人合數家同處終不能禦店主疑之啟視其簍皆人腦骨報之官尋遁去而淫亂如故因召方士治之適江右有陳道士者寓開持天師符籙於十字街築壇遣之忽空中墜下一物視之則黑狐狸也其患遂除

石棋枰

在楊柳井坡頂一平石方廣丈餘上有石棹一人偶移之則動再即不能復舉常有烟霧冥濛相傳為神仙著棋處云

草蒲團

蒲團葉皆向外層集如菊花高尺許好事者撤去之明日復然四時常現不易其處

白野豕

明土司龍徹遊馬本見一白野豕追至南丹隱跡不見取礦試之有銀遂開南丹廠

金馬蹄

麻姑山一石上有馬蹄深寸許相傳阿育王神馬曾經過此

石牛角

城東三十里有小山如牛角石竅數處吹之角聲嗚嗚然

別止侍供

俱明土司官名即今之頭目也

仙樂碇

城西七十里魯哨山寬廠豁目清爽異每年元日笙歌鼓吹颯颯自洞中來

天池

在化乙山頂上一天池水雖大旱不涸中有二紅魚非大富壽人不得見旁多叢木風吹葉落

開化府誌

卷之十

藝文

堯

即有翠鳥啣去

白虎

城北九十餘里有山土石相半下寬平多美芻羣爭牧馬忽有物見山下白質黑文行動頗馴遇牛馬不噬搏衆奔避以為虎起三日復遇擬共迹之已不復見有識者曰白質黑文似虎而馴不踐生虫不傷畜類考之圖記是為騶虞

石將軍

西華山左突出巨石高數丈畧似人形俗呼為石將軍

木落鳥

在新現界內每風雨暴作聞馬嘶聲相傳昔有土司龍馬尋覓不見逸藏此山故寨名木落鳥夷語謂為失馬處也

鎮西橋觀音

在城西門外昔有人從交趾負觀音像至鎮西橋忽不能舉焚香祝曰佛意居此乎遂建閣以妥之今為小西門樓

蜂王碇

在城東東文麓一名風碇相傳中常有異物為風虐乾隆二年大風知縣曹國弼為文祭之遂

息一說有蜂如驢每出碣食馬羊等物人莫可何有方士以法封閉碣口今尚有堆砌形

蓑衣山石竇

城西百里許山勢磅礴綿亘三十餘里一石竇外狹內寬崖蜂釀蜜成餅其臘溜積

如山人間有偶至者若有意求之杳不知所在焉

清水塘

城西西北百餘里周圍數十丈其水盈涸不常米價視為貴賤文入省路旁乾塘亦然

石海螺

在西華山呀路轉峯迴宛如螺形上生石竅投之鏗然有聲

紅石崖

城東百三十里岵亮寨後一崖紅色高十數丈河水環繞俗稱土會岵亮王伏此每朔望兩夜

有鼓砲聲

石香爐

城東百五十里威龍寨大石如香爐一平石承之時忽上下旁有石竈一每年六月朔日土人

祭爐安鍋於上

仙鵝石

城東百四十里兔打寨箐有二石一雌一雄形似鵝遇旱土人宰牲以祭用水淋鵝即大雨

開化府誌

卷之十

藝文

三

白竹雞

明土司龍勝全得於枯木

白火鳩

勝全子登高得按竹雞火鳩無白色而遠夷屢得之昔越裳氏獻白雉亦自南來豈其地之使

然歟

翻根樹

治西交邊分界處去新現三百餘里一栢樹修廣四十餘丈大百餘圍不伐自倒其根上翻側

面可容四五十人行者多憩息其下焉

界魚石

城北二十里許石壁雙開河從中流一石橫截居然砥柱旁缺一道湍急迴旋上下漁舟至此

皆停近崖下有一龍潭魚出遊及石而止漁人多於此候捕之

龍者寧

明阿雅長官司也因敘功久滯京師永樂十三年八月帝宴南門一柱將倒忽一龍扶之次日

早朝登百官龍姓惟者寧一人自南方來帝大悟勅命兵部准前功禮部造印章以者寧為長官司

拾金不昧

老蕭陝西漢陰人素貧甚路拾遺金三十兩尋失主還之失主願均分笑而不納人咸重

其義請於官獎之蕭曰我小人也
不為利又豈為名又有兵丁黃元宗路拾銀六十兩尋失主不獲首之
官後失主認回重謝之分釐不受老魏二塘人失名家極窮逐末於泰安橋一日拾遺金十五兩坐俟其
主經宿未見次日失主沿街尋覓魏訪確還之知縣曹國弼花紅獎勵

雌雄飛石

治北鑼鍋寨硎內有石一雌一雄玲瓏異常傳聞硎原無此石偶風雨大作不知自何方

飛來至今寨人不時致祭之祭畢灌洗之

開化府誌

卷之十

藝文

圭

